

ERICI PVTEANI  
HISTORIAE  
CISALPINAE  
LIBRI DVO.

Res potissimùm circa LACVM LARIVM  
à IO. IACOBO MEDICÆO gestæ.

ACCEDIT

GALEATI CAPELLÆ *De Bello Mussiano Liber,*  
*hactenus non editus.*



MEDIOLANI,

Apud Ioannem Baptistam Bidellium.

M. DC. XXIX.

*Superiorum Permissu.*

RECIPIAT  
HISTORIAE  
CISALPINAE  
LIBRI D. V.

MR. JACOBUS JACOBUS JACOBUS  
JACOBUS JACOBUS JACOBUS

ACCREDIT

GALATI GALATI GALATI  
GALATI GALATI GALATI



MEDICINARI

Medicinarum Medicinarum Medicinarum

M. D. C. C. C. C.

Medicinarum Medicinarum



I O A N N I S  
I A C O B I M E D I C A E I  
I N S V B R I S

*B R E V E E L O G I V M .*

**I**O. IACOBVS MEDICÆVS INSVBER, MARCHIO  
MARINIANI, EQVES AVREI VELLERIS, MEDIO-  
LANI ANNO ∞ CCCC. XCVIII. EIDIBVS FE-  
BRVARIJ NATVS, ET EGREGIE ENVTRITVS. IN-  
DOLE MOX ÆTATEM VICIT, MAGNA VIRTUTE  
AD GLORIAM ENITENS. STATVRA MEDIOCRI  
FVIT, PECTORE LATO, TOTOQVE CORPORE  
PVLCHER: ADSPECTV SVAVIS, NON SINE ACRI-  
MONIA, OCVLIS PENETRANS, TANQVAM MAIE-  
STATEM GRATIIS IVNGERET: NATVRA FACVN-  
DVS, INGENIO ACER, MANV FORTIS, MORIBVS  
COMIS: DISCIPLINÆ TENAX, IN DELICTA SEVE-  
RVS: SIQVID AGENDVM, CELER; AD OMNIA  
PROMPTVS, ET GRATVS OMNIBVS; QVEM QVI  
AMABANT, SIMVL VEREBANTVR: OTII IMPA-  
TIENS, VOLVPTATVM OSOR: MILES ET DVX:  
STRENVVS ET MAGNVS: SVIS PRIMO AD LACVM  
LARIVM, DEINDE PER VNIVERSAM FERE EVRO-  
PAM CÆSARIS AVSPICIIS VICTOR, IN PATRIA  
VRBE FATIS CONCESSIT, ANNO ∞ 15. LV. TV-  
MVLVMQVE IBIDEM, QVO VIX PVLCHRIOR TO-  
TA ITALIA CONSPICITVR, A FRATRE PIO IV.  
PONTIFICE MAXIMO ADEPTVS EST.

De Die Natali, Genitura, & Fortuna MEDICÆI Carda-  
nus in Aphorismis Altronomiis.



ERYCI PVTEANI  
HISTORIAE  
CISALPINAE  
LIBER I.

Res potissimum circa LACVM LARIVM

A  
IO. IACOBO MEDICÆO  
Gestæ.



B R E V I A R I V M.



**Q**UERIS limen breui Natura non senescens elogio  
exornatum. Magnorum ingeniorum facinorumque  
nullum non auum ferax. Homines mali aut ignavi  
presentem oderunt virtutem, & quicquid non est,  
astimant. Sed IO. IACOBVS MEDICÆVS,  
ut inuidia, dum viueret, obnoxius; ita Stilo dignus  
fuit: vir animo manuque fortis, & quem omnis posteritas admiretur.  
Rerum ab eo gestarum compendium, & velut ad Historiam iter. Tum  
origo, parentes, familia. reditura claritas prodigio notata. Indoles ad  
arma & militiam; & quia emergens, mox in vrbe hostes habuit. Ergo  
etiam puer insidijs circumuentus, & ferro latus, tanquam ad vindictam,  
maioresque fortunam conualuit. Aduersario interfecto, urbem deserit,  
Lacum Larium petit, & inter exules degens, iam tum innata virtute  
suum Patriæque satum cepit prouocare. Galli eo tempore rerum potie-  
bantur, in aliena prouincia violenti. Hinc Insuenum pro Francisco Sfor-  
tia conspiratio; sed detecta, ut publica belli tempestas accederet. Medicæ  
interea audax facinus, & in reliquo bello fortitudo atque industria. Pon-  
tificis, Cesarisque copia se Sfortianis iungunt. Contra Galli, Lautreco  
Duce, in hostem eunt, & fugantur. Ad Abduam res geritur: primus-  
que Medicæ flumen traiecit, & pugnat. Pari mox ardore & succes-  
su patria scandens mœnia, exulum agmen inducit, presidium pellit, &  
in auxilia ciues conuocat. Hac pugna vrbs magis, quàm prouincia capta,  
Principem accepit Sfortiam, sed occupauit. Medicæ Prefectura La-  
cus Larij delata: quam rigide ille administrat, cædis Martiana ultor.  
Guelfie factionis hominibus plusquàm hostis. Gallorum naues in portu  
Mussiano accendit, opido parci. Lautrecus, velut vindex, Leuci repa-

A

745

rat vires, Sfortunatos classe exiit: quem à plena victoria Medic ausaret. A  
 Nequicquam deinde emulatione Clarauij impeditus, Turnum excidit,  
 Herba latrones pellit, Mussianam arcem insidijs tentat: quia non succes-  
 sit dolus, maiori animo mox obsidionis auctor, et deditionis interpret, quam  
 si pugnasset. Magnum hinc facinus, & ambigua fama, iussu Moroni  
 aggressus est. & Astorem Vicecomitem, tanquam turbatorem publica  
 quietis, interemit. Pro nouo urbis vulnere id habitum, & Sfortie impu-  
 tatum: qui tamen si inuidiam criminis remouet, domestico scelere panè op-  
 pressus est. Sed Medicus, velut premio donandus, per fraudem exilio  
 destinatur. Re detecta, disci imen in occasionem melioris fortunæ vertit,  
 & felici astu virtuti sedem quarens, arce Mussiana potitur.

CESSITIM ORDINAT

Quernum de na-  
 tura sua genus hu-  
 manum.

Et interci blan-  
 diens.



Erum humanarum sensim labi fata & languescere, vetus, sed iniqua querela est; nostra autem hac tempestate præcipuè inualuit. Homines vt impu-  
 nè inertes simus, necessitatem accusamus. Nemo fuit, qui tantum sæculo suo fauit, vt op-  
 timum putaret. Nunc etiam praua opinione

Præsentia falli-  
 dis, remota qua-  
 rit.

decepti plerique, euauisse olim ingeniorum credunt florem, &  
 ad facies naturam subsedisse. Hinc solenne mortalitatis vitium:

Negligere atque etiam contemnere proximas; contrà, loco & ætate longin-  
 qua admirari. Id enim agimus ferè, vt infra maiorum decus po-  
 siti, quasita labe turpes simus, & laudemus tantum quæ desie-  
 runt esse. Igitur nostro insensu, clarorum virorum facta, mo-  
 resque alieno & orbe & sæculo quærimus; impenso quoque An-  
 tiquitati pretio, quasi lassæ aut fracta temporis senio virtus vbi-  
 que corruisset. Si fruges & prouentum horum spectas; steri-  
 lem sæpè annum fœcunditas sequitur, fœcundum sterilitas: ita  
 cum sæculis florent ingenia, vt mox deficient; & deficiunt, vt re-  
 nascantur. Hanc varietatem leges mundi habent. Sed nec vlla  
 tâ infelicia fuere fata aut tempora, vt virtus desierit: post ignè  
 fauillæ reluxerunt. Viros illustres Græca & Romana vetultas  
 frequenti fauore fastis & æternitati consecrauit; egregijs faci-  
 noribus impensius fauens. inuidiam aut ignorantiam remouea-  
 mus; omnis ætas, omnisque populus in exemplum & admiratio-  
 nem veniet. Qui somno vitijsquemersi sunt, & tam simul mali,  
 vt ignauix patrociniū quærant; esse non sinunt quos suspiciat:  
 bonis rebus infesti, sæculo quicquid peccatur imprimunt, & vi-  
 cinam omniem gloriæ lucē, quia recto oculo sustinere nequeūt,  
 prauo iudicio conantur extinguere. Hic igitur morbus moram  
 rebus; & simul Historiæ obijcit; vt cum pauci fortiter faciunt,  
 scribere plerisque aut vile, aut ambitiosum sit, & sterili dūtaxat  
 industriz

Quasi meliora:  
 Sed rerum & in-  
 geniorum vitijs-  
 tudo est.

Nec desit aut  
 desinit Virtus.

Sed later, inuidia,  
 aut ignorantia se-  
 pia.

Sic & Historia  
 impeditur.  
 Tanquam vilis,  
 aut ambitiosa.

B

C

D

**A** industriz relictum. Sed non omnium culpa sæculi totius gloria contabescit. etiam in tenebris mortales aliqui diem molitur: ut post occasum Solis noctem illustrant sidera & velut accendunt. Pectus qui peruersa indole corruptum habent, queruli sunt; & accusatores omnium, ingenium à vera laude remouent. Atque isti oppleuerunt velut cineribus igneam vim animi, & otio torpentes mortuorum imaginem habent; imò verò dum spirant, ignorari incipiunt. Si quis igitur veterno hoc excusso, ad magna & victura mentem erexit, æternitatem orsus est, & tempora sibi maiorum vindicat. Nam ut pro naturæ vigore loquar: annis fessam & effœtam dicere, aut error, aut ignauia est.

**B** In corpore humano, ut in elementis corruptioni obnoxii, ipsa incorrupta; in animo, ut in cælo, æterna; senij expers, sana, robusta; fecunda quoque, si colatur. Itaque si animum expendis, ab eodem æthere ducitur; si corpus, iisdem astris nascitur, & ad eandem laudem atque famam. Nostrium quidem hoc æuum, quod pares iterum vitij virtutes extulit, inspicere; admirabere profectò, qui obiectam vniuerso generi ignominiam deleant, si in aperto magis positi, & pro gestis clari. Sed mihi Historiam Scripturo **MEDICÆVS**, velut libamentum duraturæ industriz placuit: simul tueri munus meum, à maximo Rege iniunctum; opere si non vasto, vario tamen, quia Martiali, & ut nullū

**C** sine cladibus bellum est, cruento. Itaque vitatis inuidiæ odijque scopulis; narrabo ex illustri & æterna gente Virum, cuius ut alio sæculo virtus resplenduit; ita nunc extra gratiam atque ambitionem gloria erit. Quantum egit, sibi quisque post fata vindicat: victisque naturæ beneficio obrectatoribus, demum Auæor famam inuenit, cum Scriptori vero esse licet. Mortuis nemo claritatem inuidet; & magna virtus, cum præconē nata, post omnia tandem hostem liuorem conficit; cuius vnius postuma victoria est. Non recedam verò ab Insucribus, bellorum quodam fato olim, & nuper iactatis, cum pro vna hac prouincia maximi Europæ Principes paribus panē votis viribusque

**D** contenderent. Longum grauemque Cisalpina amenitas Martem tulit, nec interijt: quantique momenti ad res magnas situs ipse esset, hostes confessi sunt, postquam debellati. Atque alibi suo regiones spatio bellum definiunt: hic de pugnantium magnitudine, de quiete & securitate Italiæ certatum est. Prorsus ut generosum prisca nobilitate censeas populum; quiescere nisi sub ipso Cæsare recusauit, non alium post tot clades passus Principem, quàm qui orbis terrarum esset. Magnam tantæ fortunæ partem **IO. IACOBVS MEDICÆVS** gessit, nunc mihi dicendus ille non æqua nuper iudicia expertus, & sic aut non

*Sed ab ignavis.*

*Hi ut nesciantur,  
vixisse, otio immo-  
rati.*

*Quisquis velli a-  
git, æternus est.*

*Et natura talis,  
atque indefissa.*

*Vires omni auro  
produxit, virtus  
resque.  
Etiam nostro...*

*Si quis describat.  
Ego eductus, in  
Historia Cisal-  
pina.*

*Et pro munere im-  
iuncto.  
Opus hoc ipsius  
bellicum est.*

*Vir, qui celebra-  
tur, nuper magnus.*

*Nunc ut fama  
apertus;*

*Ita veritatis testi-  
monio dignus.*

*Nec se iunctus ab  
Insucri fortuna.  
Qui in bella sua  
panē Europæ tra-  
xerit.*

*Propræciat an-  
dæm vni Cæsare  
potitur.*

*Id vero auxilio  
quæ: IO. IAC.  
MEDICÆVS,  
qui hic dicitur.*



*Odia quorundam  
iactatus.*

*Cum elogium non  
ambitas.*

*Imo obliuioni pro  
pemodum mortuus.*

*Cum maiora fide  
gereres.*

*Nunc in lucum ro  
dei.*

*Eriam veteris mi  
seria miraculum  
ascribendus.*

*In exemplum Hi  
storia, & Tolle  
ritatis.*

*Peccant omnes,  
qua industria fa  
ma conficit.*

*Et fortuna corri  
piat.  
Si compendium  
placet.*

*MEDICÆVS  
si rpe mobilis, In  
dole militaris.*

*Exilio honestus.*

fatis adhuc, aut aliter notus. Parum quibusdam erat, negare **A** magnum, nisi & malum affirmarent; quasi facilius gloriam destruatur, si mores reprehendissent. Verum ita se res habet. Vir militari ingenio, qui Scriptoribus blanditus non est, pulchriusque putauit, mereri famam, quam captare; alibi negligi, alibi etiam vellicari coepit, & in calumniam sauitiae ac temeritatis rapi; tanquam nulla virtute, sed caeco fortunae beneficio euectus. Stupore deinde & silentio odia excepta sunt, tantumque profecit obstinata iniuria, ut cum mala cessaret fama, ne bona quidem superesset. Pro nefas! tanta vis animi passim fauore destituta, primum luctari circa fidem coepit: mox obliuionis quodam pondere oppressa, propemodum succubuit. Quippe **B** rati mortales, fieri non posse, quae rerum ordinem excederet, obliuisci maluerunt, quam inquirere, admiratione in silentium conuersa. Sed non diutius latere potes magne Heros. Cessarunt odia, obliuio expugnanda est. Humani generis interest, in omnem posteritatem facinorum tuorum memoriam extēdi. Et quid in miraculis veteris cui heremus? Alexander esse poteras, si te Philippus aliquis genuisset: paria gerere, si tam fortunae, quam virtutis fuisses filius. Magnum tamen deinceps mortales omnes dicent, qui in vno lacu, & adhuc iuuenis, terrarum velut orbem videris debellasse. Te tibi ego reddam, famae & simul veritatis mysta; nulloque corruptus beneficio, pari **C** ingenio & fide ab æternis virtutibus tuis omnem temporis hominumque iniuriam depellam. Vos qui nunc viuitis, & qui viaturi postea, amate immortalitatis curam: tam si hæc gesta, & hæc scripta placent; gerite ipsi quae sic scribi possint, aut scribite quae sic gesta. ut rara sint, & scitu digna, cum nulla facundia celebrantur, fama & æternitate excidunt. Fauete, & legite: excelsi inuidiq; animi exemplum refero, egregium Insubrum, Italiaeque decus. Heroem, non hominem, qui reluctantem alibi vasto armorum molimini fortunam freno ingenij coercuit, intrepida fiducia testatus, quantum ingens hominis vnus animus in rebus humanis possit. Sed lubet breuiter carptimque **D** complecti magnitudinem argumenti, & velut rudi manu designare rerum imaginem, quam deducam colorum varietate & expoliam.

Natalibus inclutus, sed temporum malignitate depressus, generosam indolem gloriae desiderio imbuat, & à se exegit quicquid Maiores fuerant. Adhuc puer virili vindicta fortis, validum inimicum confecit. Mediolano pulsus, rudes adhuc annos militiae tradidit, & vasto animo virtutem nutriens, pulchrum exilium fecit. In Gallos mox animosus, pugnando Patriam meruit.



Aruit. Multa consilio & manu patrauit, virtute & dolo. quia & in perniciosum ciuem ferrum strinxit, magnumque Principis causa discrimen subiit; obsequio gratus, & tamen facinore inuisus fuit: quasi morem gerere, virtutis; gessisse, sceleris opus esset. Sed ille etiam post audaciam felix, nec falli insidijs, nec vinci armis potuit; etsi & iniuriæ obnoxius, tanquam amicus; & impar, tanquam hostis. Ergo Principis violentiam bello sustinuit: vnicoque præcipuè castello munitus tutusque, velut è spithama rupis, vniuersam prouinciam populosque vicinos conterruit. Ita incredibili industria & innato vigore animi, planè stupente Europa, ad excelsa belli vota perripuit: gloriosus quidem, quòd ex ipso silentij profundo emergere tam felici conatu potuerit; gloriosior autem, quòd modum felicitati posuerit, & cum summa virtus promitteret, mediocria amplexus sit. Vt magna gessit; ita gloria sua dignus fuit, & familiæ suffecit. Namque Mediolani MEDICÆOS esse, mirari Hetruria desijt; postquam prudētissimus in Insu-  
**B**subribus bellator tam illustri nomini par fuit. Deinde, cùm dare famam suis omnibus posset, tam benigno fato vsus est, vt in fratre & propinquis æternus quoque esset. Fratrem cùm dico, Pontificem dico Maximum, PIVM IV. sacrum rerum humanarum caput; & hunc proximo sanguinis atque dignitatis gradu DIVVS CAROLVS  
**C**BORROMÆVS, cælestis in terris splendor, excepit, è rore vtriusque natus. Atque vt ambo hi Antistites fuere, facere magnum, alter fratrem, alter auunculum potuit, quem infecuti; si nihil dignum fama ipse designasset. Sed suis armis, suorum postea toga & sanctitate inclytus, quantum parauerat nomen, inuenit.

Gentem igitur, vt dixi, MEDICÆAM habuit, antiqua origine illustrem, sceptris & imperio diuinitus destinatam; quæ diffusis olim per Italiam, adeoque Græciam radicibus, Florentiæ æternitatem fundauit, & Mediolani cum laude floruit. Etenim inter fœderis Legatos ad Fredericum Imperatorem ab Insu-  
**D**subribus missos, Ioannes & Lotharius Medicæi fuere: alter anno .m. cclix. alter mox, .m. lxxxiv. Vicus quoque & palatium hodie Medicæum; etsi sic dici desiere, postquam vetus illa familiæ dignitas imminuta. Nam ille à Moronis hodie appellatur: palatium nisi vetera insignia gentis superiori limini inscripta gereret, pænè nesciretur. Pater BERNARDI nomine fuit, vir prudens, gratus ciuibus, natus negotijs; qui in cura vetricum prouinciæ manceps consenuit, nullo detrimento honoris aut famæ; cùm & olim laudabili ritu, in æterna virtutis vrbe, Florem equitum Romanorum, ornamentum ciuitatis, fir-

*Manu fortis,  
Ingenio callidus.*

*Audacie felix,*

*Militia clarus;*

*Potestatis. Modestum fortunam  
maxima proposuit,  
Et familiam illam  
stravit.*

*Frater Pontificis  
PII QVARTI.*

*Auunculus  
D. CAROLI  
BORROMÆI.*

*Gens Medicæi  
Mediolani inter  
primas;*

*Pater Bernardus  
vir egregius, &  
equitum dignitate  
manceps;*

**A** studio & obsequio necere. Erat in vultu blandities & grauitas, in moribus seueritas, in animo virtus, in omnibus feruor, & supra ætatem omnia: quibus in turbulenta ciuitate multorum inuidiam atque inimicitiam prouocauit. Nam melior omnis vita, & virtute emergens, odium apud inertes habet: ignauis nemo inuidet. Vix ephebum Paullus Pannianus iuuenis nobilis, & acer cum armatorum manu ex insidijs adortus, pænè oppresfit. atque hic primum inuidi animi rudimentum enituit. Circumfusi aduersarij incautum adolescentem infesto petebāt ferro. ille in repentino periculo facilius gladium, quàm consilium promens, gradu ad præliandum composito, primam vim

*Et hostes inuenit.**Circumfusi gra-  
uiter vulnera-  
tur.*

**B** viriliter sustinuit: mox ipsis vulneribus stimulatus (quinque iam grauissima acceperat) perrupit & euasit. Vicisse putares, qui sic fugeret; & corpore viribusque integrum, qui glorioso confunderet sanguine vestigia, nec titubaret. Quàm fortiter pugnasset, læsus ostendit; periculi magnitudinem atrocissima vulnera. E vestigio igitur in vicinam Castellatorum domum receptus, & corona cinctus amicorum ciuiumque, qui confluerant, Spartano prorsus & heroico animo medentis sustinuit manum, & contemnere potuit, quicquid hostes inflixissent. Vicit affectum quoque circumstantium generosa iuuenis indoles, & cum nemo non ingemisceret, solus hic qui læsus, serenos

*Sedenadit:**Et contemnit pla-  
gas.*

**C** circumferebat oculos, velut doloris experts. Parum etiam crudescennes iam ferre plagas, nisi & spectaret: quia igitur grauissimo vulnere dorsum patebat, triente propemodum corporis dissecto, poposcit specula, & constantibus oculis hiatum arbitratus est; hoc tantum tristior, quia auersum. Vix è periculo vitam viresque recuperauerat, cum magis & magis stimulante iniuriæ memoria, inimicum nobilium iuuenum caterua septum solus aggressus, interemit. Hac cæde vniuersa familia irritata, illico vrbe excessit; & ad Lacum Larium, ea tempestate partium tumultu & armis variè inquietum, exulatum iuit, tanquam ad occasionem magnæ virtutis euocatus. Factionis Gibellinæ hic

*Dolor maior.**Nondum percussit vulneribus,  
aduersarium conficit.**Et exilium ample-  
xit, ad Lacum  
Larium fecit,  
Gibellinæ adha-  
rent.*

**D** tunc caput Ioannes Martius erat: quem per varia discrimina secutus, sæpius ipse duxit, & manu consilioque seruauit. Heluetijs, Rhatisque gratus fuit, & Theganum cohortium Rhaticarum præfectum, corpore pariter & animo maximum, insigniter sibi conciliauit. Quæ vis rectæ & generosæ indolis! labore, vigilia, inedia deliciarum cupidinumque ipsam pænè memoriam deleuit, iam sine onere ad gloriam anhelans. Nam qui voluptatis blanditijs capti, obrutique corpori indulgent; humi serpūt, vitamque infami silentio consumunt. Tanti erat urbem relinquere. neque tamen cum aspera illa locorum diutius incoleret,

*Amicos facit:**Ad omnes rebus  
corpus animumque  
durat:**Sustinent,*

mores

*Aliorum mores  
corrigit.*

*Vixit satis uen-  
tus, innotescere  
voluit.*

*Aliquo imperio  
amittit.*

*Sed occasio ad-  
huc decet.*

*Haec mutatio  
verum nascitur.*

*Franciscus Rex  
Insueti armis su-  
bigit.*

*Hostem villam  
Maximiliano  
Sfortia in Galliā  
sequitur,  
Patris fortunā  
voluntario dede-  
core admittit.*

*Velut captiuus;*

*Quia viuidi sub-  
sua suppetum.*

*Prouincia violent-  
er administra-  
ta:  
Et tam indigena  
quā Galli nocent.*

*Impunitas au-  
daces.*

*Iuuentus ferox;*

*Profecti iuris  
aui.*

*Suo scelero alio-  
na infamia Insu-  
brii Rempub. la-  
cerant.*

morēs inhorruere. comis & blandus inter amicos : ferocem **A**  
acerbumque soli hostes experti sunt. Impetum, & sæuitiam so-  
ciorum clementiæ officio temperare solebat; ad gloriam, non  
ad prædam hortari: cum auctoritate, sine imperio erat. Itaque  
in longiori ac difficili exilio, prius fortunæ, cum nullum à pa-  
tre auxilium esset, mox famæ cura industriam acuit. Atque bo-  
ni nominis fecunda etiam semina per steriles rupes sparsa. Iam  
tum honesta quadam cupidine dominandi tentare animum cœ-  
perat, & fortunam quasi tardam accusare. Hactenus enim in  
vmbra tantum militiæ arma, sacramento soluta, induerat, per  
publicum tumultum & ipse partes secutus: virtuti plenam oc-  
casionem bellum non dederat. Interea Mediolani non vnare-  
rum facies: Vix sub Maximiliano Sfortia, Ludouici filio, Fran-  
cisci nepote, ciuitas respirasse visa, & in Gallorum denuò po-  
testatem cessit. Franciscus I. Valesius, post auspicia mox re-  
gni, in Italiam exercitum duxit, & feliciter ad Marinianum com-  
misso prælio, prouinciam sibi vindicauit. Parum erat victum  
esse Sfortiam, nisi & abduceretur. Ludouici patris calamitas in  
filio Regi grata. Nam & ille antea post infausam pugnam cap-  
tus à Gallis, diem in carcere miserè obierat. Sed hoc dede-  
cus Maximilianus stolidæ mentis princeps, & à Maiorum indo-  
le degener, amauit; qui vt imperium, negligenter administra-  
tum, turpius etiam amitteret, hostem secutus est; libereque, vt  
sic dicam, paternam subiuit ignominiam, pari fato, maiori de-  
decere apud hostem moriturus. Vnicui traditæ prouinciæ  
præmium erat, ne egeret. sic quidem non sua tantum, sed patris  
fortuna dignus: nam quod ire voluit, meruit rapi. Galli deinde,  
tanquam in prouincia armis subacta amplius liceret, violenter  
agere, victoria & clementia Regis sui abuti. Et dubites tamen;  
à ciuibz alibi, an à militibus plus malis; ab exteris, an indige-  
nis. Res nouæ & nulla disciplina compositæ, occasione scele-  
rum placent. Plures ergo Mediolanensium è noua mutatione  
rerum audaciam colligentes, quia Victoribus adhæserant, cum  
Patria debellatas quoque leges censere, omnia sibi permitte-  
re, aliena rapere, quasi iniuriam facere, id demum esset liber-  
tate vti. Iuuentus ipsa annis ingenioque ferox, & turbido impe-  
rio læta, lasciuire, turbare, vi agere. Atque in ista corruptela  
etiam qui iuris potestate eminebant, posito patriæ virtutisque  
affectu, rebus suis studere, Iustitiæ sanctissimam manum prosti-  
tuere, noxijs faciles, infontibus graues, si emptori placuisset.  
pecuniæ cuncta obnoxia erant. Prorsus suis quoque vitijs Insu-  
bres Gallorum famam onerabant: vt non immeritò dixerim,  
vetera tum vulnere omnia, partim vernaculo, partim externo  
scel-



**A** scelere recruduisse, & velut vnam plagam vniuersum Reipublicæ corpus factum esse. Virtutis, ingenijque cultus ludibrio erat, boni doctique odio. Sic ipsis malorum remedijs amotis, audacissima quæque facinora impunitatem, atque adeo præmiū inueniebant. Imperium crudele, impium, intolerandum: ambitio, auaritia, & demum libido, pro lege; ius & fas pro ludo: & iam post arma sæuior pax erat. Sed cætera dominantium vitia populus, tot malis subactus, tolerare vtcunque potuit; cum libido accessit, vniuersus vrbis status, velut graui procella, concussus est. Venus ipsa, furore armata, sæuiebat: ad obscenam fœdamque vsuram stupri palam matronæ virginisque poscebantur.

**B**ur, è patricijs, & è plebe: si recusarent, per vim rapi. Sic, quod extremum in tyrannide, sanctissima thori iura violenta libidine corrupta ac deleta sunt; nec in ipsis priuatorum ædibus laribusque vltima libertatis vmbra remansit. Trucem & atrocem istam rerum scenam cum intueri bonus quisque nequiret, & reprehendere capitale esset; alij, vt quam domi Rempub. lege nō licebat, foris ferro vindicarent, spōtē exilium amplexi; alij, qui liberius aut ferocius se gererent, per Iustitiæ speciem pulsī & proscripti. ita neque graue cuiquam exilium, afflictā ciuitate; & frequens erat, cum furore quodam minimæ quæque culpæ tanquāmax maximæ plecterentur. Flos serē iuuentutis ac nobilitatis erat: hos Medicæus excipere, fouere, in armis habere: ac iam breui temporis spatio robustam satis manum conflauerat, ad res Gallorum infestandas. Hic publicus terror: sed in vrbibus occulta ciuium consilia ad rebellionem. Auçtor stimulusque HIERONYMVS MORONVS erat, & nobilium animos continuis litteris sollicitabat, vir prudens, & per id tēpus Tridenti agens; vt Gallis obesset, Francisco Sfortiæ Maximiliani fratri impensē addictus. Franciscum, qui in Belgis apud Cæsarem erat, pronis quisque votis exoptabat: Fraire meliorem esse, & iure in antiquæ fortune fastigium euehi, ex quo ille turpissima pactione excidisset. Quem amplecterentur Principem, ipso nomine moneri dōmnes; Franciscum esse, cui ingenio & virtute ad imperium venire. Maximilianum nec mente firmum, nec rebus aptum, felicius in otio consensere: potuisse amittere prouinciam, vt ad inertiam se reciperet; non perdere, cum verus Sfortiæ superesset, heres exul, Princeps optimus, cuius & probitas & calamitas imperium mererentur. Cur igitur alienum adhuc potentia iugum sustinerent? cur legibus moribusque nūq̃ hostis, nunc grauius domini vserentur? Non Regis hoc imperium, sed gentis esse; omnium dominatū libertatem imminui; ac plures propemodum periurbato hoc reum statu regere, quā regi. Ad summam, Asciscendum esse Principem, qui natalibus Insuber esset, affictu Pater, tutela præsens; cuius indo-

Imperium prauis  
miseris virgibus  
quassatum.

Libido concussit.

Plerique homines  
bisque in exitu  
quasi sunt.

Vel pelluntur.

A Medicæo excipitur  
armis in Gallias  
sumunt.  
Simul vrbes ad  
rebellionē pronæ  
Iacitante dolo-  
rone.

Et Franciscum  
Sfortiam Princi-  
pem cupiunt.

Maximiliano  
neglecto.



*Omnium ardor  
vincunt exules.*

*Medici Medio-  
lanum intrare  
ausus.  
Coniuratos ad-  
itum Tabellarii  
hostis interfecit.*

*Et epistolas va-  
pi.*

*Rebellio decen-  
natur.*

*Tridento Moro-  
nus venit.*

*Cum Medico  
Regium Lepidi  
se confert:  
Et quæ insidias  
quædit.  
Sfortiani & ali-  
bi infelices, fru-  
stra Commum ten-  
tati.*

*Coniuratio à Pa-  
laucino detecta.  
Is supplicio vi-  
tam finit:  
Item Mattius*

*Pluresque coniu-  
rati.*

*Pontifex & Ca-  
sar pro Sfortia in  
Gallos conjuravit.*

les in maioribus placuisset. Cum verò omnium arderent animi, im-  
primis exules prompti paratique pro Sfortia fuere, partim  
odio in Gallos; partim spe recuperandæ Ciuitatis. Inter cæ Med-  
dicæus, rem æterna dignam fama ausus est, & vt consilia Moro-  
ni promoueret, fortis videri voluit. Quatuor itineris comiti-  
bus assumptis, Mediolanum perrexit: vrbeque ingressus sub  
meridiem, coniurationis tesseram amicis detulit. Inde rediens  
in tabellarium Gallum, epistolarum sarcina onustum incidit;  
fortuna velut ad nouum facinus inuitante. Digna discriminè  
præda visa, arcana hostium penetrare. Ergo vt sarcinam rape-  
ret, Gallum confodit; hoc quasi cruoris libamento oppressis  
Penatibus vindictam libertatis coram pollicitus. Nouum vi-  
ætorix genus, & pulchrum, quia fugere licuit. Epistolæ velut  
manubix erant, tanquam ab vniuersa gente captæ; quibus mox  
ludit læsitque dolose hostem, & gliscentem coniurationem va-  
lida animauit. Maturuerant Insu-  
brum vota ad defectionem;  
& recusabant omnes sub alieno deinceps dominio miseri esse;  
Summa consilij erat, statuto die per prouinciam vniuersam ar-  
ma capere, pro Sfortia pugnare, eijcere Gallos, & quantum vis-  
que malorum passi, summis viribus vlcisci. Itaque ad matu-  
randum facinus Moronus cum paucis Tridento in Italiam pro-  
fectus est, & è via vnà Medicæum duxit. Neque celari tamen  
hoc iter potuit, aut suspitione magni moliminis carere. Pro-  
perantibus Rhegium Lepidi, quò frequentes iam exules conue-  
nerant, Sfortiæ addicti, insidiæ à Fusio Præfecto Regio struxit,  
& ægerimè vitatæ sunt. Infeliciores etiam exitus aliorum alibi  
pro patria conatum prodidit ac repressit. Commum, exiguo Gal-  
lorum præsidio munitum, Palaucinus & Mattius dolo tenta-  
runt, collectis Germanorum Italorumque auxilijs. Sed casu,  
an culpa proditi, cum circa mœnia hæerent, noctu à Gallis opi-  
pugnati, & cum terrestri itinere fugerent, faucibus montium  
intercepti, in potestatem hostium venire. Palaucinus Medio-  
lanum perductus, postquam detexit coniurationem, securi per-  
cussus est. Mattius Comi, hostium ludibrio traditus, inter cru-  
ciatus expirauit, vir feroci ingenio, & apud Insu-  
bres omnes bellandi audacia clarus: quem ita Medicæus luxit, vt armis af-  
fectum testatus sit, parum amicus, nisi & vindex exstaret. Serò  
cognitum, maiorem iam Gallorum potentiam esse, quàm vt do-  
mesticis posset armis excindi: vbique in coniuratos sæuitum;  
& oppressa libertate, sub grauiori ingo prouincia gemuit, vt  
Leo Pontifex, & ipse Cæsar bellarent. Iustis vrerque causis sti-  
mulatus, ferre diutius in Italia Gallos non potuit. Itaque per-  
cussio fœdere, ingentibus copijs Franciscum Sfortiam per du-  
ces

A ces manu reducebant. Per Prosperum Columnam, & Ferdinandum Piscarium Cæsar: per Fredericum Gonzagam Pontifex. Sfortia rerum summam Hieronymo Moronò commiserat, paullisper spectator belli. Igitur iunctis copijs viribusque, etiam sub libertatis signis agmen exulum se mouebat, Francisco Morono, duce, Hieronymi fratre, viro perquam strenuo, & militari prudentia insigni. Huic carus imprimis assiduusque Medicæus, ob præfractum animi corporisque robur; & è tota exulum turba ad ardua patranda, velut in exemplum, sapius assumptus. Nam quasi iustus in armis virtus robustior esset, iam pro patria nihil formidabat: & sic, ne solus in periculum

B iret, multi amore & simul emulatione sequi. Quæ facta, imò miracula! pro fabulis sint, nisi publicæ & oculata fide obsignata durent. Neque tamen Medicæus in suam famam gestis exultare: ad Moronum velut auctorem & ducem, vt miles ministræque fortunam referebat. ita virtute in obsequendo, verecundia in prædicando, extra inuidiam, nec extra gloriam erat. Galli interim minimè segnes aut trepidi; sed ad repentinum belli nimbum excipiendum, Lautrecum sequebantur. Primum certamen Abdua dedit, primumque sanguinem hausit, vt toti provincie propinaret. Cis flumen Lautrecus exercitum retraxerat, cunctisque ad citeriorem ripam subductis nauibus, hanc viris aggeribusque muniuit. Cæsariani ad flumen vsque secuti, per alueum vada frustrà tentarunt. Tum Franciscus Moronùs, translatis è Brembo vicino amne duabus scaphis, nauique oneraria iuxta ripam reperta, quam sub virgulta frondesque piscatores abstruserant, transvehere suos noctis silentio statuit, vallumque aggredi. Factum: insiliunt, & prope pagum Vaprium euadunt. Contrà Galli strepitu excitati, ad ripam præcurrunt. Primus in terram hostesque se Medicæus effuderat, quasi solus pugnaturus; pænè temerario conatu, nisi plus fiducia in viribus, quam numero habuisset. Atque hoc ipso audaciæ miraculo obstupefactos omnes tenuit, liberioremque commilitonibus exsultum fecit. Acrior deinde pugna, excitis clamore periculoque auxilijs hostium: cumque maior vis ingrueret, tumultuario consilio Medicæus fugam cum suis simulans, proximam in ripa domum occupauit. ergo dum eodem vim hostilem trahit, & virtute pertinaciam lacescit, iam traiectum nauicula iterant, ac subsidium submissum est. Tandem Heluetiorum, & Hispanorum copijs traductis, domum, vallumque ipsum fuga hostes deseruere. Nox & caligo terrorem auxerant. Itaque Lautrecus, mutato repente belli consilio, exercitum Mediolanum duxit; siue vt prælium declinaret, siue vt armorum præsentia tantos

*Belli ducti, Prosper Columna, & Fred. Gonzaga*

*Exulibus Medicæus præst:*

*Is inter omnes Medicæum altimatus;*

*Quia fortem,*

*Et simul modestum.*

*Galli, duce Lautreci, bellum ceperunt.*

*Abdua ripam muniuit:*

*A Medicæo nocte oppugnat,*

*Et impediti.*

*Cedunt hostibus, & Mediolanum se recipiunt.*

tantes ciuium animos in fide teneret. Sic ferò intellexit, *agitatum A*  
*Insequuntur Ca-* iniurijs populum cupiditate libertatis incendi. Sed Cæsariani, quasi  
*fariani:* fugientes Gallos sequerentur, ad urbem pariter advolant, rati  
*Sine mora mu-* ciuium auxilio expugnari posse. Primam aciem Piscarius du-  
*nicentiam:* cebat, & ex ipso itinere mox in mœnia direxit, tanquàm in vrbe  
*Primique exules* quieturus. Exules, qui diutiùs ferre desiderium patriæ non  
*gentitans:* poterant, ante reliquos festini, per vallum, recenti & interrupto  
 opere hiantem, irrumpunt; ictus miscent, vi præsidium pel-  
 lunt, sternuntque. Sic in urbem ipsam illatum prælium, dum  
 pugnando hostes cedunt; &, quod victoriæ omen erat, Trium-  
 phus exercitus Veneti præfectus, capitur. Medicæus inter pri-  
 mos fortissimè dimicans, in conspectu Larium Penatiumque *B*  
 tot annorum exilium hostili sanguine expiabat. Ad armorum  
 furorem ciues quoque prosiluerant; sed, dubio etiam Marte,  
 dubij ipsi anxijque, vtri se parti iungerent. Quà fortuna rem  
 daret vires inclinare, mali exempli erat: ac tamen excutere  
 Gallicum iugum gestiebant, in ipsa occasione trepidare. Dux  
 auctorque libertatis deerat: & sic in causa publica priuatum  
 quisque discrimen pensitabat; hinc memoriam iniuriarum,  
 istinc metum. *Militem utrumque esse: & insolentiorum, audientiorum-*  
*Virumque fortu-* nam pensitauit, *que nouum. Hactenus si quid passi, non Regis culpa, sed Præfectorum*  
*nam pensitauit,* *vicio factum, qui natura audi, Remp. tanquam prædam habent. illum,*  
*Et in Gallorū par-* *benignum iustumque esse; hos, tyrannos, auaritia & superbia sanos: penes C*  
*tes inclinane.* *illum summam Imperij esse; hos moueri posse.* Cunctationem ciuium  
*Troibai Me-* Medicæus non ferens, alios rogat, alios increpat, &, vt suspec-  
*dicauit,* tos hostibus reddat, nondum sopitæ monet coniurationis.  
 Itane, inquit, *Oratione:* libertatis oblitos ac fidei, eterni facinoris spectatores vos  
 Patria habet? quis metus obsedit animos, quis torpor artus? manum, quam  
 in auxilij fidem nuper porrexistis, nunc arma possunt. Coniurare hone-  
 stum fuit, sigloriosum nunc putabitis, aut necessarium pugnare. Vobis qui-  
 dem hoc bellum geritur, hic sanguis funditur: & nonne vester? totum hoc  
 agmen ex vrbe vestra, & gente est; per vim & crudelitatem excisum &  
 emissum. Recipite ciues vestros, sanguinem vestrum: alius fratrem, alius  
 filium, alius pauperem, quisque ciuem: urbem urbi iungite. Illi, illi hostes *D*  
 sunt, quos in penetrabilibus aluistis: in hos seuire aruit, qui victorum om-  
 nium tormentis in fortunas, coniuges, liberoque vestros seuerunt. Nobis  
 quidem hæc patria est, in hac nati atque sumus: in hac si viuere non lice-  
 bit, mori saltem licebit. Quid amplius? vinamus an moriamur, in ve-  
 stra manu: sed vicia libertatem ipsam, salutemque urbis; mors, seruitutem,  
 exitiumque vnà trahit. Expedite seque ferrum, & communes hostes  
 exemplo meo ferite. Hæc effatus, magno impetu in aduersos fer-  
 tur. Ardore iuuenis correpti ciues, cum nullo imperio teneren-  
 tur, pariter in Gallos magno fragore detonuere. Sic Medicæi  
 auspi-



- A auspicio, ciuium auxilio capta ciuitas, non sine nausea sentiam tot calamitatum effudit. Sed per prouinciam maior iam æstus belli, & pertinax armorum tempestas Sfortiæ incubuit. is in urbem, imperiumque accitus, magna pietate subditos tanquam pater complexus est: clemens, sollicitus, liberalis; quibus virtutibus potentiam auxit. Tanquam arma non impedirent, Rempubl. ordinare cœpit, corrupta corrigere, inueterata mala sensim tollere, bonos fortesque laude ac præmio fouere. Hac occasione etiam Medicæ virtutem nouus excepit honor & euexit, fauente Morono; qui velut innata solertia fortium virorum stimabat facinora, ut ingenia occuparet; ad splendidum otium
- B neminem nisi ignauum traducere solitus, & cuius ad pompam duntaxat nomen aut potentia valeret. Trahebantur verò, ut dixi, graues adhuc belli reliquiæ, & cum his calamitates. Victi Galli, grauius iam nocebant, quia per prouinciam sparsi; & qui prælijs non sufficerent, latrocinia exercebant, opidis passim arcibusque adhuc tuti. Lacum præcipuè Larium cruentus partium furor agitabat: & his aquis velut refocillata laetudo hostium, melioris aliquam fortunæ fiduciam admisit. Valida manu Guelthorum factio grassabatur: litora omnia infesta classe domita. Musium Triuultiani, Leucum Galli, Minacium exules & transfugæ tenebant: qui omnes locorum situ feroces, facilius viribus vsi sunt, & pronis in Regem Rhætis, Heluetijsque, crudelia vbique ausi. Me dicæus igitur in Mattij suffectus locum, à Gallis paullo antè ignominiosè necati, Præfecturam lacus accepit; munus egregium, & occasione belli æstimatum: quod cum plures ambirent, nemo tamen capeffenti inuidit: ita illum & fauor publicus odio aut æmulationi exemerat: paremque iam honoribus maximis fecerat fama. Non potest insignis virtus auctorem abscondere; præmia trahit, & suauis pollicitatione inter labores blanditur. Sed non omnibus extra nubem fortuna ridet: multum consecutus est, qui egregia facinora ad gloriam sine inuidiæ obstaculo promouit. Æstimabat prouinciam suam Medicæus, primum, quia non ad quietem aut delicias, sed ad discrimina vocatus: deinde, quia ad munus amici, ut successor, & simul ultor esset: postremo, quia ad loca quæ amabat. Iuit igitur, & selecta stipatus amicorum manu, cum nullam in præfectura pompam assectaret, laborum omnibus socius esse cœpit: præcipere singulis, & ipse exsequi: in hostem milites ducere, & vnà pugnare: rapere prædam, & diuidere. Initium muneris vindicta Mattij nobilitauit, non sine crudelitate sumpta: ita amici & successoris animum inulti adhuc manes stimulabant; & quam hostes exercuerant armorum trucu-

D

lentiam,

*Prælijs capta  
velut auctor fuit.*

*Sfortia imperij  
capit, adhuc bello  
distictum:*

*Rempubl. ordi-  
nat:  
Viris fortibus  
præmia donat:  
Etiam Medicæus:  
Sed Moroni callis  
de inuictis.*

*Galli urbes, non  
prouincia pusi,  
Belli fortunam  
sustinent.*

*Circa lacum La-  
rium feroci.*

*Huius Præfec-  
tura Medicæus  
cepit.*

*Fauore suffragio-  
que augmen-  
tum;*

*Et virtutis occa-  
sione assuetus.*

*In administ-  
ratione strenuus;*

*Et simul suus.  
Mattij moris  
vltus est.*



lentiam, passi. quasi non in præfectum, sed dignitatem peccassent, puniti sunt; & auctores atque consortes criminis, vt sine macula Præfectura esset, aut militis, aut carnificis sæuitia extinxit. Primum quidem exules oppugnati, & Minacium exustum. Hinc fauillæ latius sparſæ, vicina aliquot opida, passimque lacum corripuerunt. Crederes alibi, & ipsas quoque aquas ardere: sic quasi ferrum satis non esset, in reos hostesque ignis sæuire debuit; & vt magis rerum natura turbaretur, elementa pugnaverunt. Sed Medicæum cū causā absolueret, & ardens in Principem affectus, acriorem quoque pertinacia hostium fecit, & quæ inualuerat Guelfiorum factio; rebus adhuc Sfortiæ infesta. Hæc igitur armis retundi, & vi summa comprimi cœpta, quò spes Gallicæ conciderent. Victa tandem & prostrata, postquam terrorem crudelitas impleuit. Atque Gibellinis tum animi viresque additæ, qui tali duce vim iramque effundere, & moliri toto lacu potuere, quicquid vincentibus militiæ votis fortuna solet indulgere. Medicæus, vt in solum hostem sæuus esset, immenso humanitatis affectu suos complexus est, largus, facilis, familiaris, tam misericors Præfectus, quàm acerbus Viætor. Quin & Mattij matrem, fratres, liberosque tanquam suos habuit, filius ipse, frater, pater. Quantum alibi natura solet, hic affectus præstitit: mortem Mattij scire poterant, qui non luxissent: quibus perierat, superstes fuit. Hic veræ amicitie fructus est, benefacere, cū possis omittere; & amare, cū fructum nullum speres. Erga viucentes plerique benigni sunt; qui in mortuos rari omnino existunt. In coniuge, libris, atque adeò propinquis amicus viuit, etiam cū desijt: in his amandus, ne tempori potiùs, quàm virtuti affectus seruiat. Medicæus autem, postquam vltione pariter & beneficio placasset amici manes, generosiùs in Gallorum reliquias, iterum crescentes, iuit, deducit ad beneuolentiam Rhetorum Helueticorumque animis. In ipso lacu classis adhuc obstabat, à Lautreco coacta; & foueri bellum poterat, quamdiù infestis nauibus hostis veheretur. Visum est insidijs petere, quod vires negabant, & incendio delere rates, vt tempestatis officium flamma perageret. Pars classis in portu Musliano consistebat. huc noctu Medicæus cum armata manu venit; clam penetrat, ignem nauibus iniicit, vi & strepitu incendium necdum adustum auget. Galli conterriti, & iam flammis velut obsessi, arma corripunt, in hostem & simul ignem confuso consilio pugnat. Quia inter somnum & trepidationem, pro portu & opido diuisa erat opera, vtrobique victi & fugati sunt. Opidani eiulatū magis quàm armis fortes, Penates deflebant, quos tutari non poterant: felices etiam, si à te-

*Minacium ex-*  
*usti:*

*In hostes ubique*  
*fauis:*

*Sed iusta causa*  
*Simulatus.*

*Ergo crudelitate*  
*vicit Guelfios:*

*Atque contrariā*  
*factionem virim-*  
*us erexit.*

*In suos benignus;*

*In amicis defun-*  
*ctum pius.*

*À Gallis Rhetos*  
*Helueticosque auer-*  
*sis.*

*Lautreco classem*  
*insidijs petis:*

*Es in portu Mus-*  
*liano incendit.*

*Gallos repugnantes*  
*superat, & in*  
*fugam conuertit.*

B

C

D

tis

Aetis incendium arcuissent. Sed superuacuum Medicæo visum, in muros domosque sæuire, cum prompta esset præda; aut ultra ferro hostes persequi, quos nauibus exuisset. Armorum tumultu ac tempestate liberari lacus poterat, solus si Medicæus imperasset. Interea Moronus maiore velut belli pondere res Gallorum depressurus, militiæ partem Bilacium misit, classem instruxit, & Præfectum Hermetem Vicecomitem addidit; siue ut auxilia Germanorum, quæ aduentabant, sine impedimento lacu exciperet, effunderetque in Lautrecum; siue ut nouis auspicijs, rem iam feliciter cœptam geri gloriosius perficeret, tanquam melioris vbiq; fortunæ auctor. Verum ista consilia insequiorem euentum imperitia noui præfecti detorsit. Nam Lautrecus, pugnae occasionem quærens, cum rudi adhuc classe decertare constituit. Ergo quicquid erat nauium linteriumque Leuci armat, Præfectos militesque ad prælium concitat: *Fortes essent, ad gloriam & simul prædam irent; hostem victorem incedere, quamdiu non pugnaret, audacem sola fortuna esse. Aquas sibi vendicarent, quibus terra erepta esset. Si Alpes claudantur, nihil in armis præsidij fore; nec sine periculo fugam institui, qua sola salui esse non possent, nisi ut ignauiam simul miseriamque testarentur.* Quos necessitas urgebat, leuis sermo animauit. Eductæ sunt naues, & concitato remigio verberari lacus cœpit. Putares auspicijs pugnae cum ipsis vndis esse. Iuuit nauigantium impetum spirans a Bruma ventus, quia scopulis angustijque impeditus, nunquam non ferox, classemque totam paucissimis horis ad promontorium Bilacianum propulit. Hermes imparatus ad pugnam, & quod pauidis vsuuenire solet, consilio fluctuans, cum instare hostilem cerneret aciem, & iam portui imminere, classem deseruit, ratus non infelicitur se cum fortuna pacisci, si militem in tam ancipiti discrimine seruasset. Sic turpi fuga totum in vno portu hostibus lacum cedens, formidinis socios Comum reduxit. Galli strenuè inuecti sunt, & classe, ripa, opido occupatis, fugientium turbam insecuti. Retentione eo tempore Medicæus venerat, & terrestri itinere Bilacium tendebat, lacum traiecturus. In via igitur de prospero Lautreci progressu edoctus, & fuga Hermetis, magisque gloria hostis quàm dedecore suorum stimulatus, in ipsa prænè Gallorum vestigia belli strepitum effudit, ferro ignique violentiam adumbrans: ad quem tumultum repente hostes conuersi, intellexere tandem, vano terrore successum plenæ victoriæ interruptum. Vbi tamen fortunæ beneficium, & quia abundè damnum Mussianæ classis pensatum, infesta nauigatione vindicare lacum cœpere; cum pulchrum etiam, & ad speciem gloriæ, pugnare nauibus, quas vicissent. Sic paulatim ad vires Lautrecus redijt,

*Vim & flammam ab opido abstinet.*

*A Morono maior apparatus: Et cum classe Hermetes, Vicecomes mittitur.*

*Insulto euentu Lautrecus pugna audax,*

*Naues contra instruit, Militesque conhortatur.*

*Edacit classem.*

*Bilacium venit. Et imperium Hermetem adortus. Et, nauibus desertis, turpi fugæ, quam pugnauit.*

*Tanti capitis,*

*Ne caso superni, Medicæus.*

*Terrore Galles persulsi.*

*Lautrecus ignitur lacum vindicat;*

*Aerisque ad bellum accingitur.*

Turnum copias  
ducit.

Comensibus in-  
fensus.

Sfortia furgenti  
et lacu tempestat  
reprimere flammis.

Imperio Medicæ  
obtemperat.

Itemque Clara-  
uillij.  
Quæ Comiti præ-  
fectura ornatur,  
et malignæ expe-  
ditionis iras.

In rem suam ad-  
lidus.

Ergo Medicæus  
collega neglecto  
militum undique  
congregat.

Turnum, hostesque  
petit.

Clarauillius, ne d-  
victoria excluda-  
tur, eodem ad-  
uolat.

Tam pugna allu-  
ens, quam mora  
malus.

Hinc grauior im-  
petus amulationis  
irruentibus.

redijt, & vt in agrum Mediolanensem viam aperiret, tentasse A  
Comum statuit. Itaque Turnum copiarū ductæ, quod opidum  
Iurato promontorio munitum, & opportuno situ bello mouen-  
do aptum, rebus Gallicis studebat. Quinque duntaxat passuum  
millibus Como disiunctum, litore & lacu infestum erat. & pro-  
pemodum in conspectu Hermetis classis hostilis stabat. Galli  
nunc aqua, nunc terra ad mœnia Comensium effusi, crebris ex-  
cursionibus violentiam explicabant. Sed territus Sfortia, &  
ab his scintillis nouam belli flammam metuens, cum leui suc-  
cessu inmensum sciret hostium animos erigi; reprimere insul-  
tum vi maiori statuit, & quia infeliciter Hermetis imperitia  
cesserat, opera & ingenio Medicæi vti. Huic temporum locorumque B  
momenta in toto Orobiarum tractu, & rerum occasiones exploratas effi-  
nomen ad formidinem valere. Quin & Præfectura Larianæ huic bono-  
rem merito adiungi. In partem tamen oneris Bartholomæum Cla-  
rauillium misit, & præesse Comensibus voluit, vt in vrbe & in  
lacu vis auctoritasque valeret. Bis mille circiter pedites secum  
ille ducebat: sed peruerso consilio moram rebus iniiciens, cum  
Turno vi pellendum hostem censeret Medicæus, temeritati no-  
luit cohortes committere; & tanquam opido parceret, expedi-  
tionem dissuasit. Sic honesto velo malignitas tecta; quantum-  
que sibi Præfectus studuit, & obsuit militum votis, & Principem  
retardauit. Nam rem trahere, quod diutius imperaret, destina- C  
uerat; & vicinum habere hostem, vile arbitratus, vt armatus  
confideret. Urbem si liberasset metu, superuacuum munus vi-  
debatur: nec pellere Gallos poterat, nisi vt Collegæ potentiam  
augeret. Medicæus contrā, cui cunctatio hæc suspecta, omnia  
agere, ne otiosum munus haberet; & vt Gallis parem se osten-  
deret, suis viribus aggredi Turnum decreuit. Collecto igitur  
vndeque iusto militum numero, quos & desiderium prædæ;  
& fortuna Ducis promptos ferocesque reddebant, & quantoli-  
bet periculo pares, rectā ad hostes aduolat. quo nuncio ad no-  
uam calliditatem traductus Clarauillius, sine mora eduxit co-  
pias: nec minùs callidè quæsiuit prælium, quàm antea detrecta. D  
rat. Etenim si vincerent Sfortiani, in partem veniebat gloriæ;  
rem quoque gesserat: si vincerentur, culpam remouebat; secu-  
tus erat. Ita prout res euentum daret, aut velut auxiliator ac-  
cedebat, vt temeritatem Medicæi corrigeret; aut velut pugnae  
auctor, vt in laudem moram verteret, tanquàm consilio ad oc-  
casionem vsus. Iam ecce opido Medicæus imminebat, cum Cla-  
rauilliani adessent: crederes ex compacto consilia fuisse, & ad  
hostem faciliùs terrendum, opidumque expugnandum agmina  
diuisa. Tanto impetu irruerunt, cum & simul vincere Gallis, &  
præuerti



- A** præuerti utrique suos conarentur, ut nulla vis irruentium ardorem sustineret. Cæde & sanguine cuncta impleta sunt: & durauit accensa rabies, donec & essent qui occiderentur, & in cineres tecta concidissent. Magna pars tamen primo statim tumultu ad portum effusi, & in naues recepti, dum miserabile opidi spectant fatum, in tutum euaserunt. Præda inter militem flammamque diuisa: quicquid rapi non potuit, incendium hausit. Atque ad hunc modum Turnenses, Principi suo infensi, dum siue contumaciùs, siue constantiùs rebus Galliæ student, extremam belli calamitatem exceperunt. Sed Medicæus, dimissis sine mora manipulis, quos post prædam alere graue erat,
- B** vnà cum satellitio familiari Herbam profectus est, ubi stationem suam eo tempore habebat. Non longo, sed cliuoso itinere lassus, ad opidum, & ad nouam pugnam venit: sic iam ardore vehementior, quia copias non duceret, & hostem præter opinionem inuenisset. In ipso introitu anus occurrit, immodico doloris gestu querelas exulcerati pectoris exonerans. Tâquam turpissimam suo ipsa corpore iniuriam accepisset, vnica deflebat filiam, promiscua libidine à prædonibus constupratam. Intellexit Medicæus totam in opidum cohortem, & cum opima præda venisse, tanquam confessuram. Itaque & querela motus mulieris, & magis audacia latronum incensus, qui contubernij sui penates violarent, signo potiùs quàm sermone pugnam comitibus commendauit, sed suoapte ingenio promptis. Irruere simul omnes, non sine clamoris auspicio, ac tanta vehementia primos aliquot partim sternunt, partim vulnerant, rapto quoque vexillo, ut ingens omnes pavor oppresserit. Quia Medicæi nomen audiebatur, lætum opidanis, & in aduentum Præfecti effusis, tota illa latronum manus, armentis omnique præda relicta, diffugit. Insubres erant, sed pugnae rudes, & sola petulantia strenui; quia in tam confuso rerum statu latrocinia militiæ nomine vigeant, ad scelus sacramento, ad rapinas armis vsi. Hæc in lacu, & circa lacum à Medicæo gesta; sed pulsi Turno Galli, mox Bilacij animos viresque inltaurarent. Maiori classe aquæ vindicata, infestam Sfortianis nauigationem reddidere. Omnino alere militiæ reliquias vel in his latebris necessum erat, ut in fide præsidia tenerentur. ac iam provincie fines grauius atrociùsque quàm bello cruciabantur. Dispersi per litora rupeque hostes, ingenium magis effundere & lasciuire, promiscua rabie nunc spoliare quosunque & affligere, nunc vi & stupris militiam polluere: in omne fas nefasque auidi, hostile cenfebant, quicquid alienum erat. Interea Lautrecus, ut noua curaret rei gerendæ præsidia, per Helueticos in Galliam abiit.

*Vidit Galli: Opidum excisum.*

*Contumacia pugnam dedit.*

*Medicæus militem dimisso stationem suam petiit.*

*A latronibus occupatam.*

*Hostes adortiur partem manu.*

*Et expellit.*

*Galli à strage minus hostes, Lacum inuadunt.*

*Omninoque infesta habent.*

*Lautrecus, auxilia adducturus, in Galliam abiit.*



*Sed interea inducia à Fusio cum Sfortia iniit: Arces tradita.*

*Mussum Guelfi exfulsus veniunt.*

*Et sceleris vim exercebat. Repressi à Medicæo, tamen latrocinantur.*

*Novus etiam infidias impietatis declinans.*

*Medicæo igitur missis parvis, & à præda suis contentis:*

*Quin & gloria virtutisque mores reddidit.*

abijt, solam familiam ducens, Fusio fratri rerum summa commissa. Is cum difficile tandem, & sine spe victoriæ moram Cremonæ traheret, ad conditiones induciarum descendit; arces, paucissimis exceptis, captivosque Sfortiæ reddidit. Quæ temporum necessitate, & Leuco, & reliquis lacus Larij castellis, opidisque Galli excessere. Mussum à Triultianis retentum, Guelfi factionis reliquijs, exulibusque Comensibus patuit; qui ad omnem mox violentiam productio scelere, plus iam quàm Galli nocuerant, in lacu audebant. Sæpius vi summa à Medicæo reiecti, & tandem in latebras suas pulsi, furtivas tantum agebant prædas, cum & situ, & portu tutissimo vterentur. Conflata igitur peditum trecentorum manu, insidijs experiri benignitatem fortunæ statuit, & quia Christi Natalem Bruma reduceret, ea ipsa nocte, qua in opidum templumque sacrorum causa venturi erant, hostes opprimere. Sed non tam felix hic, quàm audax Medicæus, ut funesta compleret vota; quia Deum neglexit, & meliorem militia noctem occisioni destinauit, bono successu indignus fuit. Sic & latronibus impietas profuit: cumque pro ingenio profani essent, & annuum Dei in terris nati memoriam negligenter, casu discrimen evitarent. Paucissimi enim ad sanum descenderant: & ab his, ne sacra turbaret Medicæus, vim cohibuit. Pari iam virtute, ne ad prædam quidem dilabi militem passus, cum inuenta rerum omnium copia opidum instructum esset: non cædi, aut capi quemquam; ut parere incolis, petere latrones videretur. Mirari plerique consilium Præfecti, sed imperium veriti, auiditatem suppressere: quisque Ducis quasi affectum induens, qua cupidine venerat, abstinentia recessit. Sed ille obsequio suorum laudato, ad verum decus omnium animos confirmavit: Fortiter agerent, clementiæ famam opibus anteponerent: non præda onustos, sed gloria incedere: plus esse servare opidum, quàm diripere; imò directum non esse, ad expugnandam quandoque arcem valiturum. Et, Cur, inquit, præfaga mentis arcana premo? Hi lares, hi penates aliquando militia nostra erunt: his tuta prædij virtus, ad potentiam exsurges. Latrones tollite, nihil hic hostile. Siquid peccant opidani, patiuntur: castellum velut iugum habent, & tristissima sorte factioforum hominum imperium sustinent, non obsequio prompti, sed servitio oppressi. Extra vim iniuriamque habendum esse locum censeo, quem mihi, & sic vobis videntur fata destinasse. Itaque negavi opes, quæ rapi non poterant, nisi ut perirent: quicquid relictum est, servastis, & in nostra hoc totum potestate puto, quia potuimus occupare. Iam, quorsum hæc arma sumpta? & in quos ductu meo iussis? Triultianos, sed latrones: arce sublimi clausos, & ignavia sua munitos. Sed nostra hæc consilia quia euentu caruerunt, animi moderatione offerenda sunt, ut laudem fidemque

inve-

**A** inueniant. Quos petierimus hostes, ignorare nemo poteris; opido potius, prædam contempnimus; & quia incolæ, non latrones ad eadem obiecti, ira ardorque subfederunt. Ergo iam ignobilis ista scelestorum manus, ut enses, tela, roburque corporis; sic magis virtutem & innocentiam vestram timebit. Et vos ego maioris fortuna, siue ministros, siue socios valido mihi sacramento iunxi: qui prædam potuistis spernere, & auaritiâ vincere, nulli amplius hostium succumbetis. Longiori oratione opus non erat, Medicæus loquebatur: & miles quoque, cuius fortunam suspiciebat, imperium æstimauit; quia spolia non legerat, mulcere verbis potuit, & dicentis exemplo regi. Ille verò per amicos Sfortiam atque Moronum vrgeret non destitit, Exercitum mitte-

Miles obsequi,  
dicentis exemplo  
fortis est.

De obsidione arcis  
Mussianæ cū Sfor-  
tia ait, a Med-  
icæo:

Regi necessitas ex-  
posita.

**B** rent, arcem Mussianam obsidione cingerent, & vniuersum semel Latrocinij lacum liberarent. Frustra cecisise Gallos, nisi Guelfi exstinguerentur. Vbi Triuuliani essent, adhuc Gallos dominari. Paucissimorum hominum audacia & scelere commercia atque nauigationem impediri, Insubres à Rhæti Heluetijsque, atque adeò à Germania Italianam diuidi. Sed & magni momenti arcem esse, nouisque motibus, si quid Galli iterum tentarent, opportunam. Sola tormenta bellica reliquumque in arce apparatus his sumptibus censeret, quæ non sine maximo prouincia damno, in hostium potestatem venirent. Denique non difficilem victoriam, non longam fore. Latrones esse qui oppugnarentur, & vel repentino terrore, vel si persisterent, leui mora cogi ad deditionem posse; quippe homines natura pauidos; quia & militia rudes, & rapinis tantum assuetos. Aegre tamen inductus Sfortia, ut nouis iam sumptibus affligeret vires exhaustas, aut ignobili tædio exercitum fatigaret. In excelsa rupe arcem sitam esse, animos defensoribus fiducia loci crescere: armis claudi, sed sola inedia expugnari posse. Moram igitur & victoriam si conferres, pari momento pretioque librari. Quod si vestigio non lubrico persisteres Fortuna letior, breuem laborem fore, & venturos vltro ad conditiones, qui planè hostes adhuc non essent. Sed, quod summum, nec debellari aut excendi iam posse, nisi Rhæti irritatis, à quorum tusela arx opidumque penderent. Cùm magis instaret Medicæus, quem desiderium loci stimulabat, non tam volente Sfortia, quàm non prohibente, arma Prosuper Columna mouit; & tanquam suam adhuc victoriam sequeretur, quatuor cohortes Hispanorum, & aliquot tormenta bellica misit, quibus & saxa & mœnia quaterentur. Haud parum cœpta facilitas Rhætorum promouit: à quibus postquam impetrari potuit, ne latronum paucorum excidium impedirent, obsidionis fortuna maiori apparatu tentata, etiam Sfortiam auctorem palam habuit. Dubiam interim obsidentium industriam machinasque securitas loci faciebat. Nam rupe freti Triuuliani, etsi instructam vim belli cernerent, & tormenta iam subrecta; hostem tamen, quem è sublimi despicerent, irridere ausi-

Seditiōda:

Regi illa tamen:

Et Columnam im-  
pellit.

Ab eo milites  
missi, & tormenta.

Quia Rhæti obsi-  
dioni fauent.

Subsidia Sfortia  
addit.

Latrones tamen  
intrepidi, loci fi-  
ducia.

perui-

*Et obstinati, quia  
tanquam ad per-  
nam obfessi.  
Quia Arx, mon-  
tis & munitionis  
beneficio, expug-  
nabilis.*

*Agit tamen sa-  
taque Medi-  
caui,  
Eis modico cun-  
gu.  
Mora tandem  
lassantur hostes.  
Quia subsidia do-  
piciunt,  
Et inedia obrepit.  
Destruente paci-  
fiscendi tempesti-  
vinitatem perti-  
nacia.  
Praefectus avari-  
tia expugnans,  
Miles ad dedi-  
tionem coortat-  
ur.*

*Hi prompti,  
Praeter exules,  
pauca metu per-  
turbatos.*

*Frustra tamen  
anfos refragari.*

*Sforiani inte-  
rim deliberant  
de discessu.*

*Et tumultuan-  
tur.*

peruicaciores etiam, quia tanquam latrones haberentur. Accessit & spes suppetiarum, quasi pro Gallis adhuc Rhæti starét. Arx quidem vel parua manu lassare magni exercitus violéntiam apta, in verrucosa crepidine velut vniuersi lacus specula erat, & à sublimi fastigio, quantum meminisse licet, triplici lorica, totidemque castellis munita & velut suspensa; ascensu difficilis, errore potius quàm gressu per asperas angustasque ambages: si aquæ atque alimenta sufficerét, nulla vi aut ingenio expugnanda. Obsidionis totius, non munere, sed sollicitudine director Medicus erat, consilio, ope, industria tentans omnia & explorans, quæ ad compendium laboris bellicque facerent. Sed clausi, vix adhuc territi hostes, vim quoque suam effundebant in subiectos; donec mora paulatim corrumpit pertinaciam, & vires desperatione subsidiorum languescerent. Periculum erat, ne si traheretur obsidio, inuitam arcem tormenta inedia expugnant; & ad turpissimas conditiones deuoluta virtus, cum necessitate cogeretur pacisci. Sed Praefectum arcis auaritia imprimis ad deditiois consilia egit, ne congestam tot periculis prædam constantia perderet. Itaque vocatis in sermonem militibus, imminentem calamitatem exposuit. *De omnium hic salute agi, aquam deficere, annonam imminui, nec vllum iam subsidium à Rhætis sperari. Ut hostem sustineant, cum fame sitique pugnandum esse, & amplius cum natura negotij fore. Proinde triste, dum liceret, satum aucterent: corporibus, armis, sarcinisque saluis, arcem traderent, & meliorem praeueniendo facerent deditioem. non omnes perire opes, si quantum quisque dorso baiularet, suum faceret; nec victos videri, qui cum præda abirent. Pro suis quisque viribus opes ferrent; reliquum apparatus belli, vitæque onera fortune redderent. Non in una rupe virtutem habitare; eandem similitiam statuissent sequi, & rem nomenque augere, haud destitutum armatis locum. Cæteri quidem sine mora deditioem annebant: soli exules, quibus enormia facinora graui conscientia stimulo metum incusserant, defixis in terram oculis stabant, & iam nulla se fide tutos arbitrati, silentio simul & ipso pallore dicebant sententiam. Sed refragari frustra erat: plurium victi consensu, & noua ducis oratione deliniti, qui communem salutis pactionem suadebat, necessitatem amplexi sunt. In statione turgurijque obsidentium turpioribus etiam consilij victoria periclitabatur. Miles, rei moram iniuriamque damnosus pertæsus cæli, & inter saxa horridasque cautes querulus, tribunos accusare, meliorem rei gerendæ occasionem poscere: *Quid ultra naturam fatigarent? cum petra, non hoste negotium esse; alis, non armis sterni in prærupta aditum. Securos in altissimo fastigio, & supra damnum latrones agere; se angustij clausos, montiumque sterilitate septos, quicquid obfessi**



A *obfessi soleant, pati.* Cum serperet tumultus, & ipsi quoque tribuni potiundæ arcis spem abijcerent, legatus, penes quem summa rerum erat, retrahere ad lacum tormenta, & soluere obsidionem statuit. Quæ res grauissimè Medicæum afflixit. Dolebat ignauia paucorum pulcherrima vota destrui; labi è manibus præsentem fortunam, & in hostium potestate manere locum, qui tam difficulter vinceretur. Præualuere tamen fata humanis consilijs, corrigente euentum casu; & quia iam arcem capi, latrones meruerant, tam felices non fuere, vt sua inertia non perirent. Nam Præfectus, ad deditionem præceps, & iam consensu militum alacer, nullam consilijs moram indulsit. Ea ipse nocte, quam vltimam in obsidione statuerant Sfortiani consumere, tympanotribam, paullo ante à latronibus captam, cum mandatis mittit, *Se pacisci cum hoste, & tradere arcem velle; sed conditiones coram dicturum.* Venirent igitur, quibus cura transigeret: ratam colloqui fidem fore. Captiuus è rupe demissus, & tympanum securitatis velut signum baiulans, iam nuncio etiam quàm libertate felicior, cautè celauit arcana, & ad solum agminis sui duces properauit. Is tum fortè cum Medicæo Adunci erat: quod opidum Mussio proximum, placida amoenitate adhærentem reducti litoris sinum occupat. Postquam accepta mandata, æstuarie non vna cogitatione Medicæus cœpit: sed animo obfirmato, cum fortunæ hætenus non fallaci crederet, obuiam ire rebus tam repente fauētibus statuit, & experiri facinus, quo vnus omnium vsurparet gloriam, vt obsidionis auctor, ita & victoriæ patrator. Conuersus deinde ad Centurionem, *Virtutis negotium, inquit, fors tandem perficiet, ne fortiores militibus latrones videantur.* Nec me fata fallunt; diutius esse constantes non poterant, qui præde, non gloriæ arma manciparunt. Sic & vincere nos iam infelicis videmur hostem, postquam turpissimo fugæ consilio inuictum esse confisus sumus: penè indignus euentu prospero, quia victoriæ fiduciam capere nequimus. Potentior tamen fortuna est, & latronibus extorquet arcem, vt nostram nobis inertiam exprobet. Verùm si iam leniè etiam paciscimur, quàm vincimus, frustra ignaui hostes sunt, & perire cupiunt. Ascendere in rupem est animus, & latronum experiri fidem, postquam metum admiserunt. Sed tua aut venia utar, si fraudem suspicaris; aut operas, si comes esse non negas, & pulchro facinore nomen vtriusque extollam. Hæc rupes, totusque adeo lacus celeritatis iam præmium est. Si deliberamus, & ab arbitrio pendemus legati atque tribunorum; aut moram fortune iniiciunt conuersa iam ad fugam consilia; aut vt agi cum hoste placeat, occasio gloriæ ad alios transfertur. Ergo utamur nocte, & commune vincamus commilitonum dedecus, belli imperitia contractum. Quantum omnes desperarunt, nostra vtriusque industria audaciaque perficiet: & quia milites præ-

*Seditio ad ignauiam consilia Legatum cogit.*

*Sed Medicæum affligit.*

*In suis erat arcem capi.*

*Præfectus deditionem percaptiuum insinuat.*

*Is Aduncum properat.*

*Ad conseruendum suum.*

*Es mandata explicat.*

*Medicæus nunciat confors, animum erigit.*

*Et spem obtinet de arcis conspectu.*

*Audaci consilio ad victoriæ totiusque gloriæ ambolam Centurionem extorquet.*

*Etiam.*

*Præ arcem vult ascendam, & cum hoste paciscatur.*



*Audi centurio* fellicque desistere incepto & solvere obsidionem statuerunt, non iam obsessos, sed liberos ad conditiones deducamus. Centurio nullum ratus discrimen, quod socio Medicæo subiret, laudauit consilium, & protensa dextera, comitem se, vt gloriæ, sic & periculi obtulit.

*Pariterque eunt,* Nec mora: famulo vterque sibi adiuncto, Mussium progressi sunt, & inde ad arcem noctis silentio tollentes gressum, viâ ducentem tympanisten sequebantur. Ac facile erat fluctuantes in obsidione fallere, quos Disciplina solutos, tædium loci ad inertiam flexerat, ad hoc intentos vnum, vt conditis armis, paratæ ad discessum sarcinæ essent. Facinus tamen Medicæi, euētu malum, quàm ratione metiri. Creditur hosti, qui vi & fraude læsus, in consuetudinem scelus verterat: nec falli timet, qui crudelis fuit. In ipso iam auctore tot annorum vulnera cædesque puniri poterant, ac deinceps metus extingui. Nam vt ad scruitiam hæcenus Medicæi munus fuerat, sic ad terrorem nomen valebat. Plerique mortales quem timent, odisse solent; quem odierunt, dolo insidijsque captant. & quam securitatem à latronibus exigas, graui armorum iniuria irritatis? Improbi cum vindictam moliantur, fidem impendunt. Sed Medicæi audacia exitu reprehensionem effugit: sic ad causas cæci, felicitatem rerum prudentia insignimus; & cùm temeritati suffecit auctor, in laudem vertit quicquid ausus est. Ventum ad moenia erat, cùm, signo dato, adesse qui ad colloquium venirent; sine obstaculo aditus patuit. Euestigio in primam arcem admissi, & stationarijs septi responsum Præfecti præstolantur. Sermo interim de præfenti rerum statu nascitur; & de militibus viuis qui adstabat, vehementius belli calamitatem incusans, Medicæum, de facie quidem ignotum, ærumnarum omnium auctorem nominabat, *Falsosum esse, crudelem esse, & scelere euectum.* Audijt ille cohiuitia, & tanquam infra iram duceret, ingenioso contemptu vltus est.

*Nec mouetur.* Nam constanti animo vultuque militem intuens, sciscitatur an cuius mores accusaret, vultum nosceret? Miles negat. *Me igitur vide,* inquit Medicæus, *is ego sum: sed quia ignotus tibi, etiam surdus fui, & sic amicus.* Mox, siquid dicturus es, audiam, nec arbitrium commilitonum tuorum defugio. *Et vt scias, ultra vocem me audere fortissemque esse, manu armisque, & in arena, cum voles responsum promam.*

*Confundit calumniatorem:* Hac libertate pudor homini ignauo atque silentium incussum est, Medicæo auctoritas creuit. namque cæteri tam generosum admirati animum, conuersis velut studijs, vultum præfentis verebantur. Rumor mox in superiorem delatus arcem, adesse Medicæum, pauore quodam, & Præfectum, & reliquam multitudinem detinuit. Conueniunt omnes: ascendit ille, & vt orationis illecebris ferociæ etiam reliquias deleteret, tanquam salu-

- A** tis interpres, & ad non hostes verba fecit, *Abijcerent moras, veniam & securitatem admitterent; quâ fide venerat, eam promittere. Robur, nihil pertinacia profuturum, melioribus satis reseruant: plus acquiri libertate, quâm pactione amitti. quamdiu obsidione premerentur, captiuos esse, & in potestatem tamen hostium lapsuros: quia liceret, salui, & sui esse vellent.* Sed facilis oratio victos iam necessitate animos impulit: deditio agitata est, & conditiones conceptæ, *Vt salui abirent milites, arma sarcinasque ferrent: Præfectum integra fortuna sequerentur.* Quicquid pactus est Medicæus, in castris ratum fuit, ac postridie arx omnis in potestatem Hispanorum venit. Centum quinquaginta latrones erant, quos & victos temeraria industria
- B** Medicæi, & pacti fide seruatos, varia deinde fortuna excepit, & consumpsit. In reliquo apparatu viginti duo tormenta bellica fuere, è quibus duodecim Mediolanum transuecta. Medicæus autem ad Præfecturam arcis ingenti cupiditate anhelans, cum dolo ageret, magis arduum deprehendit præfici, quâm vincere; faciliusque latronum, quâm militum animos expugnari. Ergo quia irrita vota, industriam ad saniora consilia conuertit; & petere à Morono statuit, quod adhuc fortuna calliditati negaret. Mediolanum igitur venit, obsidionis successum, totiusque bellis statum exposuit: *Hoc se laborum premium expectare, ut quam extorfisset hostibus arcem regeret, & à lacu in rupem Præfecturam transiret.*
- C** Neque reiecit potentis vota Moronus, sed distulit. Interea cum Prospero Columna de Mulsio actum: euocantur Hispani, qui magna iam ex parte dilapsi erant: mutatur præsidium, designato, & mox misso qui vices Præfecti gerat. Sed aliam iam viam, sic volente numine, ad vota Medicæus inuenit, ut periculo obnoxiam, sic nec à scelere, si rumori accedimus, remotam. Plerique tamen quod ingratiam Principis, & pro tranquillitate publica patratum, turpitudine liberant. Inter procures vrbis Astor Vicecomes, luce familiæ clarus; cæterum ingenio turgidus atque factiosus. Is, quod à Gallis pridem magno rerum momento, descuerat, Sfortiæ inter amicos fuit: sed esse vile habuit, nisi
- D** emereret, parem ferre Moronum non poterat: superiorem odebat. Vnde cum Principi primus non esset, plebi Princeps haberi voluit: per clementiæ speciem scelera protegere; de rebus summis grauitè censere; nihil sibi, nihil cuiquam denegare. His studiis, mirum, quâm faciliè ingenia omnium traxit. Sfortia indulgere primum, tanquàm amico; mox, quia in nouo adhuc imperio subditi audaciam timeret, donis arrogantiam frustra placare. Atque istis seminibus auaritia creuit, dum prodigum esse de alieno licebat. Ita Astor natura profusus, cui citius deficeret quod absumeret, quâm quod peteret, liberalitatem Principis,

*De deditione agit.**Atque apud Sfortianos pælia ualuerunt. Arx traditur. Latrones descendunt.**In munitionibus xxxii tormenta inuenta. Medicæus frustra dolo Præfecturam captans.**Ad partitionem descendit.**Sed vota suspensa sunt.**Castisque introitu missi, qui vicario munero arci præstet.**Fata verò nonnumquam liuorunt.**Astor Vicecomes Sfortia inter amicos.**Morono infensus. Præsculum suum inuit.**Et faciem populi capere. Dissimulante primo Sfortia. Deinde remedia frustra quaerere. Beneficia Principis audaciora.*

*Republ. turbat;*

*Et insidias Mo-  
rono struit.*

*Hic praeuenit.*

*Eadem deliberat.*

*Et consilio Sfor-  
tia confirmatus  
adornat.*

*Hinc facinorosi  
dicant delictus,  
tandem fortis  
fidusque.*

*Res magnitudine  
accidit, animo  
responditque fin-  
cluat.*

*Sed Patria neces-  
sitate expugna-  
uit.  
Cruentam addi-  
cit operam:*

*Stimulante inte-  
rim Morono,  
Qua verbis,*

*Qua promissis.  
In praemium ar-  
Mussiana venit.*

*Medicus, amissis  
insidijs, vim pa-  
rat.*

cipis, mox amicitiam ipsam prodegit. Hinc ferocior, turbare A  
Republ. cepit, scire, omnia pro libidine agere, nouum sta-  
tum criminari, odio, non tam Principis, quam Moroni, qui Prin-  
cipem flectebat. In hunc igitur obijcem iræ & furoris machinæ  
omnes direxæ; quo remoto, peruia omnia audaciæ & licentiæ  
essent. Sed Moronus solertissimi ingenij vir, ut manifestis signis  
insidiarum periculum sensit, praeuenire statuit. Astorem iustis  
criminibus inuisum Principi, noxium urbi esse: quia inuisum, impunè;  
quia noxium, meritò sublatum iri: ad id consilij non priuato solum, sed  
publico etiam periculo se vrgeri. addidit, & velut emptam largitionibus  
Astori plebem esse: hoc fomite nouum urbis incendium ali. Supererat, B  
consulto, an inconsulto Principe tentaret; inconsulto malebat, B  
ut impedimenta vitaret, quæ nasci poterant, & solus facinoris  
conscientiam periculumque sustineret. Sed interim Sfortia ip-  
se, quasi iisdem cogitationibus agitatus, auctor vltro accessit,  
facinusque maturauit. Nec mora: quæritur strenuus aliquis,  
animo erectus, manuque promptus, qui gloriæ quodam illicio  
negotium Reipubl. agat, & sancta silentij fide. Itaque placuit  
cum Medicæo agi. Huic in secretum sermonis aduocato, Mo-  
ronus, suppresso imperio Principis, per ambages verborum in-  
sinuauit magis cædis consilium quam aperuit. Hærente etiam  
Medicæo, *Macte animo*, inquit, *quanti facias Patriam, quid Sfortie,*  
*quid mihi tribuas, iam intelligam. Qua arte, vi, dolo, expendi:* C  
*tendus est.* At ille ipso imperij fulmine ictus, ægrè ad responsum  
animum expedijt. Metus & periculum vtroque: si Moro-  
num respiceret, iam ipsum Principem verebatur; si Astorem,  
familiam Vicecomitum, & vniuersam plebem. Namque si recu-  
saret eadem, suspectus erat, ne proderet; si patraret, pro nobi-  
lissimo ciue prompta vindicta. Sic dubius, Principem, an po-  
pulum irritaret; penè Principem maluit, & incruentus incur-  
re periculum, quam cruentus vitare. Euicit tamen generosum  
pectus Patriæ amor, ut in perniciosum ciuem hostiliter sciret.  
Ergo silentium rumpens, *Arduum*, inquit, *& plenum periculi faci-*  
*nus: sed quia iubet, tua, & Reipub. causa audebo.* Ille verò dexteram D  
iniiciens, audere securè iussit: *Suo patrocinio, non inultum modo fa-*  
*cinus, sed gloriosum fore. In Casarem ex amicis ipsis Brutum Cassium-*  
*que, in alios olim ac nuper bonos fortèque cum laude scuisse.* Sic ver-  
bis, & affectu largus, ne præmium quoque deesset, Præfecturam  
arcis Mussianæ, quæ sola vincere Medicæum potuisset, promisit.  
Dicta & decreta eadè, opportunitas quæri cæpta. Sed cum  
difficile esset, clandestino ferro nobilissimi iugulum hominis  
petere, frequenti satellitio domi forisque obsepti; violentia  
tentare facinus Medicæus maluit, quam in occasionem differ-  
re.



A re. Minus etiam turpe ratus, quod à fraude insidijque remotum: tutius denique, quod moram non timeret. Sæpè enim per cunctationis ambages ducta consilia, priusquam ardua esse desierunt, detecta sunt. Sic verò, quia vnus hominis manu tanta res perfici non poterat, in societatem audaciæ veterem sibi amicum, virum fortem, & expertæ fidei, per sacramentum adiungit, Io. Antonium Puteanum Insubrem, cuius in prælio Pilococensi virtus singularis exstitit. Is quoque auctor erat, sine dilatione fortuna suscepti operis tentaretur: tempus locumque, qui audet, facere. Postero die, cum per exploratorem nunciatum esset, prodijisse solita caterua stipatum Astorem, non tam

*Consilij facinorijque socium assumis;*

*Quo auctore moram quoque demorat.*

*Exploratur occasio:*

B ad eadem, quam ad pugnam se parans Medicæus, statuit redeuntem quocunque euentu aggredi: feliciter cessurum, quod fortiter fieret: re patrata, consilia securitati non defutura. Iam crepusculum noctis erat, & ex ædibus Taurellijs se domum Astor recipit, mule insidens: amici famulique circumfusi, strepitu implebant viam. Ibi cum fidissimo illo facinoris socio, duobusque in subsidium famulis Medicæus erupit. Equo robustissimo subuectus, ense vibrato satellitium dissipat: mox in ipsum Astorem, velut publicum hostem, inpetum faciens, vim effudit. Prælium oritur. Dum alij pugnant, Astor plurimis vulneribus conficitur. Cæde commissa, tumultu magis, quam

*Astor innaditur,*

*Conficiturque.*

*Hinc tumultus dolore confusus; Quem populus auget. Percussoribus elabuntur.*

C violentia vindicta queritur: alij voce, alij ferro trepidantes, solum dolorem explicabant. Populus tristi spectaculo collectus, exprobrationem sceleris adijciebat. Sed percussoribus, postquam corruisse exanimem videre hostem, fugam confestim ceperunt, & sine discrimine elapsi sunt. Mors Astoris variè vrbem affecit; & quasi ad sanguinem noua libertas exhorruisset, mœrorem publicum alius libero affectu, alius simulatione in gratiam Principis familiæ explicuit; quisque in sceleris auctorem, quia adhuc incertum, funesto iudicio saeuus. Sfortia ipse, qui Moguntiacy tum erat, euentum expectans facinoris, vt suspicionis à se inuidiam remoueret, publicè vultum vocesque

*Decade Astoris varia iudicia.*

D doloribus induit, & ne inulta cædes videretur, in Medicæum, sociosque inquiri iussit. Ille verò iam abierat; & pænè vt iniustius periret: Princeps enim, quasi nullo silentio tutus, Merono mandauerat, nouum iam hostem subito & ex vrbe, & è vita amoliretur. *E Republ. esse, vnum illum cum vniuerso sceleris onere clam tolli.* Sed qui cædem adornabat, discrimini proximus erat, & domestico scelere propemodum oppressus est. Mediolanum Moguntiacoy redeuntem Bonifacius Vicecomes stricto pugioe inuadit, maiori perfidia quam successu. Nam quia equo sublimis vehabatur, Sfortia autem humili sederet mula, infelicibus ferientis

*Sfortia ad simulationem cunctata compulsi; Dolorem praefert, Et in percussoribus inquiri. Aque interrim altior consilio Medicæum subet in medio tolli; Cum domestico ipse ferro periturus; Idque inuenire.*



*Zeus vulnus fuit;* tis manus lapsa, & à ceruice aberrans, leue duntaxat vulnus hu- A  
 mero intulit. Percussor consumpta post primum ictum auda-  
 cia, & iam salutem circumspectans, omne robur ad fugam con-  
 uertit, satellitumque insequentium diligentiam vincens, euasit.  
*Et ad fugam per-* Interea verò Medicæus, tanquam ad Præfecturam arcis Mussi-  
 cussor cecidit, næ mitteretur, diploma accipit; & necis suæ imperium litteris  
 insertum ad Præfectum ignarus desert. Sed ordinem Prouiden-  
 tiæ quis peruertat? in itinere cùm facinus animo expenderet,  
 velut suspectam examinare fortunam suam cœpit; nihil Moro-  
 no, nihil litteris fidere. *Sed Medicæus* *Callidum illius ingenium esse;* & *odiosum*  
*Mussium mit-* *amicum, quem timeas. sue fidei maximum factus commissum esse: se*  
*tur, occidendus,* *viuo, superesse periculum, quod auctorem torqueat. primam crudelitatem* B  
*Tamque fure-* *hoc pudore ac metu esse, ut scelere scelus operiat: locum vicemque hostis,*  
*stum imperium* *patrato facinore, percussorem subire.* Sic gliscente suspitione frau-  
 litteris, & igna- dis, cùm Gemonium peruenisset, litteras Moroni in manus sum-  
 rus nunciat. psit, ceramque equino pilo dispescens, illæso sigillo, aperuit:  
 porrò, ut insidias legit, & tam vicinum fatum, contraxit san-  
 guinem, & ad conspectum funeris sui expalluit. Nam etsi ter-  
 rorem suspicio minuerat; fixit tamen iniuria animum, & stupore  
 perculit. Mox erectus compositisque in vindictam fraudis,  
 non iam vitare discriminem, sed eludere statuit; dolum dolo tolle-  
 re; suam arcem, vel cum periculo, facere; quasi viuere iam de-  
 inceps nollet, nisi ubi mortem inimici insidijs parauerant. Igi- C  
 tur consilium fratri (is in comitatu erat) approbat, & conqui-  
 sita supellectile scribendi, manum Moroni feliciter sequens, ex  
 animi sententia epistolam refinxit. Summa hæc fuit, *Præfectus,*  
*omni abiecta mora, Mediolanum veniret, arcem Mediceo committeret.*  
*Fortè* Parato dolo, quàm ocysimè Mussium contendit, ut si quem  
 fortè Moronus submisisset, præueniret; & admissus ad Præfe-  
 ctum, magna vultus vocisque constantia litteras ac mandata  
 promptis. Ille signo delusus, nimioque obsequio peccans, epi-  
 stolæ credidit, & ut pondus suum diploma haberet, consignata  
 Mediceo arce, fecit quicquid scripsisse Moronum, iussisse Sfor-  
 tiam putauit, & cuestigio Mediolanum profectus est. Atque D  
 ne hic quidem ab ingenio deflexit Moronus, aut alieno errori  
 succubuit. Nam fraudis damnum seueritate corrigens, & in-  
 crepuit Præfectum, tanquam incautum ignauumque, & iam cul-  
 pa sua exauctoratum ab omni militiæ munere remouit; ne Prin-  
 cipis iussu tradita arx Mediceo, & præmium cædis Præfectura  
 videretur. Sed validior iam famæ malignitas erat, quàm ut his  
 consilijs cederet: suum rumor negotium egit, & auctores inue-  
 nit. Nemo Astorem luxit, qui nouam tyrannidem non accusa-  
 ret: & iam è familia cæsi temerarius vindex ferro ostenderat,  
 cuius

**A** cuius sanguine expiandum esset scelus. Sfortia verò, quia læsus, imminuere natam invidiam potuit, & iam sine periculo vltionem in tutelam vertere. Iustitiæ manu familiæ aduersariæ obiecta. Populus mutari facilis, affectum temporis accommodat: scelus detestari, imò suspicari desijt, postquam in Principe suo vulnus vidit. Amplius etiam Moronus egit: quia calliditate exitium Medicæo parauerat, innocentiam testatus est: Nullius doli culpa se obnoxium, non mentem, non manum sinistra & scelestâ scriptione inquinasse: de aliena & occultâ fraude queri, suum audacissimo facinore beneficium corruptum. Ergo litteras, priusquam traderentur, commutatas esse, præmium in penam transcriptum, id crederet: daturum se in-

**B** regerrimi animi pignus, si nunc quoque, deleta suspitione, & amicum & benefactorem vellet experiri. Curaturum pariter, ne, quoniam felici euentu insidia detectæ essent, auctor laseret. Non minus libenter admisit excusationem Medicæus, quàm egregie iniuriam vultus erat: arcem possidebat. quia post facinus ambiguæ famæ tutus, ad maiorem fortunam animum erigeret, dissimulare maluit, quàm irasci. Itaque tanquam missus à Morono, famam sparsit. Præfecti munus sic aggressus, vt Sfortiæ quasi nomine auspicioque omnia ageret, resque suas securius firmaret. Tum verò ad præsidium è vicinis vallibus ripisque adscitis amicis, exemplo Romuli arcem asylum aperuit. Confluxere partim extorres, partim Gibellinæ factionis robustissimi quique: & noui ducis imperium amplexi, Lacum Alpesque militiæ terrore quodam impleuerunt. Hostes verò Galli atque Guelfij erant, passim adhuc validi, aut quicunque opem his operamque ferrent. Sic Patriæ affectus famam nouis belli molitionibus fecit.

*Mox lenior, quia læsum.*

*Hec populi natura est, velut ad auram flecti: Pluris periculum Principis, quam criminis facit. Moroni scilicet perniciem non attulit.*

*Se amicum fingit.*

*Talemque Medicæus admisit.*

*Iniuria ieiunior, Vires stabilit. Præfecturam igitur Sfortia velut nomine administrat, In auxilium undique collecto milite, Et simul terrorem: Tanquam Patriæ causa.*



# HISTORIAE

## CISALPINAE

### LIBER II.

## B R E V I A R I V M .


B



EDICÆVS ad maiorem fortunam accinctus, ut strenuum promptumque haberet militem, disciplinam ordinavit. Etiam libidinis vindex, stupri violenter commissi auctores palam puniuit; scelere atque turpitudine velut arcem expians, quam muniret. Et muniji, vicina quoque rupe incisa. Inde in latrones hostesque communes acer, breui ad arbitrium suum vicina et opida, et litora redegit. Sfortia, cuius hac auspicijs videbantur agi, non frustra tam strenuas callidasque molitiones timens, arcem, postquam blanditijs redimere non potuit, statuit extorquere. Sed vis iam nouo è Gallia bello impedita. Tremebant Insubres metu; et Pontifex, Cusar, liberæque Italia vrbes fœdera faciunt, vires iungunt, pro Sfortia pugnaturi. Galli, duce Gauferio, in Italiam irruunt, feliciter ad Ticinum amnem rem gerunt; sed mox tanquam impetu consumpto, leni, et circa oppugnationem opidorum occupati, elanguerunt. Commum Leucumque presidio Medicæus firmat, Principi suo in occasione fidus. Gauferius interea Cremonam in vanum oppugnat, frustra Mediolanum obsidet, animis copiisque labantibus. Noua tamen auxilia Rheti submitunt in Regem proni: hac à Medicæo lacu prohibita et oppugnata, pro itinere errorem habuerunt. Fines tum quoque Alpium igni et ferro vastati: quo terrore tota illa manus compulsæ, ad domesticum incendium extinguendum recurrit. Hinc propitia magis fortuna Sfortia, imminuit Gallorum reliquias, tandemque Italia prælio expulit. Cum Rhetis mox sædus, Cesariani hostem in Galliam secuti, quod repulerant bellum, inferre properant, Massiliamque, sed irrito conatu, tentant. Per hoc otium Sfortia Medicæo molestus. Iterum ad Gallos Rheti desiscunt: et ille fluctuat. Rex ipse Franciscus, Cesarianis è Gallia dilapsis, cum nouo in Italiam exercitu venit, Mediolanum capit, Ticinum aggreditur, obsidetque; sed harente iterum fortuna. Medicæus fidei constans patriæque addictus, conditiones à Rege oblatas respuit, nouas à Sfortia admittit, et maiori auctoritate Præfecturam obit.

Ergo

**A** Ergo in Rhetos vim denuò mouet: Clauenne arcem stratagemate, opidum vi capit; nullam sine periculo victoriam esse, vulnere testatus. Ut suum faceret quod vicisset, Sfortiana subsidia, dum modica, admittit, & regionem depopulatur; cum nimia, callido consilio arceat. Demum insidijs hostium temerario ausu delusis, timeri incipit. Summo ardore ad arma consurgunt Rheti, & T hegani cum copijs reuocant: is relicto & eneruato exercitu regio, Patria succurrit. Sumunt igitur animos Casariani, & excitatis ad pugnam militibus, fortunam tentant. Vtrinque concurrunt copiae, sternuntur Galli, & fortius quàm felicius Rex dimicans, capitur.

**B**  ACTO fortunæ fundamento, ad maiora virtutem necessitas compulit. Arx dolo occupata, retineri armorum pertinacia debuit; cum palàm Præfecti titulum Mædicus vsurparet. Prima quidem circa disciplinam cura fuit, ut nihil nisi ex lege fieret; apud omnes fama, apud militem auctoritas valeret. Sed facile obsequium primò affectus

*Virtutis necessitas stimulus est.*

*Medicus arceum dolo captam, armis tuere cogitur: Lege & disciplina militiam formatur. Et obnoxiam sibi iuuentutem facit.*

fecerat: nam in nouum ducem proni omnium erant animi: post affectum spes gloriæ atque præmiorum, quæ hoc potissimum loco parari poterant: denique & necessitas quædam. nonnullos enim exilij calamitas ad arma & sacramentum stimularat, partim vindictæ causâ, quia præscriptis, partim egestatis, quia patriæ subsidio destitutos. Mirabili verò humanitate seuerissimam disciplinam Mædicus temperabat: non minus puniendo, quàm ignoscendo gratus. Atque in ipso Præfecturæ auspicio, talem se exhibuit militibus, qualem & amare possent, si boni essent; & vereri, si mali. Mox exemplum quoque exstitit. Nam neque hæc sine dedecore diu manus fuit: & quia corruptam aliqui turpi vita indolenti nouæ militiæ consecrabant; tanquam sceleribus libertatem naçi, & cum numero licentia crederet, pro lubricine omnia agere cœperunt, & planè latronum more feroces esse,

*Lenis, me auctoritatem emolliens; seuerus, ut magis amaretur. Nesci vult, & se timeri. Sed in omni numero aliqui molli.*

**D** Vis illata virginibus, ornamenta extorta, vindicem iustitiæ manum iritarunt. Querelæ apud Mædicum depositæ, & exauditi: qui rei, expunctis è manipulo nominibus, in crucem palàm acti. Percussit quorundam animos tam inopinatum rigoris exemplum, cum rudem adhuc militiam supplicia terrerent, & qui culpæ exfortes, in parte sustinerent pœnam, quia spectarent. Mædicus igitur, ut sine periculo seueritas esset, sine inuidia terror, milites suos stricta ad verum decus oratione cohortatus est, & æstuan- res leniuit. Quantum ab ignauissimis scelus commissum sit, Commilito- nes, præsens disciplina rigor indicat; quod admiratione defixi statim, innocentia adscribo: siu pæsis ad supplicia, qui flagitia ignoratis. & quid actine

*Hic stupro ingenuum produnt.*

*Et non puniuntur. Alii inopinato rigore territi,*

*Pari affectu & facundia Mædicus alloquitur;*

H refer-



referre, quod dictu quoque factum est: illatum virgini stuprum, quoniam A  
 sponsam ego fortissimo vestrum destinaueram, monilia mundusque creptus  
 & absumptus, qui in dotem veniebat. vestra erat, quæ violata; in vos in-  
 iuri, qui puniti. Sed nolo cuiusquam cupidinem incendere: damnum exag-  
 gero, ut gloriosius feratis: probrum vero æternumque militiæ dedecus, nisi  
 damnetis, locum virtus non inueniet. Etenim ut bene de omnibus mē-  
 rer, seuerius statui; ne serperet malum, sustuli auctores: imò ut infantes  
 ostenderem, quos gloria ardor ignauus esse non sinit, paucos puniui. Vestrū  
 ab infamia nomen vindicandum fuit, ne impingeret omnibus rumor faci-  
 nus, à paucis commissum. Date hanc veniam, mei non erant, qui impe-  
 rium neglexerunt; nec poterant salui esse, nisi ut iterum peccarent. Viam  
 ad scelus impunitas sternit, reditque ad patratum facinus, quisquis remis-  
 sam vindicis manum expertus. Vt semel cessit improbitas, auctorem faci-  
 cit: audere incipit, quicquid euasit. Etiam cum seueritate securitas  
 coniuncta est: quem timere dux potest, disciplina non tolerat: sentes solum-  
 que à segete vellit agricola, ne fecunditas retardetur: viris secaturque medi-  
 cus: cum infectum depastumque gangrena membrum vniuerso corpori per-  
 niciem ducit. Quam ignauos corruptosque sustulerim, scelus indicat: ne  
 fortiter agerent, libidinem effuderunt; ut disciplinam corrumpere, vir-  
 ginem violarent; cum hostis non esset, prædā rapuerunt. Et facite excu-  
 sari voluptatem posse, auaritia detestanda est. Nemo munus suum ne-  
 scit: milites conscripsi, non latrones; ut virtutis, non sceleris socios habe-  
 rem, ducem me constitui. Sui quemque officij sacramentum moneat: quic-  
 quid cum damno disciplina agitur, plectendum est. Deinde ut commu-  
 nis esset fortunarum conditio, sanguinem obstrinxistis: nisi gloriam experi-  
 tis, præda indigni estis; nisi strenui, ducem me habere non potestis. Hac  
 mænia quæ defenditis, hæc arma quæ geritis, admonere omnes virtutis de-  
 bent. Satis etiam mihi, si quem causa dabit hostem, vincitis; gloria con-  
 tentus, prædā omnem in laborum præmia absumam. Sic verò ut prompti  
 sitis, affectum potius vestrum posco, quàm obsequium: & ut omnia veli-  
 tis, amor faciet. Quosdam etiam necessitas adhortatur; nequid indignum  
 militia legibus admittant: omnes conditio. Qui extorres estis, necessitatem  
 expendite; honestum nisi exilium facitis, mereri patriam non potestis: qui  
 ciues, conditionem; suo quoque iure Penatū potestas fulcitur. Mehercle  
 nusquam viuatur, nisi sub imperio: quia milita placuit, & experiri mecum  
 statuistis quantum virtutibus fortuna largiatur, calcate scelera, & quos  
 ex hoc ipso numero audax improbitas transuersos agit, in hostium numero  
 habete. Nunc ut quisque damnatorum feret necem, aut benignum in me  
 affectum suum, aut infestum aperiet. Quos oratio non potuit, vul-  
 tus dicentis expugnauit; & paullatim disciplina, quia sine cru-  
 delitate, auctoritas quia sine superbia, Præfæcti partim metu,  
 partim reuerentia vires accepit. Primum præsidij robur sep-  
 tuaginta circiter iuvenes constabant, plerique è nobilitate: qui  
 stir-

Et ipso vultu vin-  
 cit.  
 Ergo disciplina  
 confirmatur.  
 Omniumque ani-  
 mi pulchra ama-  
 latione ad virtu-  
 tem surgunt.

- A** stirpe vilior, strenuū agere, defectum sanguinis industria & vigilia supplere, egregij facinoris causa vilem vitam habere. Medicæus, vt qualem haberet militem, etiam locum faceret, munire castellum aggressus est, & hac opera velut iure sibi vindicare. Murorum hiatus sedulo labore expleti; telis, iaculis, & omni armorum genere turres instructæ; annona aduecta. Tum rem planè arduam tentans, quod vnum eousque natura vitium arci obiecerat, amoliri cœpit, & adhærentem marmoreamque diuiso iugo rupem confringere, quæ æmula velut altitudine verticem efferebat. Tanquam nouus Hannibal rupit Alpes, sed vt insideret: & vt tutum aduersus vim omnem haberet domicilium, despiciere debuit, quicquid in tota vicinia Alpium emeretur. Tanti mirere difficultatem operis, nisi maius etiam, vastissimis conatibus pares sumptus inuenire. Sed quid deesset, vbi qui extorquere poterat opes, rogabat, idque securitatis publicæ causa? deinde vbi petentis tutelæ fortunas suas commiserant, qui rogabantur? Id enim summo conatu Medicæus nitebatur, vt proxima Mussio opida, totumque aded lacum ab infesta eo tempore exulum violentia, & Gueliæ factionis hominibus liberaret; quos nisi ad Disciplinæ modestiam reduceret, rebus suis fautores, æuis vbique armis persequebatur. Hoc belli genere, qui hostes esse poterant, facti socij: subiecti populi, cum arma non vidissent; redacta in potestatem opida, quæ non oppugnata. Vt humanitas augeret militiæ auctoritatem, subditi tanquam amici habiti, nec vicini subditorum conditionem recusabant. Imperitabat omnibus Medicæus, tanquam debellatis; parcebat, tanquam amicis: qua clementiæ solertia, nominis virtutisque famam breuissimo tempore immensum auxit. Sed cautissimo consilio textit potentiæ vota; vt in Sfortiæ gratiamagi cuncta viderentur. Eius iussu militem augeri; arcem muniri, auxilia imperari, pecuniam corradi; faciliè omnibus persuasum. quicquid Princeps fecisset, præfectus exsequebatur: illius auctoritatem hic assumpserat. Sed Sfortia cum tantam industriam, tam vastas molitiones retardare minime posset, intellexit suam arcem non esse, quam Medicæus tenebat. Itaque ad noua consilia conuersus, hostem experiri noluit, quem timere cœperat. Fraudem blanditijs tegens, muneramisit: solenni auctoritate confirmat Præfecturam, erepturus. Asturia opus erat, ne fidem scena perderet: ac iam deletio offensiæ vestigio, ad plenam Principis gratiam horiorumque fastigium via Medicæo patebat, si magnus esse sine Mussio vellet. Sed ille dubio primū responso moras neçtere; cum virgeretur, detrectare: *Recentem Astoris necem esse, durare audaciæ memo-*

*Arx quoque munificia:*

*Et proxima rupes insidi,*

*Difficili conatu,  
Maiori sumptu,  
Medicæus pecuniam  
humana.*

*Et inuenit: cum  
vapere potius, ro-  
gat.*

*Sedulo pro publi-  
ca quiete lacus  
excubat,*

*Rigidus in ex-  
le,*

*Gueliæque.*

*Sic dum alijs pa-  
gnat, sibi vincit,*

*Subieci quos di-  
fendit,*

*Et amicos habet  
quos subieci,*

*Donquæ omni-  
um, qua defen-  
ser.*

*Sfortia tamen no-  
mine: quo ad po-  
tentiam abducitur.*

*Ille ob Tacula pa-  
rat:*

*Et à fraude erdi-  
tur.*

*Confirmat  
Præfectum tan-  
quam amicum:*

*Orinda magnæ  
promissi vincta;*

*Sed tergiversan-  
tem, iuvantem.*

*riam;*

viam; multorum se ira & ferro peti, nec tui esse, nisi difficillima rupe clauderetur. Iam nec ignauam hic operam suam fore, ad omne ducis imperium promptam. Fideret arcem, quā indulgeret: plus esse iudicio, quā beneficio Principis euehi. Sic ubi irritæ vires, & insidiæ fuere; qui cogi non

*Plus auri quàm  
Principi Medi-  
caui fidi.*

*Mox nouum à  
Galliis bellum.  
Pro Sfortia Ca-  
serem, reliquam-  
que in nouum sa-  
dus Italiam exci-  
tat.*

*Prosper Columna  
copiæ dux datus.  
Diligenter se ge-  
rit.  
Pulsisque ad Ti-  
cinum castris ho-  
stem operitur.*

*Ille copiosus ve-  
nit.  
Gauferio datus;  
Et terrorum ad-  
fert. Gladem in-  
fert.  
Hinc cunctan-  
tor.*

*Redeunt Sfortia-  
nis animi;*

*Muniuntur ur-  
bis.*

*Has Gaufertius  
aggredditur;*

*Moguntiacum  
& Laudem Pom-  
peiam capit.  
Comum Leucum-  
que quia periali-  
tatur, praesidio  
Medicæus fir-  
mas,  
Suaqueque mili-  
tia Principi oti-  
lis, tametsi sa-  
lus.*

potuit, nec exorari: spes fortunasque suas vno castello Medi-  
cæus æstimabat. Interea nouus è Gallia rumor belli. Rex in-  
festo Italiam exercitu turbaturus, regni vires collegerat, & iam  
formidini nondum pugnantium apparatus erat. Exciti immi-  
nentis fragore tempestatis, nouo fœdere Hadrianus Pontifex,  
Carolus Cæsar, Franciscus Sfortia iungere vires, & conspiran-  
tibus Florentinis, Genuensibus, Senensibus, Lucensibus, pro-  
pugnare Italiæ fines & reijcere Gallos statuerunt. Dux eligitur  
Prosper Columna, qui etsi corpore minus valido, seduli  
munia imperatoris implet; copias & prouinciam lustrat, &  
momentis loci temporisque expensis, castra ad Ticinum flumen  
locat, aquarum obijce hostium impetum facilius propulsurus.  
Sed interim & fortuna negotium suum agit: Rex domestico  
Borbonij dissidio, ac deinde defectione impeditus, Guiliel-  
mum Gauserium, maris Præfectum cum triginta peditum, qua-  
tuor equitum millibus in Insubres mittit. nec sine terrore pri-  
mus incursum fuit, pulsus ad Ticinum Cæsarianis. Cæterum  
tantam capere fiduciam Gallus non potuit, vt primo euentu  
fortunæ crederet: cunctari cœpit, & cum in manu victoria ef-  
set, deliberare, quomodo vinceret. Columna auctis copiis, cum  
Mediolanensium pro Sfortia adhuc arderent animi, bellandi  
audaciam instaurauit, ratus frangi hostem aut lassari breui  
mora posse, si paucarum urbium pertinacia duraret, ni cœnia  
resisterent. Itaque dispartito exercitu, Antonium Leuam cum  
valido militum numero Ticinum mittit: Cremonense præsi-  
dium mille peditibus augeat: reliquas copias Mediolanum con-  
trahit, urbem munit, commeatum conuehit; quæ ipse aduer-  
sa correptus valetudine, non potest, per alios exsequitur, insi-  
gniter interim pro salute vrbis Morono satagente. Gauserius  
porrò, cum in agro hostem non haberet, vrbes aggressus est,  
& tanquam experimenta adhuc fortunæ faceret, minuta, vix  
munita aliquot loca cœpit: mox allubescente magis successu,  
Moguntiacum, & Laudem Pompeiam adortus adhuc sine im-  
pedimento vincebat. Timere hostem vicina opida, præsertim  
Comum Leucumque cœperant, iusto adhuc præsidio destituta:  
sed Medicæus in tanto rerum tumultu, gnarus quid Patriæ de-  
beret, & quo potissimum obsequio firmaret res suas, selectam  
de militibus nuper conscriptis manum in opidum vtrumque  
mittit: cum rebus studere nouis posset, Principem, etiam male  
de



- A æ se meritum, antehabuit; gloria dignus & imperio, cui tanti fides fuit. Belli deinde fragor infelici turbine per prouinciam vniuersam prouolutus est. Terribili maiorum machinarum fulmine Cremona à Gallis quassata, expugnari tamen non potuit: Spartano exemplo atque robore, cum muri iacerent, hostes arcuit. Vt cælum fauere crederes, non armis solum, sed repentino & infesto pluuiarum quodam diluuiò Galli impediti, propugnantium audaciam accendere. Nam intumescens quodam cotidie nubibus, cum vis continua aquarum prorueret, ab omni oppugnatione cessatum est, & murorum ruinæ sine impedimento instauratæ. Accessit exercitui annonæ difficultas, cum è Laudensi duntaxat agro, & ora Transabduana commeatus esset. Diuturnam esse obsidionem cælum solumque noluere. Traductis igitur copijs, Mediolanum, sed irritò quoque molimine, cinctum est. Nil pertinax armorum contentio, nil solerti fraude empta proditiōe hostibus profuit: & longiorem hiems iam propinqua moram negabat; cum interea Prospero extincto, summam imperij Carolus Lanoyus cepisset. Potuit & Mediolanensibus ab astris aereque libertas tribui: quippe tantum niuis exasperata subito frigore aura sparsit, ut relicta vrbe in hiberna Galli compulsi sint. Iam & frigere bellum incœperat, Abiato à Sfortianis & Gerlasco opidis vi receptis; cum noua peditatus fomenta ab Heluetijs, & mox Rhætis Gauferius petijt. Atque ab his iam copijs spes omnis victoriæ pendebat. Sed Heluetiorum, quia tarda, parum prospera auxilia: Rhæti, quia difficile inuenire iter, ne peruenire quidem potuerunt. Quinque millia peditum Theganus conscripserat, & ut compendio profectiōis vteretur, ad Larium ducebat. Medicæus, explorato Rhætorum consilio, impendentem belli flammam toto lacu arcere statuit: quia vires non poterat hostium, viam infringere; & virtutis famam pulcherrimo facinore propagare. Ita nouo obsequio principem demereri facile censuit: honestum autem, ut patriæ placeret, armis & ingenio uti. Sed otiosam quoque arcem esse, quæ imperium non extenderet: restringi potentiam, nisi omnia terrore litora possideret. Nec mora, scapham expediri præcipiti iam die iussit, & noctis silentio adiutus, cum selectissimis aliquot militibus extremum percurrens lacum, quicquid circumquaque hostili littore cymbarum Hippaginumque seu casus, seu tempestas collegerat, rapit, & pernici fugâ Mussum abducit. quo facinore prima Rhætorum destinatio fracta, & qua facillimum iter erat, obijcem impetus inuenit. Itaque cum postridie ex Alpium faucibus stipato agmine copiæ descendere, & quasi horroris hiemisque pertæxæ, ad delicias

Cremonam porò hostes peruenit, ut incipit. perueniunt.

Et oppugnati frustra.

Mox in exercitu penuria, obsidionem saluit. Ergo, Matropolis petiunt.

Sed infelici quoque molimine:

Pro Mediolanensibus hiems peruenit.

Deserunt incipit Galli.

Abiato & Gerlasco Sfortiani recurrunt. Et tamē vires instaurat Gauferius, & auxilia petiit.

Ab Heluetijs, quæ tarda fuerat: A Rhætis, quæ impedita.

Nam Medicæus, velut explorator omnis fortuna.

Principem si bis stringeret, & quæ incensam quoque existeret.

Adstantium incidit iter. Nubibus à lacu undique subductis.

Rhæti quia vi lacum non poterant.



ver Italiae properarent, vernaculam subire asperitatem in alienis quoque montibus coactæ sunt: cum naues deessent, arduo ac lento per Trocias rupes circuitu Bellanum proficisci. Hic mora deinde sex dierum fuit. Bellanum insigne, & naturæ artificque æmulatione pernobile opidum, obliquo litore aduersum secretumque lacu Mussium respicit. Medicæus igitur, nullam rei bene gerendæ occasionem negligens, infesta hostes classe, & milite vexare cœpit, commeatum auertere, manum conferre, damna inferre: putares totum hic iam bellum geri. Mouit se tandem hostium agmen, postquam cum clade prima statio fucrat, & vallem Saxinam subiit, amœna ruris felicitate opulenta, frondosisque inclusam montibus, è qua Turriani, Insubrum quondam Principes oriundi. Et quia ad me quoque affinitatis iure sera magnitudinis huius memoria spectat, Genium loci & simul familiæ veneror, generosè euectæ; & varia tandem cum fortuna luctatæ, vt decideret. Sed in reliquijs Heroici sanguinis postuma adhuc viuere indoles, & maiores suos spirat, digna fortunæ fastigio, quo deiecta. Turriani vt semper viuerent, extingui, etiam cum crudeliter victi, non potuerunt; nunc ijs quoque fatorum inclementia pares, à quibus attriti. Quippe Vicecomitum potentiam cum excepsissent Sfortiæ, represlerunt. Sfortias Galli securi: inde Austriacæ mansuetudini fasces provinciae subiecti, & simul Italiae securitas refulit. Nunc tamen originis suæ dignitatem Turriani representant: &, vt sciret posteritas, quanti fuissent, signa magnitudinis atque vestigia in ruina seruant; misera, si nihil fortunæ concedamus; gloriosa autem, si meminisse virtutis decora pulchrum sit. Plures eadem infelicitate familias populosque humani generis fatum inuoluit, quos extulerat. nec quicquam omnino fuit, quod in culmine opum viriumque constantiam sibi promitteret; aut sublime esset, & casui non obnoxium. Solem ipsum dies vnus euehit, & lucis cinctum maiestate medio sistit cælo, vt præcipitet iterum, & in noctem silentiumque mergat. Nimirum oriuntur omnia, vt occidant; incipiunt, vt desinant; rebusque cunctis vices agnatæ. Sed præcipue circa magna & alta fortuna ludit, & cum potentiam indulget, minari incipit, in ipso fastigio lubrica, & mox præceps. Tamē respicere maiores laudabile est, & memoria generis atq; magnitudinis ad pulchra & honesta erigi. Ex hac igitur stirpe & sanguine, frustra tot stragibus immutato, castissimam suauissimamque vitæ consortem bona mihi fata adiunxerunt; datis quoque felici thalamo liberis, qui, cum magnarum rerum exempla in materna origine admirabuntur, patris adiuti nomine præsidioque, magnos virtuti (sic uo-

*Per rupes quam  
quærant, Bellanum  
veniant;*

*Aduersum Mussio  
opidum,  
Et hic infestum  
queque Medicæum  
experirentur.*

*Inde vallem Saxinam  
subiit,  
Amœnam illam,  
hæc origine Turrianorum  
clarum.*

*Horum non alius  
memoriam  
sola.*

*Enne Principes  
olim;  
Et in reliquis  
tamē maiestatem  
nominis seruant.  
Idem fatum Vicecomites,  
a quo deinceps Sfortias  
imperio exiit;*

*Næ miseris videatur  
qui desolati  
sunt;*

*Magnosque alibi  
familias atque  
populos concussit.  
Næquid æternum  
aut firmum in  
vitis humanis  
esset;*

*Vices hæcque  
Dei esse voluit;*

*Verum meminisse  
se Maiorum,  
et virtutem imitari,  
pulchrum  
est.*

*Mihi & Turrianis  
coniunctæ hæc  
liberi.*

- A uero ) applicabunt animos, & maiorum si non fortunam, certe indolem possidebunt. Sed Rhæti, vt ad seriem argumenri reuertar, per fragosas montium reliquias eluctati, in agrum Bergomatum descendunt, iam sine obstaculo transitori Abduam, Gallicisque iungendi copijs, cum molestissimo fessos circuitu nouus labor excepit. Nam Sfortia occurrens, & præsentis militiæ vires obiciens, velut agger influentem excepit vnam & stitit. Variæ vtrò citroque velitationes erant: ac deliberare de euentu communis adhuc Mars videbatur, cum totam rerum faciem suis armis Medicæus conuertit. Atque hoc breuioris belli momentum fuit. Vix Bellano hostes discesserant, & cohortes ille suas educens, fines Rhætorum fulminis instar simul & terret, & inuadit: Triplebem occupat, vallemque totam populatur. Bello igitur niuosi Alpium calles arserè, cum hostis nesciretur. quia defensores aberant, ad restinguendum patriæ incendium Theganus cum copijs reuocatus. Sic labasce-re magis vires Gallorum cœpere, & animi: opida aliquot à Cæsarianis capta: hostilis exercitus primùm varijs minutisque prælijs accisus: ac demum, vt summam rebus iniquis manum fortuna imponeret; pulsus, vix reliquias copiarum domum remisit. Vltima ad Sessitem amnem clades accepta, qua & Petrus Baiardus, & Ioannes Cabanæus fortissimi equitum ductores ceciderunt. Ac nisi iam victus fuisset Gauferius, discere infelicitatem suo ipsius vulnere poterat. nam grauius in brachio sauciatus, è prælio, & simul Italia excedens, ad fugam suis iter ostendit. Rhæti interea temporis fines suos occupatos armis repetunt: cumque parum feliciter vis procederet, patio placuit, & conditionibus pacis patriam vindicare. Missi ad Medicæum, & inde ad Sfortiam legati, qui amicitiam peterent, fœdus ferirent. Statutum est, *Ne in Ducem, aut Mediolanenses deinceps arma sumerent, aut hostibus auxiliarentur: contra Medicæus naues & opida restitueret.* Atque ille dum Sfortiæ obsequitur, res suas firmat; magisque obsequio fœderis Rhætos sibi conciliat, quàm armis exulcerarat. Amicitia imprimis Thegani profuit, quo in viro proceram & panè giganteam corporis molem inuictus, & ad omnem fortunam belli strenuus animus insigniter commendabat. Huius consuetudine quamdiu Medicæus vsus, subsidia expertus est: nec diuise hoc virtutis vinculum, nisi communis iterum caussa. Cæsariani recenti victoria feroces, quasi satis non esset, pepulisse Italia Gallos, belli vindictam in Galliam transfulerunt, auctore Borbonio, duce Piscario: prospera sperare militum quoque fiducia iubebat. Prorsus felicitati proximi erant Insubres, nisi grauissima pestis liberatam tantisper bello

*Pe boni fini & origines sua digni votum est.*

*Progressi deinde Rhæti,*

*A Sfortia appropinquatur:*

*Sed dubio ad hunc euentum.*

*Nona igitur indubitanter ad Mediam consilio:*

*Rhætorum fines dispulacur.*

*Qua necessitate Turanus copias reducit. Inuadunt mox Cæsariani: Rem feliciter gerunt.*

*Ita utque prælio ex Italia dispulacur.*

*Sed Rhæti ad pacem conuersi, fœdus Patria vindicant.*

*Medicæus magis addit:*

*Pe ipse Theganus, vir corporis atque moris magni.*

*Translato in Galliam a Cæsariano bello.*

Mediolanum peste  
affligitur, & post  
arma infelix est.  
Sed Sfortia Lau-  
do Pompeia, &  
Alexandria rece-  
pit.

Arcem quoque  
Mussianam à his  
dico argui.  
Et ad bellum mo-  
uendum excita-  
tur.

Non bono consi-  
lio.

Illi enim ut vio-  
lentia resistat, sin-  
guli ex Gallorum  
eum Rhæti incli-  
nat.  
Missi ad Ro-  
gem Flavianum,  
Qui conditiones  
ferat.  
Obsidio Massi-  
liensis frustra eo  
tempore à Cæsa-  
riana tentata.

Bellum Italia  
reddidit.

Rex ipse cum ex-  
ercitu Alpes  
transiit.

Mediolanum à  
Piscario relictum  
capit, nec violat.

bello Metropolim afflixisset. Interea tamen Laus Pompeia, & A  
Alexandria, quæ à Gallico adhuc præsidio tenebantur, rece-  
pta. Sfortia cum lætiori rerum statu frueretur, minus ferre  
Medicæum cœpit, iamque posita simulatione, arcem Mussianam  
repetere: & quia post nuperas insidias vis reliqua erat, minari.  
Non deerant enim, qui bello agendum censerent, Principem-  
que impellerent: In subdito hostile crimen esse puniendum. Sed pro ha-  
be Medicæum cœseri, qui benevolentiam Principis & minas iuxta ha-  
beat: munitissima arce foueri consilia, quæ in prouincia damnum erumpant.  
Denique, ut periculum exulet, tollendum exemplum, quo sceleratissimorum B  
audacia hominum accendatur. Sic Medicæum ad res nouas infe-  
stus Principis animus compulsi, & qui extorquere arcem cona-  
ti, perdidit. Ardor ille & ignis ingenij quiescere non po-  
tuit, irritatus. Ac planè periculum erat, ne si externa in Sfor-  
tiam cessarent arma, Sfortiæ in Medicæum verterentur. Igitur  
securitas peti ab hoste debuit: missusque in Galliam Theganus,  
solicitatus à Rege Rhætorum animis, qui societatis fide Gallis  
Medicæum iungeret, gentisque suæ auxilia ad nouum bellum  
sponderet. Atque tum audaci obsidione Massiliam Piscarius  
& Borbonius vrgebant; sed quia in hostili pugnabant solo, non  
pro voto felices, quæ inferre voluere damna, experti sunt. Vrbis C  
valido præsidio munita hostium viribus par erat; & fides ciuium  
militumque integra, præcipuam victoriæ spem incidebat obsi-  
dentibus, cum nihil ad peruertendos Gallorum animos nomen  
Borbonij valeret. Rex ipse vindictæ cupidinem induens, & sup-  
petias misit, & cum dilaberentur hostes, cum ingentibus copijs  
fugientes insecutus est; perque Peninas atque Cottias Alpes in  
Italiam irruit, melioribus auspicijs infelicem dñeum suorum  
fortunam correcturus. Sic exigua admodum interposita quie-  
tis mora, cum deliberare de Sfortiæ imperio & felicitate fata  
viderentur, malorum omnium tempestas acriori bello insæuijt.  
Regis nomen quantum potuit! Vrbis ipsa Mediolanum furorem D  
hostium non ausa excipere, quia patuit, clementiam experta  
est. Sine cæde aut rapina victoria fuit: quippe sine labore. Nam  
Piscarius præsidium eduxerat, cum ineptum bello urbem in-  
frequentia ciuium fecisset: Sfortia autem rebus suis diffidens,  
per prouinciam, quasi nullo loco tutus, errabat. Deinde quam  
inferre stragem Mediolanensibus Gallus posset, vbi omnia  
propemodum sæuissima lues strauerat, quinquaginta hominum  
millibus proxima æstate absumptis? Miserrimus vrbis status,  
non crudelitatem modò hostium; sed & auaritiam cohibuit: ne-  
mo aut sanguine, aut præda manum inquinauit. Pauci quoque  
præter eos, qui ad arcem obsidendam missi erant, intrauerant:  
catros



A cæteros in castris Rex continuit, ut præsentē exercitū de summa rerum statueret; cū Metropolim nisi deuicta provincia nollet visere. Missi interea qui Comum, præsidio destitutum, occuparent, viamque per lacum Larium Rhætis patefacerent, nuper non sine damno impeditis. Nam hi iam palàm a Sfortia iterum alieni, cuius fortunam despicerent, societatem aspernari; & iam noua auxilia Regi Theganus addixerat, operam quoque fidemque Medicæi. Sed ille in tanta rerum hominumque conuersione consilia sua suspendit, periculosum ratus, ad primas fortunæ blanditias flexi: *Non captum Mediolanū, sed relictum; potentem quidem Regem esse, sed impetu magis, quàm consilio, bellum geri*; munitionissimas à Cæsarianis vrbes teneri: *incipitem adhuc Martis esse aleam, quamdiu pro Cæsare Piscarius, Leua, Borbonius bellarent.* Quod caput consilij, Principem deserere, cū præcepta spes victoria esset, nefas visum: quem metuerē desisset, iam dignum auxilio: virtutis inuidiam, explorata sepius fide extinguit. Decreuit igitur nutantibus opem rebus ferre, quantum armis ingenioque posset, iuuare Sfortiam, & Mussium, totumque adeo lacum Gallis obijcere. Vires pecunia collectæ sunt, & hanc necessitas seueriùs extorsit. In tanto dissidio, ciuium hostiumque discrimen arma confuderant, laxiusque habitus miles, ut præda illectus, pugnam appeteret; belli vitio corraderet nummos, quos virtute mereretur. Quantum quisque raperet, vnum ærarium capiebat; inde stipendia, præmia, rerumque subsidia prompta. Sic quantum omnes debebant patriæ atque Principi Medicæus impendebat: Fortunam cuiusque minister, rem curabat publicam, suis velut auspicijs, sed omnium viribus hostes propulsiurus. Primum igitur cū aliquot è Regio exercitu cohortes Comum peterent, ingenti fiducia in subsidium ciuium, fratrem Baptitiam cum insigni agmine iussit proficisci, hostemque arcere. Galli iam rati Insubrum vrbes solo terrore capi, quia non pugnantes Mediolanum admiserat, directis ordinibus, tanquam sine obstaculo pedem & simul violentiam illaturi, signa producere. Sed postquam præsidio teneri muros deprehendunt, & intentā in aduersos arma, gradum retulerunt. Rex Metropoli potius, nihil adhuc profecerat: quia sine hoste pugnatum, nulla victoria erat. In fuga adhuc fortes Cæsariani, etsi territi, meliori occasione bellum parabant. Castra deinde Regia Ticinum, sed inauspicato incæpto promotā sunt: cuius vrbs defensionem Antonius Leua cum Germanis susceperat. Ille in promptu milites suos habere, excubias itationesque per mœnia disponere, ipse circumire, & hortari, strenuè se gererent; & ut omnia diceret, *Germanos se esse meminissent, quos armis & fide mortalium omnium*

K

primos

*Videri quæque  
disseri.*

*Militum manu  
ad caput Comum missi;  
Rhætis per Lacum  
viam Stratum.  
His auxilium  
adueniunt.  
Sed Medicæus  
fortunam explorat  
nec.*

*Et nuper consilia damnum.*

*Gallis se opponit.  
Ad hanc rem pecuniam partim  
colligit, partim  
extorquet.*

*Et quia Principi  
impendi excusatione dignus.*

*Fratrem, cum  
præsidio Comum  
se iubet.*

*Et Gallos arceat.*

*Id factum.*

*Rex Ticinum aggreditur.*

*Sed munitionem  
Præsidio Hispano;  
militi Germano orbem.*

*Et hic illius exemplo  
aigue sermo animatur.*



primos *seculorum consensus habuit*. Sed facile fortia pectora sermo **A**  
 virtutis accendit : ardere omnium animi desiderio pugnae, ho-  
 stem vltro lacessere, nullum periculum recusare : lato vrbis  
 vultu obsidio excepta est. Galli contra omnia agere, quae aut  
 vires Caesarianorum, aut animos labefacerent. Machinae ad-  
 motae sunt, muri concussi, stratae ruinae, cumque amplius satis adi-  
 tus pateret, & Regis iussu signa canerent, instructa coepit acies  
 fossas transire, vallum ascendere, tam clamore quam armis  
 pugnare. Totum hiatum praelium implebat, & promiscuo san-  
 guine madefacta terra lubricum pugnantium faciebat statum.  
 Sed facilius Gallis fuit terrere, quam vincere: quem strauerant  
 aditum, occupare non potuerunt: & quia robustiora militum **B**  
 Germanorum pectora, quam vrbis moenia erant, summa vi &  
 strage hostes reieci. Rex ingenti suorum damno motus, pro-  
 tinus mutata belli ratione, claudere urbem statuit, & cruentam  
 victoriam mora redimere. Prima industria in auertendo à mu-  
 ris fluuio consumitur, qui è summis Alpihus per Lepontios lac-  
 cumque Verbanum vectus, & iam proximus vibi, in duo cornua  
 scinditur, alteroque naenia alluens, post breue iterum diuor-  
 tium coit. Ergo summo ostio iaciuntur moles, ducitur agger, ac  
 tandem ripa ripae iungitur. Sic vno alueo vis aquarum coacta,  
 totum vrbis latus nudauerat, cum spissae humore subitaneo  
 nubes, vehementem coepere aquarum vim effundere, terram **C**  
 que velut imbris flagellare. Ticinus nimia colluione tum-  
 idus, & quasi objcem indignatus, vasto impetu perripit mo-  
 lem, & effractis compagibus disiecit. Aetum de vrbe erat, nisi  
 fluuius pugnasset. At Caesariani periculo moniti, neque satis  
 iam aquarum praesidio tuti; quippe quae nouo subduci diuerticulo  
 poterant, totum secundum ripam murum vallo & fossa  
 muniunt. Durat tamen obsidionis pertinacia, nouumque aggre-  
 rem incredibili opere & sumptu hostes orsi, extrema minaban-  
 tur. Atque per id tempus à Rege Theganus redit, conditiones  
 etiam voto maiores pacis, & quales dare Franciscus poterat.  
 Sed animum seueriori iam consilio Medicus mutauerat, & **D**  
 spernere potuit, quantum Theganus pacisci. Is ingentibus  
 abnuentem promissis sollicitans, quem amicum, etiam fortunae  
 socium exoptabat. Blandus igitur fuit, iter commemorat,  
 moram excusat, & communem facit societatis fidem. *Addita*  
*iam Regi Rhatorum auxilia, in armis prouinciam esse, tremere Iusubres:*  
*ne repugnaret occasione inuitanti, admitteret conditiones quas petierat.*  
*Alpium praesidio imperium, adhuc infirmum, stabiliret: sine periculo su-*  
*du esse, cui vniuersa simul Rhatorum gens salutem committeret; ho-*  
*nestum esse, quod ad liberandam semel bello patriam feriretur. Cum ma-*  
*ximo*

*Galli Armini,*

*Muros quatunt.*

*Aditum ster-*  
*nuunt,*

*Et vi inuadunt;*

*Sed cum strage*  
*reiciuntur.*

*Obsidio ergo pla-*  
*cit:*

*Et fluminis ab vr-*  
*be auertitur.*

*Atque nudan-*  
*tur.*

*At repentina vis*  
*aquarum aggre-*  
*vem rumpit, &*  
*fluuium reducit.*  
*Interius Cae-*  
*sariani vallo &*  
*fossa ripam mu-*  
*niant.*

*Nouumque aggre-*  
*vem hostes mo-*  
*tionant.*  
*Theganus redit,*  
*conditiones pa-*  
*cis:*

*Alienum iam*  
*Medicum,*

*Afflicta.*

*Et oratione mul-*  
*cat.*

- Aximo Regem exercitu adesse, nuperis non deiectum cladibus; sed stimulum; armis vindicari provinciam, ad Aurelianos olim Principes iure devolutam: nusquam nisi in fuga aut latebra tutos Casarianos esse. Metropolim captam, Ticinum clausum, totam terrore regionem obsessam. Belli causam esse successu disceret: in res novas, languescente cum armis sedere, Pontificem Venetosque propendere. Igitur ne sperneret porrectam fortune manum, quæ summa promitteret; stabilires aliena potentia parvum patria virtute decus, odiumque Sfortia, quia nullo leniri obsequio potuisset, bello exstingeret: Principem eum esse cui fortunam debeas. Atque ad hunc modum, rerum stimulo sermonem acuens, consilia Sfortianorum exaggerat, & iniuriarum seriem longa verborum acrimonia extendit. Medicæus nihil dicentis conatu motus, libero & profuso affectu animi sententiam prompsit. In rebus, inquit, consilijque humanis nisi penitentia locus sit, conditionis nostræ immores, divinam usurpamus. Deliberare ex usu, statuere ex honesto, pace belloque olim licuit, & quamdiu turpitudinem utilitas excludit, cæpta proficui. Nulla adhuc necessitas sacramentum meum flagitat: tui conditiones, nondum pactus sum; & tuus si affectus me absoluit, ille in communi causa susceptus itineris labor, damnare destinationem meam possum. Frustra verò mutatam rerum faciem, frustra nuperas Sfortie molitiones producis. Quid ais? spretus fui? calamitas Principis iniuriarum inebet obliuisci. Lesus fui? meruisse odium videar, in afflictum nunc & presum C si insurgam. Extra periculum nulla esse vindictæ causa debet, nulla offensarum memoria. Nocent ignavi, animosque sumunt, cum impune grassantur. Iam verò presens felicitas Regis blanditur quidem, sed in tempestivas conditiones facit: non sine infamia defectio, quæ iusta causa destituta est. Quamdiu trans montes exercitus Gallorum erat, Italia libera; excusari consilium poterat: nunc occupata provincia, in partes fortissimi transcam Regis, sequi fortunam vincentis videar, videri causam deferere. Tam fœdum igitur, ut à nomine maculam avoliar, vel infelicitate pugnandum est. Succumbere, ne turpiter vincas, gloriosum. Hanc manum, hæc arma constanti militia fide Principi meo, Cesarique deuoveo. Multa ad hæc iterum Theganus; neque tamen obfirmatum virtute animum orationis potuit suadela fletere. Ergo militaris & opportuna alioqui Medicæo amicitia, quæ vite, morum, & armorum similitudine coaluerat, consensescere non potuit; etsi in dissidio publico semina priuati affectus dura rint. Theganus ad suos reuersus, strenuè exsequi cœpit, quicquid Regi patriæ nomine promiserat, & quia suo ductu rem gereret publicam, auxilia maturare. Strepitus iterum armorum saxeas conualles impluerat, & ab agro ad signa Rhæti reuersi erant, cum toto vix anno initæ cum Sfortia societatis fides stetisset. At Moronus ea tempestate labentem passim fortunam omnibus cul-

*Sed frustra.  
Contra Medicæum  
consilij rationem  
consultanter expo-  
nit.*

*A sententia vero  
non abductus,  
Amicitiam il-  
ludis diximus.*

*Theganus auxi-  
lia.  
Regi promissa,  
instruit.  
Et ad terrarum  
omnia agit.*

*Moroni exortum  
industria emittit.*

*In seditionis per-  
cula autrit:*

*Cæsarianos abi-  
surientes retinet:  
Ticinensibus pe-  
cuniam submit-  
tit:*

*Denique Medicæo  
Sfortiam concu-  
lat:*

*Constantis dein-  
ceps amicitia:*

*Tantum in odium  
Rhetorum:  
Et conditionibus  
benignis:  
Præfectura val-  
lis Saxina ad-  
dicta, & stipendii  
assignato.*

*Medicæus ad om-  
nia intentus:  
Agros Rhæticos  
depopulatus sta-  
uit:*

*Volente Sfortia:  
Et subsidia mit-  
tente:*

*Quibus ferro, at-  
que voti:*

*Occupatoribus  
quicquid ferro  
vastasset.*

*Auspicium à do-  
lo:*  
*Et Clauenna pe-  
nitur,  
Inveniente fit,*

re auxilijs aggressus, insigniter pro principe suo nitebatur. **A**  
lites alibi, vrbesque ad seditionem præcipientes prudenti facun-  
dia compefcuit: Cæsarianos, cum ob pecuniæ defectum de pro-  
uincia deferenda cogitarent, retinuit: denique Germanis Tici-  
ni obsessis solerti stratagemate per media Gallorum castra par-  
tem stipendiorum submitit. Rebus adhuc deesse Medicæus vi-  
debatur, grande momentum, socius, aut aduersus: quippe qui  
Lario velut habenas iniecerat, & Rhætis vicinus, prout incli-  
nasset, Fiduciam victoriæ esset allaturus. Auctor igitur Sforti-  
æ Moronus fuit, *Ut nouis conditionibus Medicæum pelliceret: ute-  
retur strenui bellatoris virtutibus, quibus ut irasci merito poterat, sic gene-  
rosè ignoscere non perijisse Mussium, quamdiu vel suis in Gallos auspicijs* **B**  
*imperioque Præfectus pugnaret.* Nec spreta consilia, cedentibus pe-  
riculo odijs. Missus ad Medicæum Gerardus Archianus; &  
hoc interprete constantis amicitiae conditiones agitata. Nu-  
peras similitatis causas sepelire silentio placuit; fauoris obse-  
quique vices amico fidei pignore ordiri. Faciliorem etiam  
concordiae nexum rumor iam de Rhætis fecit, in partes & castra  
Gallorum transgressis. Nam versa indignatione, totum Sforti-  
æ odium in desertores erupit. Medicæo perpetua Castellī  
præsidijque Mussiani, & vtriusque ripæ Larij lacus, vallisque  
Saxinæ Præfectura, item Clauennæ, si ea potiretur, concessa;  
adicto quoque stipendio, ut rerum angustiae erant, luculento. **C**  
Neque is otiosum aut inutile munus habuit: milite & pecunia  
usus est, certantque ad victoriam Cæsarianis viam aperuit. Ut  
frangi Rex posset, Ticinensi iam obsidione lassus, auxilia di-  
uertenda erant. Qui suo paulloante milite fortis, alienis bellum  
viribus trahebat. Sed Medicæus occasionis momenta ponde-  
rans, ut Rhætos laceraret, vim inferre agris statuit. *Imparata  
domi arma esse, ad Patriæ periculum mox Teganum cum copijs: recursu-  
rum.* Communi consilio depopulatio destinata, & quia vima-  
iore opus erat, submissi in auxilium à Sfortia pedites quadrin-  
genti, ad prædam cædemque pariter prompti, qui in homines  
atque adeo rupes ipsas fræurent. Agmine instructo, cum ma-  
gno digna facinore virtus militum videretur, & quorum auda-  
cia regioni sufficeret, ampliozem præda victoriam concepit: **D**  
*Semel igni & ferro vastatos esse fines; capi & occupari posse: gloriosas esse  
diuitias, quas ubi rapis, simul possides. non armenta iam, sed mænia pla-  
cere; populari, ut consistas, pulchrum esse: sed ignaua spolia, quæ fuga  
seruat.* Clauennæ igitur arcem opidumque tentare dolo, velut  
auspicio placuit, & hinc, quid arma auderent, experiri. Cla-  
uenna in reducta & patente valle sita, radicibus montium, quæ  
Sol oritur, adiacet, & quadrato murorum cinctu munitur. **A**  
capi-



- A capite lacus decem millibus passuum remota, Meram amnem; varia fontium riuorumque scatebra collectum, laterè vno excipit, & amœno anfractu in Larium emittit. Arx gemina, in tutellam velut opidi, proximam modico intervallo rupem occupabat: altera sublimis, & supra vim omnem repentinam posita, fastigium extulerat; nec adiri, nisi angusto & vtrisque exciso centrum quinquaginta graduum ascensu poterat: altera inanis, & propè otiosa, ad radicem montis velut procumbens, continuo muro ambulacrum in turrim opidi peruium suspendebat. Ut spatium loci æstimares, veteris structuræ ruinas robusto adhuc ambitu mœnium complectebatur, viam in crepidinem præbens.
- B Insubrum olim hoc opus fuit; & dignus castello mons, qui intra fauces suas niuesque Rhætos cocceret. Sed tam vicinum limitem ferre gens Alpina non potuit; quia libera, indoleque ferox, iugum putauit, quicquid ante oculos vrgeret. adeo verum est, exasperari populorum animos, si constringi metuant. Quæcunque homines terra dedit, mater est; omnibusque Patriæ affectum natura indidit. Sed nulla gens maiori contentione delicias, & fertilissimi soli glebas, quàm ista cautes & sterilia saxa propugnauit. Non loco, sed ingenio libertatem Rhæti metiuntur, & aspernari locorum squallorem angustiasque incipiunt, quoties claudi. Si rectè tamen naturæ dotes arbitreris, etiam
- C rigentibus vallium campis, asperrimisque montium iugis sua amœnitas est: in ipso horrore inuenias quod placet. Vbi cuncta deesse censeas, maxima varietas est. Aeternum alibi niuium onus vertices sustinent; alibi vernaculum candorem frondosa distinguunt iuga. Iam caluities rupium summa æstate, canities adulta hieme, venerandam senij quandam dignitatem repræsentant. Altissimis deinde Scopulis cadentes, & elisæ in spumam aquæ, cum strepitu ruunt, & impactæ saxi velut irritamentis incitatæ, rursus subsiliunt, donec leniori paullatim alneo receptæ, iniuriam vincunt loci, coloremque, posita violentia, vindicant, & in limpidißimos riuos effunduntur. Surgunt
- D hinc inde marmoreæ montium moles, murorum turriumque velut imagines, & structuræ quædam miracula mentiuntur. In vallibus sparsæ villæ, & optimæ alibi glebæ; in sterilitate fertilitas, in horrore amœnitas, in solitudine frequentia: oculorum delicias hic pictura inuenit, & omnem tamen artificis industriam natura vincit. Iam rupium fauces, callium anfractus, fontium scaturigines, torrentium nunc impetus, nunc ignauia, pontium fornices, lacuum æquora, pratorum colores; arborum proceritas, denique noua vbique telluris cælique faciès spectantium rapit oculos & moratur. Accedit itinerum securitas;

Quem olim Insubres æstimauerunt, ut Rhæti coccerent. Sed frustra, In praesidium esset, quicquid tantum obiaculum possum.

Gens Patriæ amant, Et libertatis, Constringi recusant.

Atque in hoc horrore Alpium natura ridet: Et amœnitate miracula habet, Aeternas niues, Frondosa iuga, Caluas rupes, aut senas,

Elysæ aquas.

Marmoreas moles,

Valles optimas,

Oculorum delicias,

Fuentes, Anfractus, Fontes, Torrentes, Pontes, Lacus, Prætorum, Silvæ.

Securitas ubique;

*Pro his omnibus  
Rhæti pugnauerunt.  
Penates defendunt,  
Dimitiaque,*

*Ab origine ver-  
naculæ:  
Ipsi olim vincti,  
nunquam domi-  
ni:  
Fortes, & opulen-  
ti.*

*Et sic postea In-  
subribus foret:*

*Quibus Clauenna  
arcem eripuerat,*

*Timendi, quia se-  
curi.  
Hanc suam infi-  
dijs facere Medi-  
cæus cogitabat.*

*Seligentur mili-  
tes:*

*Et negotij summa  
Recto cuidam  
committitur, Eri-  
do, & Armano in-  
notat:*

*Is, Meram amne  
nactus cum suis  
transiit.  
Et per murum  
ruptum in arcem  
inferiorem pene-  
travit.  
In insidjs latet:*

*Pi aut in rupem  
evadit, aut Præ-  
fectum caput,  
arcem extor-  
sit.*

vt tota provincia, tanquam vna in vrbe peregrineris. Vt scias **A**  
deorum hic quoque Penatum religionem esse; pro Patria, quo-  
ties incurrit hostis, pugnatur: & soli pretium æstimari inueniat  
miles, quod ferro & igni vastet. etiam in abdita & conclusa ex-  
cessivissimis montibus loca aurum congestit avaritia, tanquam se-  
curius possessura. Nulli prorsus sine opibus mortales agunt;  
& ne hostis desit, cumulant omnes quod ad rapinam avaros ani-  
mos accendat. Diuitijs florere Rhætos, virtus & vetustas in-  
dicant, & libertas ab origine gentis adhuc superstes. Atque vt  
veterem rerum memoriam reuoluam, Victi olim, non domiti à  
Romanis, sudore & sanguine vires atque fortunas instaurarunt:  
strenui quidem, quod rapere ab hostibus manubias potuere; **B**  
opulenti, quod amittere. Ergo quorum animi omni bello ma-  
iores erant, concludi postea libertas non potuit: etiam Insu-  
bribus restiterunt: & ne provinciæ limitem suo arbitrio hostis  
tam vicinus figeret, structam & obiectam sibi à Mediolanensi-  
bus arcem Maximiliano Sfortiæ ademerunt. Omnino quasi  
situs loci & opportunitas cogeret, produxere terminos; cum ab  
vna hac arce aut timere Rhæti possent, aut timeri; tuti ac securi  
suo præsidio, hostili & alieno obsessi. Sed Medicæus, vt uni-  
uersam regionem concuteret, arcem petere insidijs statuit. Co-  
hortes in promptu erant, consilia in expensio, quibus, si fortuna  
faueret, nomen & potentia crescerent. Selecti è toto numero **C**  
nouendecim, fide & robore præstantissimi; & his ductor, inui-  
cta indole inuenis, origine Rhætus, nomine Riccius, rerum &  
locorum gnarus, quem peculiari affectu Medicæus pridem sibi  
iunxerat, magnis aptum rebus, & perenni dignum fama, nisi Pa-  
triæ charitatem ciuis violasset. Gentis suæ oblitus, streuui lau-  
dem quam boni maluit; & nullum soli natalis beneficium cen-  
suit, modò militem se præstaret. In damnum popularium fortis,  
hanc tamen veniam impetrat, quod Medicæo obsecutus. Sum-  
ma hiems erat, & cæli rigore aspera omnia atque concreta gelu,  
cum paullo ante continuis imbribus Mera auctus, cursuque vio-  
lentus, præcipiti impetu murum iuxta turrim strauerat, quæ ex **D**  
vrbe in arcem clausa ac suspensa via transitum pandebat. Ric-  
cius explorato in antecessum situ, noctu cum suis ad opidum ve-  
nit, & vadato amne, qui nulla aut tenui adhuc glacie sterneba-  
tur, summo cum silentio per murorum hiatum scandens ambu-  
lacrum, in arcem inferiorem euadit. Ruinas igitur milites sub-  
biere, vt & in occulto, & extra iniuriam rigentis cæli laterent:  
sed quia madidi, asperimo per quietem frigore vexati, ærum-  
nosam & felici dignam luce exantlabant noctem. Summa con-  
siliij erat, aut in arcem crumpere, aut Præfectum capere, & dedi-  
tionem

A tionem extorquere. Summo mane è rupe descendens satelles, clauiumque fascem baiulans, per aream & Hypætrum ad opidum pergit, ut iussu Præfecti, & ex more portas referaret. Riccius ad omnia intentus, quia superiore arcis aditum animaduertit non sine custodia esse, & ex re sua putaret opidum aperiri, suos continuit. Susplicari etiam cœpit, ea nocte Præfectum in opido cubasse. Ergo sine obstaculo satelles transit, munere suo fungitur; & mox Rhætis nonnullis comitatus redit, qui salutatum Præfectum venerant, officij quoque causa deducturi. Fabulis intenti, incautè incedebant, cumque iam proximi ruinis essent, è latebra Medicæani strictis pugionibus exsiliunt, Præfectum rati adesse. Errore deprehenso facinus tamen peragunt; manus & mox vincla non repugnantibus indunt. Ac silentium quidem primum stupor, deinde vis imperauit. Ne carcer deesset, iisdem ruinis & capti & liberi latebant. Præfectus, ignarus eorum quæ acciderant, etiam accusare moram famuli poterat, vltra inuestigare desijt, à suspitione infortunij alienus. Nam quod periculum, ubi hostis non erat? Finibus tuti, in Italiam & bellum & simul metum Rhæti effuderant. Ex arce igitur ipse Præfectus descendit: iturus ad opidum, filium adhuc puerum ducit, quem satelles sequebatur. Dies solennis erat, & partim animi, partim rei diuinæ causa maturius ibant. Quis ubique

C fortunæ ludus! Inferioris adhuc castelli mœnibus septi, & tamen hostili impetu repente obruti, scire non poterant, in quorum venirêt potestatem. Riccius sine mora Præfectum raptans, infesto iugulum gladio petijt; &, *Istud, inquit, tibi nunc ferrum fatale vibro, nisi præsentem mortem castello redimas: perijsi, nisi confestim fortunâ agnoscis, adiutq; pandis. Quid cunctaris? hostis, & armatus adsum; crudelis quoque, nisi vniâ astimas. Iterum, quid cunctaris? aut anima aut Præfectura ponenda est: tu elige: nobis quod audacia tentatum est: vis perficer. Sed temnente minas Præfecto, qui mortem honestam turpi vita potiore duceret, magis virgere Riccius cœpit, & furoris persona vultum induens, *Vincez, inquit, sauitia pertinaciam; sed vos commilitones, ferrum unâ stringite, unâ ferite; ut omnium cadat manibus, qui cunctos spernit. Non satis unum vulnus; nec mors una satis, toties modo perire possis, quoties cadi. Sicille, cui parcere statuerat, minas & arma intentabat. Ductis igitur sub ipsa arcis mœnia captiuis, cum ficta crudelitatis scena lanienam Medicæani adornarent, ingenti armorum strepitu Præfecti familiam conterrere. Vxor è murorum pinnis dispiciens, cum subiectum mucronibus minantium charissimum videret maritum, tristi eiulatu lacrymisq; manantibus deprecari vim cœpit: *Crudele inhibere ferrum, ne vnus cade duos perimerent: suam in mariti corpore animam ruinare; se***

*Etiā dubio censito Fortuna fati.*

*Errorem audacia corrigis.*

*Præfectus cum filio captus.*

*Hostes aditus suos ignorant. Iussus arcem tradere, aut occumbere.*

*Mortem eligit. Sed amplius Riccius minatur. Sociisq; ad erubescendum extortat.*

*Ducitur sub mœnia Præfectus. Tanquam victima captus. Vxor ex arce periculum mariti cernens.*

*Vim deprecatur.*



tum maxime haurire vulnera, cum spectaret: nec ladi vitum posse, nisi **A**  
 ut in mulierem seui essent. Si latrones venissent, pradam spectarent, non  
 sanguinem: sin milites, annis captiui parcerent, lytro contenti. Vocem  
 contra Riccius tollens, Milites, inquit, sumus, non latrones: sed vis  
 & crudelitas in hostem permessa. Arcem poscimus: tu vide, pluris mari-  
 tum, an domicilium facias. Quod iste negat, tu praesta: una hac rupe  
 amores tuos redimas. Id vnum captiui pretium est. Sed Praefectus ge-  
 nerosum promens animum, vxorem ad constantiam adhorta-  
 tur: Negligeret maritum, quem sine scelere seruare non posset; imò quem  
 seruatum iret, ut occideret. Vincula, mortem, aeternumque à Patria  
 sibi probrum imminere, si arx dedatur: perituum se turpius, si vitam de-  
 beret latronibus, fide proiecta. Mori in malis non esse, omnibus contingere. **B**  
 si pereundum, referre tamen qua causa, aut culpa; militis, an carnificis  
 manu: se paratum, quamcumque hostibus crudelitatem scelus diceret, in-  
 trepidè excipere. proinde non vitam modò spectaret mariti, sed famam;  
 tueretur arcem, qua salua, nihil amitteret. Riccius, quia ex senten-  
 tia minè non procederent, & cum periculo mora esset; acridè  
 vrgerè cœpit, leuiterque, quem proximus impellebat miles,  
 Praefecti filium vulnerans, hoc velut vltimo immanitatis ludi-  
 briò paternum maternumque affectum stimulauit:& Sensies igitur, inquit,  
 qua mercede pertinaciâ extollis: ut sapius occumbas, specta-  
 bis pater filij sumus, priusquam moriaris. & rursumque occides diuiso no-  
 mine vxor materque, quia non seruabit. Simul verd truces compo-  
 nens oculos, imbuendum innocenti sanguine ensẽ sustulit, **C**  
 tanquam percussurus. Non diutius naturæ stimulis repugnare  
 Praefectus potuit. Victus & pallentis pueri discrimine, & mor-  
 tissimæ coniugis planctu, arce salutem pactus est, & necessita-  
 tem æstimauit. Vt pius esset, peccare in patriam sustinuit; diffici-  
 liusque in gemina ærumna patri fuit, spectare mortem filij, quàm  
 occumbere: Haud mora, intra mœnia Medicæani recepti,  
 tantisper in custodia Praefectum familiamque habuere, dum lu-  
 strarent penetralia, & felici iam audacia insidiarum callidita-  
 tem sequerentur. Nam quasi ampliorem successum fortunæ  
 promitteret, victoriam absconderat; cùm minor interuallo  
 strepitus, prodere hostes opidanis nõ posset; & viæ facinorisque **D**  
 arbitros nouus adhuc dies arcuisset. Dispositis, qui ingressum  
 aditumque custodirent, paullisper in arce cum suis Riccius tan-  
 quam in ruinis iterum latuit. Etsi tutus, sciri tamen victor nõ  
 luit; vt imparatiorem Medicæus hostem iam aduentans reperi-  
 ret. At in vrbe publica pietas populum collegerat, & sacrorum  
 solennia mysta adornabat, cùm nec pro more, nec pro die Præ-  
 fectus veniret. Mirari omnes, & aduersæ valetudini moram  
 ascribere. Missi igitur quatuor è primoribus, qui exploratum  
 irent.

Lytrumque ef-  
 fecti.  
 Sed arcem hostis  
 poscit.  
 Non alio precio  
 captiuum dimis-  
 surus.  
 Ille contra tem-  
 nens mortem,  
 vxori constan-  
 tiam committat:  
 Arcem seruet,  
 maritum negli-  
 gat.

Amplius Reip.  
 quam matrimo-  
 nio debet.

Vltimo circa  
 puerulum minè,  
 non sine vultu:

Quibus permixti  
 Praefecti.

Enecessitati suc-  
 cumbens.

Arcem tradit.  
 Stant dum Medi-  
 cæani & glori-  
 am abscondunt.

Maiora etiam  
 molientes.

Aditum silentio  
 & custodia mu-  
 nunt.  
 Ipsi latent.

Quia Praefectus  
 ad opidanum non  
 venit:  
 Ad arcem opi-  
 dani cuncti.

- A irent. Hi funguntur officio, gressum ad arcem dirigunt scanduntque: mox, tāquam ad Præfectum admitterentur, intro ducti sunt, vinctisque extemplo mancipati. Sequuntur & alij, pluresque eodem dolo delusi, qui partim ex vrbe, partim aliunde ventitabant. Tradunt, quadraginta quatuor in arcem & vincula venisse, stirpe & fortuna præcipuos. & hæc velut belli pignora idem carcer detinebat. Cuium si numerum sortemque æstimas, iam magna ex parte opidum quoque Medicæani ceperant: vinctulis hætenus, non armis pugnabatur, & quod pulcherrimum victoriæ genus est, nemo occumbebat. Non potuere tamen diutius fortunam suam opidani ignorare. Fraus
- B statim à meridie detecta, quia nemo rediret. Ergo quod in tumultu solet, arma nemo non corripuit: alij per urbem discurre-  
re, alij, quos furor & propinquorum ærumna stimulabat, ad arcem contendere, clamore fremituque hostes prouocare, & verbis proscindere. Nec vltius aut ferre ludibria vociferantium Riccius potuit, aut arce ferociam claudere. Ut pares dolis vires ostenderet, in subiectos sparsosque cum paucis aliquot suis erupit. Facinus, etsi temerarium atque intemptium, tamen, quia successu non caruit, haud indignum gloria fuit. Atque hoc ipsum aduersarios terruit, quòd tam pauci pugnarent, audacia in suspicionem insidiarum deducta. Ergò dum in discrimine
- C de prælio opidani deliberant, animos hostibus addidere. Nilhil facilius, quàm perculsos reijcere. Medicæani autem, cùm strauissent proximum quemque, reliquis in fugam dilapsis, etiam spolia cœperunt legere. Sic verò natus iniuria pudor virtutem reuocat, & renouata audacia maiorem colligit hostium manum ac reducit. Quia pulchrum putant omnes, defendere Patriam, gloriam æstimant; & quia facile paucos vincere, confluunt vndique. Ergo & numerus vires facit: ac diceres velut impulsam ventorum vi procellam, in aduersos multitudinem agi. Qui resisterent? cùm fessi omnes pugnando, & duo grauissimè vulnerati, in arcem se receperunt: quam armis sustinere
- D vim non poterant, rupe arcuerunt. Res ad obsidionem spectabat, & quia alimentis arx destituta, expugnari statim fame poterat. Satis igitur, aditum claudere: & tamen ne exercitus deesset, ante Solis occasum mille quingenti pedites è vicinis vallibus ad opidum conuenerunt. Medicæus, relictò in arce Mussiana fratre, ea nocte agmen suum mouit, quod ad septingentos iam pedites creuerat, & Clauennam versus iter instituit; etsi renioram validam aer celumque objicerent. Ipse milites exemplo suo trahens, viam pedibus ingressus est, cùm ne sic quidem frigidissimæ rigorem noctis posset vincere. Sed terra quo aspe-

*Et capiuntur.*

*Plures eadem fraude dato nro, iam carceris implerant.*

*Re detecta, arma hostes capiunt.*

*Ad arcem aduocantur.*  
*Strepitus & conuicijs agunt.*

*Hostesque elidunt.*

*Nec sustinent.*

*Aullo deinde numero, ingruunt iterum:  
Et in arcem Medicæanos pellunt.*

*Obsidens, tantam famem debellandi.*

*Medicæus subsecutus venit.*

*Difficillimo itinere.*

rrior gelu, magisque vestigio euntis resisteret, ampliùs obdura. A  
bat ad iter animum. Ardor autem gloriæ algorem omnem mi-  
tigabat. nam occupatam à suis arcem in via intellexerat; *Sed*  
*nisi confestim cum copijs adesset, pulcherrimam è manibus victoriam labi:*  
*aliquos iam vallium incolas in uno cum armis opido esse, nullam in castel-*  
*lo annonam, atque adeò auspiciumpugnæ cum fame captum.* Perrex-  
igitur, felici euentu gestiens: & ducis alacritate milites inca-  
luere, cùm turpe quisque putaret non sequi. Sic verò paucis ho-  
ris & paruo itinere totam hiemis iniuriam emensi, ad Clauennæ  
mœnia peruenere, non minùs pugnæ auidi, quàm prædæ. Vt  
præuius pauor hostes percelleret, cum strepitu & clamore co-  
hortes iussæ incedere. Plura toto agmine pulsata tympana, ar-  
ma concussa, & cuncta ad simulationem magnarum virium in-  
fluita. Nec parum apud rudes fallacia terroris valuit, exer-  
citiū aliquem mentita. Metu consternati, cùm suspecta essent  
omnia, fugere maluerunt, quàm experiri, quos timerent. Igitur  
tumultu magis magisque glisciente, pauci ad pugnam se para-  
re, alij latebras quærere, & periculo vitam subducere; nemo in  
commune consulere; quod quisque metueret, nolle. Tanquam  
in opido nequaquam tuti, montes suos petitori, & penetrabilia  
Alpium, excessere. Sed Medicæus, intrepidè irrumpens, extre-  
mum fugientium agmen adoritur, & militum libertati iram in-  
dulsit. Sic non sine strage, qui fugiebant disciati; & vt experi-  
rentur quæ timerant, coacti repugnare. Sed virtus semel fra-  
cta impar deinde discrimini fuit; satisque armis profecerat,  
quisquis euasisset. In hoc quoque conflictu vim suam casus  
ostendit, obiecitque vincentibus quod formidarent. Nam ma-  
gno animo in hostes inuectus Medicæus, cùm pugnaret ipse,  
militisque simul & ducis impleret munia, discrimen subiit, & vi-  
ctor, vt omnem fortunæ vultum suspectum habeas, aliquam vi-  
cti conditionem sustinuit. glande plumbea vulneratus, subsi-  
stere cohortes iussit, & ad opidum, inciso velut successu, reuer-  
ti. Ne molliùs referret gradum, quàm protulerat, vehiculum  
recusauit; virtute formidolosior, quod læsus rediret. Vulnus  
examinatum, & quia periculo caruit, tum quidem neglectum.  
Nihil igitur de vigore remittens animi, ipso dolore & cruciatu  
fortis, tantum sibi otij non permisit, vt decumberet. Hostem pe-  
pulerat, sed reuersurum: & tali ingenio Rhæti sunt, vt nisi om-  
nes victi, non quiescant. Tanquam tota in membris prouincia  
viuat, vires habet; & vt sapius pugnet, robur colligit. Alibi cla-  
dibus mitescunt incolæ, & submittunt animos; hi partim indole,  
partim situ ferociunt. Sed Medicæus arce & opido potitus, ab  
euentu vota auxit, omnemque maiori violentia perturbare  
Rhætiam

*Milites exemplo  
suo ducens.*

*Ad pugnam præ-  
damque avidos.  
Clamore & stre-  
pitu hostium per-  
cussis Rhæti,*

*Fluunt:*

*Et saluam in sa-  
gæ ponunt.*

*Insequitur Medi-  
cæus, stragemque  
infert:*

*Sed ipso vulnera-  
tus,*

*Reducit agmen:*

*Et ad bellum ex-  
cipiendum se pa-  
rat;*

*Atque adeò in sa-  
gæ radum.*



- A Rhætiam statuit; non expectare hostem, sed laceßere. Simul munire opidum cœpit, & instauratis ruinis, Meram robustiore muro coercere. Arx verò & milite & commeatu instructa. Diffudit mox fama lætam alijs, alijs tristem victoriam, vt partes erant, & in eas Insubres inclinabant. Sfortia & frangi Rhætos hoc tempore, & occupari Medicæum, vtile arbitratus, suis acrispit rebus, quantum aut isti amitterent, aut ille acquireret. Ergo vt magis vtrosque collideret, & hæsuras irarum causas acrior iniuria daret, fulcire vires Medicæi nouo subsidio decreuit. Ratus quoque, quod caput erat, *Pressis domi Rhætis, reuocatum cum auxilijs Theganum iri; Regem tam firmo destitutum robore,*
- B *pellit Ticino posse; aut certe sponte discessurum.* Nec mora: selectum peditum Cremonensium agmen Clauennam Franciscus Mattheus duxit, numerum Medicæanorum Sfortiano milite aucturus. Atque opportuna hæc subsidia, cum vniuersa pro aris focisque Rhætia moueretur. Medicæus, vt noua clade animos hostiles, & vindictæ apparatus frangeret; effudit terrorem suum, & in vallem vsque Bergellensium excurrens, cuncta populatus est. Quicquid rapi potuit, militi cessit; atque ille prædæ dulcedine illectus, & ex euentu spem sumens, longius etiam bellum exoptabat. Interea Mussium cum tertijs copijs Archianus appulit, à Sfortia affligendis penitus Rhætis submissus: de cuius aduentu Medicæus accepto nuncio, iam (vt cautè quascunque explorabat fortunæ insidias) suspecta habere cœpit auxilia, quæ abundarent: atque vt noua expeditione in hostem diuerteret, & consilia sua metu liberaret, occurrere Archiano, adhuc amico, statuit; & maturo remedio moram properanti iniicere. Itaque quinquaginta subito equitibus instructis, quos è toto militum numero selegerat, celerissimo itinere obuiam ire cœpit. Cum Suricum peruenisset, ripam opidumque deprehendit frequentem milite impletum. Monitus igitur Sfortianas istuc copias appulisse, equites suos mox redire Clauennam iussit; ne diutius in infirmior præsidij manus esset: ipse cum puero opidum intrauit, ad Archianum venit, & quantum designauerat callidè moliens, magno affectu hoc egit, ne tam pulchra dicta, quàm vñ necessaria, & quæ maximè spectarent Principem, loqui videretur. Verborum hæc ferè sententia fuit. *Presentem fortunam pulcherrimis alijs annuere: satis hoc tempore præsidij Clauenna esse: maioribus etiam in vno loco copijs alimenta non suffectura. Opidum arcemque viribus Rhætorum parem. Itaque augendam noua irruptione victoriam, quæ nisi incrementum sumeret, securitate destitui. Recenti adhuc plaga si vulnus accedat, dolorem crescere. Hostem, maiori etiam iniuria quàm damno irritatum, iterata clade percelli debere: animis deuictis, vires labi.*

Nihil

*Opidum monit:**Arce instructa  
Et varia fama  
inclaris sit.**Sfortia natum  
incendium alens,  
Noua subsidia  
Medicæo decernit.**Imi mittit;**Aique ea opportuna  
Provincia iam  
commota.**Quem militem  
in agrum hostilem  
Medicæus  
emittens,  
Prædæ inuictus.  
Venit & serua  
subsidia  
Ducens Archiano:**Sed Medicæus suspecta.  
Hoc agit igitur  
vt diuertat:**Cum selectis obuiam Archiano  
it:  
Suricum venit,  
Qui ille tam appulsi;**Et callide consiliū  
promens,**Suadet,*

*Diuisis copijs  
utendum esse.*

*Has nouas in  
Volturenâ ven-  
endas.*

*Perfuadet quo-  
que.*

*Noua agmina  
Morbonium du-  
cta.*

*Medicæus Cla-  
uennam redit:  
Et à summo lacu  
sine præsidio in-  
gressus.*

*Iustitiam fallis  
hostium.*

*Et saluor ad suos  
quia solus venit.*

*Rhæti gemino di-  
stricti malo, &  
hoste.*

*Nihil utilius, quam diuisis copijs uti. In partem gloriæ & ipse veniret, A*  
occupatos atque districtos vinceret. Prorsus ferro & igni agendum esse, &  
quicquid furor atq; auaritia militis suadet. Frustra in cineres tecta labi,  
nisi Alpes nivesque arserint. Frustra ali incendium, spargi debere: duraturum  
si longè lateque flamma seuiant. Proximam Volturenam cogitaret  
vallem, vi gleba fecundam, ita iniuriæ opportunam. Vastandam esse, ut  
erepta hosti videatur: in damnum relinqui, quicquid aut non rapuerit mi-  
les, aut non consumpserit. Atque in his præcipue campis pascuisque vires  
Rhetorum sitas esse: frangi porro animos posse, si miseri esse hic incipiant.  
Cogitaret etiam, In Rhætis iam Gallos vinci; in Alpibus ipsis exerci-  
zum Regium eneruari; Theganum cum copijs rediturum. Addit, Sine se-  
uitia quoque iam ambigam felicitatem esse. Terruisse hostem, partem vi-  
etorie esse; causam cladis, si vltià nihil timeat. Maioris momenti apud  
Rhætos fore non amittere fertilem irriguamque conuallium planitiem,  
quàm rupis unius arcem recuperare. Archianus persuaderi sibi pas-  
sus quicquid destinarret Medicæus, agmina per lacum trans-  
uexit, & in Volturenam ducturus, Morbonium petijt. atque inde  
Medicæus modico præsidio stipatus ad summum lacum per-  
uenit. tum remissis militibus, siue contemptor periculi, siue  
quia tutius visum, fallere hostem, quàm perfringere; tanquam  
vilis ignotusque iter ingressus est, Thoma Bosio Mediolanensi,  
egregiæ & antiquæ stirpis viro, quem familiarem olim habue-  
rat, velut comite assumpto. Rhæti interea moniti Morbonio  
discessisse cum præsidio Medicæum, Clauennamque redire, va-  
lida instructa manu, viam insidijs occuparunt, ut incautum in-  
terciperent. Sed dum in latebris hærent, & summo cum silen-  
tio hostile aliquod agmen operiuntur, Medicæus Bosiusque  
vili iumento vterque insidens transeunt, aut non visi, aut negle-  
cti; ut fallere, siue etiam latere potuerint, qui sic soli vehebantur.  
Hostes igitur dum insidias tegunt, vim armatæ multitu-  
dini obiecturi, inermis è manibus præda elapsa est. Prorsus in-  
potestatem Rhetorum Medicæus venisset, si quis putasset a sum-  
mo sine præsidio proficisci, quia maximè capi potuit, euasit; & quia,  
comitatum spreuit, extra discrimen fuit, insidiæque siue fortu-  
na, siue calliditate audentis delusæ. Sed frustra consilium faci-  
noris ad examen deduco: tam feliciter elabi meruit, qui peri-  
culum contempsit. Quo gaudio, etiam admiratione à suis ex-  
ceptus. & virtutem præ fortuna æstimantibus amplius prope-  
modum erat, solum, quàm saluum redijisse. Nam de consilio ho-  
stium certiores facti, insidiarum nuncios miserant; sed illi par-  
tim intercepti, partim metu in diuersas partes dilapsi, indicium  
nullū pertulere. Interea vario tumultu prouincia cōstabat. Rhæ-  
ti, cum & Clauennam Medicæus muniret, & Volturenis immi-  
neret

- A Archianus, nouā calamitatis faciem accensurus, summis viribus propulsare bellum aggrediuntur. Litteræ igitur ad Theganum milix: *Morem illico gereret, castrisque relictis Regijs uniuersas domum copias reduceret. Claustra Alpium à Sfortianis, duce Mediceo, reuerata esse, viscera prouincia grauissimis vulneribus obnoxia: nisi properent, patriæque auxilium ferant laboranti, extrema timenda esse. Agros ruri, opidacapi, omnia ferro & clade deformari. Non subduci Regi militem, aut sacramento solus; sed ad incendium commune resinguendum tantisper occupari. Firmatis domi rebus, & è sinu hoste summoto, auxilia ad Gallos reditura. Ad eò apud Theganum reliquamque iuuentutem imperium valuit, vt sine mora signa, Regiæ militiæ oppignerata, è castris extulerint, neglecto stipendio, pro fortunis domi periclitantibus dimicaturi. Discrimen ante oculos erat, ne dum alienæ potentiz vrbes adjicerent, suas ipsi amitterent, & maiori damno quærerent conducti prædam, quàm à finibus hostem non arcerent. Illa quoque cogitatio subibat: *Aris focique ius omne cedere, arma obstricta esse: nullam foris victoriam fore, si domi interea vincerentur.* Sic honesta velut auaritia, affectuque Penatum commendata, gloriæ iter retardat; quasi & pietas criminis patiens, & cesset sacramenti nexus, vbi patriæ necessitas fidem interpellaret. Non mittere auxilia fatius fuerat, quàm reuocare; & Sfortiano fœdere colere pacem, quàm, mutatis armis, in nouam partium fortunam transire. Nunc vtrobique iactura est: quem nuper deseruerant socium, hostem faciunt; & maiori inconstantia inimicant, quem secuti. Igitur à castris, Rege nequicquam obnitate, sex millia Rhætorum excessere, robur exercitus, vnicumque victoriæ præsidium atque columnen. Qua defectione concussis reliquorum animis, à metu & torpore ad spem nouam fiduciamque Sfortia erectus, pugnandi cogitationes instaurauit. Lanoyum reliquosque duces Moronus incitabat. Quia belli aleam tentare placuit, exploranda iam militum quoque voluntas erat, qui stipendia nuper flagitarant, per inopiam obstreperi, & ad tumultum prouiri. Piscarius igitur gloriæ desiderio maximè flagrans, in vnum vndique copias contrahit, & conficiendi belli occasionem commendans, magnis promissis variisque oratione omnium animos implens, obnoxios sibi reddit, & ad pugnam capessendam animat. *Ne recusarent fortes esse, aut summam bello manum imponere. Se virtute eorum fretum, qua pluris semper gloriam, quàm pecuniam fecissent, nunc, cum maxime stipendia numeranda essent, ad discrimina adhortari. Sed Cæsarem esse, qui deberet: eius nemini unquam militiam fraudi fuisse. breuem dilationem aris liberalitate pensaturum. Adiungebat, Certissimis se nuncijs admonitum, ingentem pecuniam vim ex Hispania iam transcriptam esse. ne ambigerent, potentiam**

*Bonum factum  
eius est. Thega-  
num reuocare.  
Scribuntur litte-  
re.*

*Morem ille gerit.  
Et castris Re-  
gij copias suas o-  
ducit.  
Tanti Patriæ erat.  
Quam seruare.  
primum victoriæ  
putauit,  
Summumque sa-  
cramentum.*

*Sed hac caritas  
cum turpitudine  
fuit;*

*Imò cum demus  
Quia cum effusa  
Regis.  
Sex millia Rhæ-  
torum abire,  
Magnum mo-  
mentum rerum.  
Cum & animis  
cadrent Galis,  
& Cæsariam eri-  
gerentur.  
Moronus reliquis  
duobus pugnandi  
auctor est.*

*Instat & Cæ-  
sari apud militem,  
Quos flagranties  
pridem stipendia  
lent,  
Et alloquitur prom-  
ptos reuocant.*



maximi Imperatoris etiam fide vinci. ut bella sunt, impedimenta quasque A  
 obijcitur angustijs autem rerum amplius esse, moram ferre, quàm stipendij  
 meruisse. Hac se illis dicere, quos sciret fama desiderio duci: sed si fructum  
 militiæ spectarent, suavius post victoriam esse fore. Præda necessitatem  
 explerent, mercedem in fortunarum ornamentum deinde admitterent. Bel-  
 li igitur conficiendi certissimam spem affulgere: arma nunc caperent, paul-  
 lopost stipendia. Vt amplius possiderent, ferro aurum rapi posse, nec peri-  
 culum esse, modò auderent vincere. Notum, & infelicitate sua contem-  
 ptum euiluisse hostem: superari & fugari posse, nuper virtute ipsorum vi-  
 ctum atque Italia expulsam. Ipsum quidem iam adesse Regem, post tot  
 clades, non præsidium virium, si fortes essent, sed augmentum prædæ, si vin-  
 cerent. Circa muros vnius urbis desidere, lentè agere, & victi imaginem B  
 induisse. Exhaustum robore exercitum; abiisse Rhætos: cum reliquis tan-  
 tum copiarum rem fore; & has obsidionis tædio potius, quàm otio elanguis-  
 se. Nihil se de ingenio hostium dicere, omnem in primo impetu vim esse:  
 hunc sustinerent, facilem successum fore. Vt flamma quadam è palea aut  
 stipula plus lucis quàm ignis habent: sic terrorem omnem esse, ostentari magis,  
 quàm inferri; effundi iram, ut deficiat; quemadmodum & animalia qua-  
 dam amisso aculeo torpent: mox in pauorem minas commutari. Itaque ani-  
 mos fumerent, Casaremque cogitare: pro tanto nomine fortunam fore.  
 Facilis ardor Hispanos corripuit: & horum exemplum Germani  
 secuti, pollicentur operam, generosum rati, trimestri obsidio-  
 ne obsecris popularibus opem ferre. Sed amplius quoque fata C  
 destinarent: præcipitare Gallorum vota, & prostrato atque ex-  
 ciso exercitu Regio, nouis dissidijs armisque Italiam distringere.  
 Vt fallax fortunæ vultus est, repentinam rebus mutationem  
 vna dies vnumque prælium attulit, cum magna pecuniæ inopia  
 duces Cæsarianos premeret, & non pugnare quoque clades ef-  
 fet. Egestatem seditio sequitur, & hæc corrumpere spem reli-  
 ctam poterat. Sic verò Piscarius, quæ in promptu non erant sti-  
 pendia, rapere statuit; & quicquid miles flagitaret, hosti extor-  
 quere. Vniuersum exercitum in duo equitum, quatuor peditum  
 agmina distinxerat. Primum ex Hispanis, Germanis, Italisque;  
 secundum è solis Hispanis; tertium quartumque è Germanis D  
 constatum erat. Rex contrà, cum audisset aduentare hostem,  
 copias omnes citra Ticinum amnem contraxit. Castra à fronte,  
 à tergo, & sinistro latere præaltis fossis valloque munita erant:  
 dexterum muro Circi satis tutum videbatur; præsertim Mirabel-  
 li, quod in meditullio palatium erat, olim venationis causa ex-  
 structum, præsidio equitum peditumque ad tutelam disposito.  
 Media nocte, cum in pugnam duces omnes denuo consensissent;  
 agmina promota sunt; & ut ad hostem via sterneretur, muri  
 partem repentino impetu fabrorum militumque manus demo-  
 litur.

Hispani adducunt  
 operam:

Item Germani po-  
 pularium obse-  
 sionum necessitate  
 moti.

In satis erat:  
 Vincit Regem, &  
 nouis dissidijs uia  
 aperiri.

Tantum una  
 dies, quumque  
 prælium potuit.

Exercitus Cæsa-  
 ris in duo equi-  
 tum, quatuor pe-  
 ditum agmina  
 diuisus.

Rex suas quoque  
 copias contrahit,  
 Et munitionibus  
 fidet.

Media nocte Pi-  
 scarius Asiæ  
 motus:

**A** litur. Tum in Circum effusus exercitus, hostem infestis signis petijt. Primum peditum agmen Mirabellum ab introitu petijt: atque ibi, præsidio strato, felicem pugnam Cæsariani orsi. Reliquæ acies in castra Regia diriguntur. Fit prælium, auspicio ipso atrox; & primò Galli, qui in peditatum Hispanorum incurrerūt, cum strage reiecti sunt. Succedunt è Castris Heluetij, velut irritati, & à fuga suorum iras sumunt: simul à latere equites Galli tanto impetu inuecti sunt, ut valida illa Hispanorum acies retrò cesserit; sed tanquam spiritus colligeret, & mox acrius irruptura. non sustinuisse impetum, irritamentum magis pugnae, quam damnum erat; & iam aut vincere, aut perire omnes decreuerant; si spolia non raperent, cum gloria occumbere. Sistunt igitur gradum, & ad vulnera iam immobiles, cum, incitante Borbonio, in cuneatam frontem acie exporrecta, subsidio Germani veniunt, acriterque victoriam molliuntur. Gliscit pugnantium ardor, ac primùm equites hostium confecti sunt: Heluetij quoque post creuentam cædem profigati. Rex suorum strage perturbatus, ad reliquias exercitus circumtulit oculos, & nobilem illam selectamque ultimæ fiduciæ manum, qua stipatus erat, compellans, *Frustra*, inquit, *verba consumo*. *Amici & Commiliones*, nisi amplius iam virtus vestra, quam rabies hostium possit. *Quid factò opus*, tristior fortuna monet, *vi & ferocia paucorum corrigenda*. **C** *Neque animum cuiusquam otioso imperio onero; facturus quod exigo, ad prælium horror; & ne solus pugnem, vestram imploro opem, & simul fidem exigo*. nunc enim non tantum an strenui sitis, sed an Regem ametis, siue felicitas mea, siue calamitas intelliget. Atque communis hæc iam causa est; quia non de imperio, sed pro salute dimicandum. Hoc agite, irruite, & ab ultimo dedecore nomen vindicate gentemque Gallorum. *Me* quidem signem posteritas non dices; & si quid tristius accideret, scient omnes, non virtutem, sed fortunam defuisse. *Vi omnia dicam: aut vincendum, aut cadendum est: fuga & ignominiam & ruinam maiorem trahit*. Spreuisse mortem initium victoriæ est. *Ac sanè si robur æstimamus, pares adhuc hosti sumus*. Ille verò iam fugam nostram operitur, imo ferocia fessas. **D** *& præda inhians, quos straueris, non à quibus sterni potest, numerat*. Sed nihil adhuc egit; quia vestris iam dextertis feriendus, superari potest. *Præcoecce, & vi commune periculum pares excipias, postea velut maiestate, miles hostis experturus, an ut sceperum sic & ensẽ geram*. Vestro mox beneficia Rex iterum ero, aut non ero. Longiorem orationem nec vestra patitur virtus, nec necessitas permittit: sed tanquam omnes incitem, & dispersos colligam, exemplo pergam loqui. Simul verò equum concitans, in hostem fertur. Tota nobilitas oratione, & simul fortuna Regis mota, impetum vnà facit, omneque infra virtutem discrimen habuit. Atque iam in rupto ac penè victo exercitu vigor iterum

Ex parte muri diruta, in Circum inuolat.  
Mirabellum occupatur.  
Prælium accenditur.  
Galli Hispanicos peditatus: Hanc Heluetij, & in latere inuecti equites reuincunt;

Sed reuersurum.

Contra Germani in cuneatâ frontem explicant aciem.  
Gnauiusque pugnant.  
Caduntur equites hostium.  
Item Heluetij.  
Rex non deficient animo.  
Generosa oratione suos fortes esse iubet.

Et simul impetum concitans.  
Omnia tum ex-  
tra modum incitem.

*Et pro Rege omnia.*

*Illic impetor ab equitatu Cæsaris frangitur, Commulta strage.*

*Reliquus miles vnicui visiferus.*

*Sed Leua magnū rebus pondus addidit.*

*In terga hostium Germanos inducens, & inhaberens.*

*Rex equo graviter idoloissus,*

*Capitur.*

*Ceteri aut capti, aut capti.*

*Præter Alenconium, qui cum suis evasit.*

*Octo millia Gallorum partim in prælio, partim in flumine absumpti.*

*Plerique Duces interfecti.*

*Inconstantem fortunā esse Rex edocuit.*

*Et miseria tantæ speciem maiestatis servans.*

*E Cæsarianis tunc perierant. Duces ferè omnes salvi, sed sauci.*

*Imprimis Piscarius;*

*Tribus vulneribus pulcher,*

*Et victoria magis paræ.*

*Præterea clades, Et præda nobilissimæ;*

iterum erat, quia Rex pugnabat. Hunc integri saucijque sequi: A quo cæso, aut capto, nec volebant incolumes esse, nec poterant. Omnis igitur equitatus Cæsaris acriori in Gallos impetu conuersus est, & vi magna vniuersam aciem confudit. Cadunt & ex hostibus plurimi; & tanquam stragi sufficerent, gradum feruant. Instat miles Cæsarianus, & iam vincendo sæuit. Vbi que clamor, horror, & morientium gemitu calamitas tristior. Sanguine madebant cæmpi, vix primo adhuc colore veris vestiti; & strata atque congesta cadauera sæuitiam quoque occidentium retardabant. Vacillantem adhuc Gallorum fortunam Antonius Leua impulit. is eduçtis ex vrbe Germanis, & pugnandi audidis, hostes à tergo adortus est, valideque pressit. nec finem B antè cædendi fecit, quàm turbata & dissipata vndique acies Gallorum succumberet. Regem fortiter dimicantem equus labore fatiscens destituit, tandemque vulneribus confossus, & prouolutus pugnantem effudit. Putares exercitus totius robur simul concidisse. Sed ille dum se erigit, à Cæsarianis comprehenditur; & mox agnitus, in potestatem Lanoyi venit. Tum cædi omnes, aut capi maluerunt, quàm fugere; & quisque morte turpius censuit, gradum sine imperatore referre. Solus tamen Alenconius, rebus desperatis, fugæ dedecus sustinuit; agmenque equitum postremum, cui præerat, discrimini subduxit. Cecidere eo prælio octo millia Gallorum, aut qui pro Gallis pugnarant, C flos regni & nobilitatis. Paucos ad flumen vsque reiectos aquarum gurgites hausere. E Ducibus Culielmum Gauferium, Thomam Fusium, Iacobum Cabanæum, Ludouicum Tremellium, Galeatium Sanseuerinum, aliosque mors inuicta nobilitauit. Quæ summa cladis, Rex captus, humanæ fragilitatis exemplum dedit. Sed tanquam rebus afflictis maiestatis indulgeret speciem trux fortuna, pari belli ludibrio optimates reliquos Gallie inuoluit. Trahebantur & in eandem calamitatem Nauarra Rex, magnus Allobrogum Nothus, Summi Pontificis Clementis Legatus, & capto Francisco velut pompam faciebant. E Cæsarianis vix septingenti desiderati. Duces omnes copiarum, præter D vnum Castriotum, Scanderbechi pronepotem, ab ipso Rege interfectum, victoriæ superstites; sed plerique saucij, virtutis indicia ipso sanguine ostendebant. Piscarius vultu, ventre, & sinistra tibia hostile ferrum exceperat; & sic vulneribus in vindictam ferocior, magna victoriæ causâ exilitit; formosior quoque deinceps, qui quoties faciem proferret, & miles & fortis appareret. Reliqua Italiae bella si conferas, vix æuo nostro nobilior clades. Tanta è captiuis castrisque præda fuit, vt avaritiæ sufficeret; vilisque videri sanguis effusus poterat, vt compara-



A comparatione diuitiarum, quibus paupertatem miles euasit, gloria quoque non intermitura opulenti. Amplius tamen Medicæ fecit; tantæ victoriæ non minùs ingenioſus, quàm strenuus auctor: quippe, vt feliciter pugnarent Caſarij, ſex miſſa Rhetorum fugarât. Sic vno prælio bellum confectum eſt, & graui hoſte Inſubres liberati.

*Sed induſtria  
Medici felix.*

*Et cum non pu-  
gnet, vult.*

## S E R I E L E C T O R ,



B

N omni Hiſtoria quicquid legis, partem ſunt: totam ne-  
mo ſcripſit: alibi tempora, alibi loca. Et populos deſide-  
res. Etiam qui omnia completi voluit, futura omiſi-  
t: adeò nihil in rebus humanis perfectum eſt, magiſque  
ſiniunt opera ſua mortales, quàm abſolunt. Non pa-  
tior tamen animum tuum hic ſuſpenſum eſſe: quia poſſi-

Duos iam Libros MEDICÆ, etiam quæres, de proma quod For-  
tuna eius reliquum eſt. DE BELLO MVSSIANO: ſed de pro-  
ma verbis non moris: GALEATIUS CATULLIA, laudatus  
rerum Mediolanenſium nuper Scripſor, hanc ſubiuit operam, Et mihi ve-  
lus præcipuit. Liber breuiſ eſt; quem è Bibliotheca ſua Ambroſiana, illa  
Æternitatis officina, FREDERICVS Cardinalis BORROMÆVS,

C vir ſummus ac propè diuinus, in hoc volumine adoptari paſſus eſt, vt pu-  
blicum faceret. Lege igitur: Et in antecellum hoc à me nunc Breuiarium.  
Scripſiſſe quodammodo BELLVM. Ipſe videbor MVSSIANVM,  
quia ſic adumbro.

## DE MVSSIO.

M V S S I V M opidum, in ſiniſtro lacus Larij litore,  
inter Rhetionicum & Grabadam ſitum, Arce, pro-  
montorio, & fodinis candidi marmoris inſigne, por-  
tum quadrato lapide extructum habet: Arcem, à Triuultio  
D paucis ante annis ædificatam, Rheti Helueticique, poſt bellum  
Muſſianum, cum ingenti pulcherrimi operis ruinâ exciderunt.

HISTORIÆ A  
 CISALPINÆ  
 LIBER ADOPTIVVS  
 DE  
 BELLO MVSSIANO.

Nunc primum editus, è Bibliotheca  
 Ambrosiana;

B

Scriptore GALEATIO CAPELLA.

BREVIARIVM.



**M**EDITIVM fortune motum MEDICÆVS ex-  
 cipit, aduersus Rhetos, Sfortiamque pugnaturus. Bel-  
 li eius causæ, & consilia: sed auspiciū ab expeditione  
 in Volturenos; & tanquam Sfortia conueniente. Igi-  
 tur cum Rhetis conspirant Heluetij: nec contenti finibus  
 eiecisse hostem, insequuntur: arcem Mussianam obfi-  
 dent, subuectis in proximum montem tormentis. Hac à Medicaeo ex-  
 pugnata, & per precipitia rupis deiecta sunt. Belli deinde unus Sfortia sus-  
 cipit, inito cum Rhetis Heluetijsque sedere: milites nauesque mittit, &  
 terra ac lacu vim infert. Medicaeus nouā velut tempestate pressus, trahere  
 bellum statuit; & ut sumptus imminueret, auxilia Hispanorum dimittit:  
 satis arbitratus, classe infestare lacum. Mussium Leucumque commeatu ac  
 presidio munire. Contra Sfortiani, Duce Bentiuolo, arma expediunt;  
 sed diuiso belli munere: arcem Mongutianam Gonzaga tenet: Ocellum  
 Cribellus deditione capit: naues Medicaeo Vistarinus obijcit. Mongu-  
 tium acriter Medicaei propugnani, magna virtute hostem reijciunt, &  
 mox euadunt. Hinc expugnatio lacus à Sfortianis adornatur, Sed Medi-  
 caeus actus & virtute tenens omnia, Legatos ad Casarem mittit, eiusque  
 auctoritate pacem querit: alios in Galliam, qui ad nouum bellum Regis ani-  
 mum inuitent, Leucum, Mussium, classemque adducant: sed frustra. Quem-  
 admodum à pace Sfortia alienus; sic à bello Rex Franciscus fuit. Ergo  
 Sfortiani Lacum classe claudunt, Leucum circumvallant, pontem Abduæ,  
 gemino castello munitum, occupant; & mox remisse iterum agunt. Me-  
 dicaeus primum libero excursu Lacum vindicat: deinde castra hostium no-  
 flu

**A** Etu inuadens, metum, cado, & fuga omnia replet; Gonzagam capit, munitiones disijcit, tormenta auebis, simul pontem Abdue recuperas. Castra tamen Vlsarinus reficit, & noua obsidione Leucum urget: quid nisi Medicaum irritans? Surgit acrior, copias auget, Sfortianos cadit, & iam velut victor grassatur; cum frater pila ferrea ictus, & paullo post Borserius, Clafsis Praefectus, pari casu laesus occubuit: magnum uterque momentum belli. Sic variante exitum fortuna, ipsi Sfortiae pax placuit. Conditiones scriptae sunt, pra quibus vicisse Medicus nollet. Mussum, Leucumque tradidit: sed in vicem Marinianum opidum, & grandem pecunie summam accepit. Sic Marchio creatus est, & virtutis fortunaeque insignia maximis deinde rebus per uniuersam Europam applicuit.

B



**A** N N V S agebatur, intra quod temporis spatium in Bononiensi restitutione conuenientum erat, vt Comum ciuitas, arxque Mediolanensis Francisco Sfortiae redderetur. Quocirca Hispani, qui ambobus locis praesidio positi fuerant, cum à Sfortia impetrare non potuissent, vt ipsorum opera in aliquo militari munere vteretur; ne absque stipendio remanerent, IOANNEM IACOBVM MEDICAEVM secuti sunt: qui per superiora bella occasionem nactus, praeter Mongutium & Leucum, totum ferme Larium lacum occupauerat; ac Ocellum eum eius iurisdictione ab Antonio Leua traditum possidebat: & cui opportunum erat, milites paratos tum habere. Iamdudum enim animo agitabat, quomodo Volturenam vallem, armentis vinoque ditissimam, in potestatem redigeret: quod quando in expeditione Clauenae parum successerat (quoniam Caesariani, debellato & capto apud Ticinum Gallorum Rege, noluerant bellum per ipsum inchoatum aduersus Rhætos persequi) nunc adiunctis ad eos, quos antea diuersis in locis delegerat, noningentis lectissimis peditibus (tot enim erant Hispani, qui praesidio arcis Mediolanensis & Comi impositi erant) & tribus millibus Germanorum, quos Pandulfus Sitticus, ipsius sororius, vir opibus & gratia apud Ferdinandum Romanorum Regem pollens, mittere in auxilium promiserat; sperabat eam vallem, antequam quicquam suppetias ferre posset, percurrere; opida & villas diripere; è captiuis ingentem auri summam extorquere; postremo quodpiam ex opidis eius vallis, quod magis idoneum videretur, vallo & fossa statim munire, praesidioque firmare: ita vt si Rhæti tantum in numerum venissent, quibus ipse patenti acie par non esset; ij quos introduxisset, munitionibus tuti esse possent.



sent. Atque ita ubi hostes pecuniæ, aut commeatus inopia in A bello perseverare (quod breui fore sperabat) nequiuissent; ipsi se denuò villas & opida circumiacentia inuaderet, & tandem siue vi, siue belli tœdio totam vallem victor possideret. Hac igitur spe ductus, etsi non ignoraret sibi à Francisco Duce timendum esse: quippe cui necesse esset, conditionibus pacis frustra cum eo tractatis, honoris vtilitatisque causa rerum suarum reintegrationem armis tentare: tamen existimans ipsum ob ingentem pecuniam, pauloante Cæsari numeratam, ita exhaustum esse, vt non nisi post multum temporis ad bellum gerendum necessaria in promptu habere posset; expeditionem in Volturenos vltèrius differre noluit. Quin vt maiorem hostibus terrorem incuteret, quocunque profisciscitur, varios rumores, iactat, impulsore & auctore Francisco Sfortia bellum se moliri: quod quidem Rhætis atque Heluetijs (vt vtraque gens est ad suspicionem procliuus) tantò magis persuasum est, quantò id verisimilius erat: cum Rhæti Clauennæ & Volturenorum valles temporibus Ducis Maximiliani Sfortiæ nullo legitimo iure, sed quia ipsis ob vicinitatem & locorum fertilitatem vtile erat, occupauerant. Accessit insuper ad confirmandam huiusmodi opinionem mors Martini Baulini, eorum Oratoris, qui tunc ad Sfortiam missus erat, ad percunctandum, An vera essent, quæ Medicæus de bello ipsius iussu nato iactabat: & dum Mediolano Comum versus rediret, de via à quatuor ex ijs, qui præsidio Mongutij stabant, tractus in proximum locum virgultis & dumis constitum, vnà cum filio itineris comite, crudeliter occisus fuerat. Ita vt crederent in ditione Mediolanensi non sine ipsius Sfortiæ voluntate tantum facinus patratum fuisse. Quamobrem Princeps, ne aliena culpa sibi impingeretur, homicidij veritate explorata, nuncium ad Rhætos confestim mittit, qui huiusmodi suspicionem purgaret: & vt declararet qualis esset erga eos animi, omnia referret, quæ antea per Martinum de explorato Medicæi aduersus eos belli apparatu referri mandauerat. Quibus illi ita credendum, responderunt: si per Ludouicum Vistarinum, quem cum magna militum manu Comum intrasse ipsius Sfortiæ nomine intellexerant, aut per alium quempiam, loca quæ à Medicæo tenebantur nudata præsidio inuaderet; & cum rebus suis metuere, ac ab incœpto aduersus Volturenos bello desistere cogeret. Per id tempus Medicæus ad lacus summum peruenierat, itatimque vallem ingressus, Morbonium (opidum est à capite Lacus octo millibus passuum) occupat: quod coacta ingenti fossorum manu vallo & fossa quàm celerius fieri potest, munire, & quicquid commeatus ibi propè reperit, intro-

- A** introducere properat. At Voltureni, qui illo infensorem hostem non habebant, continuo in armis fuerunt; & ad opidum Sondram, quod supra Morbonium est, sese recipiunt. Ita ut Medicæus longius cum suis progredi non ausus sit; præsertim cum Germani, quos eò euocatos diximus, nondum venissent, quos postea Bernardus Cardinalis Tridentinus, pro Ferdinando Romanorum Rege agens, in Sfortiæ Ducis gratiam, ad illum transire prohibuit. Interea Rhæti, audito bellico Medicæi apparatu, coacti domi concilio, non ampliùs tolerandam esse eius audaciam decernunt: neque satis esse existimant, ab iniuria suos tutari, nisi hostem perpetuum, eundemque infensissimum, usque ad
- B** extremum excidium persequantur. Et propterea ad Heluetios opem in bello aduersus Medicæum gerendo imploratum mittunt; quorum octo Pagi, Turregium scilicet, Berna, Clarona, Basilea, Apzel, Scaffusium, Friburgum, & Solodorum, comprobata Rhætorum sententia, electis Ducibus, & delectu statim habito, magnum numerum peditum conscripsere: quos ad bellum vnà cum Rhætis progredi aduersus Medicæum iusserunt. Reliqui, videlicet Vrania, Lucerna, Zurich, Suith, & Vndervaldum: quod superiores octo pagi amplius, quàm necesse esset, auxilij misissent, bello sese immiscere superuacaneum duxerunt. Atque ita in hanc expeditionem præter Volturenos Rhætorum & Heluetiorum supra quatuordecim millia profecti sunt. Quocirca Medicæus, qui nunquam crediderat, eos proprijs sumptibus bellum moturos, falsa spe se ductum agnoscens, coacta præda, quam in valle pluribus ex locis fecerat, ad lacum cum suis omnibus, præter eos, quos præsidio Morbonij cum Gabriele fratre reliquerat, regressus est: primumque Mussium rebus omnibus, quæ ad sustinendam oppugnationem obsidionemque tolerandam pertinent, firmavit. Mox classem denuo conscendit, ut ad vnumquemque locum, quò belli opportunitas exigeret, occurrere posset. Iam Heluetiorum & Rhætorum phalanges Sondram applicuerant; primaque acies Morbonium usque præcurrebat.
- D** Quod sentiens Gabriel Medicæus, cum opidum nondum esset communitum, & milites, qui intus erant, ad propugnandum contra tantum hostium numerum sufficere non possent, depopulata omni opidanorum suppellectile, antequam iter sibi ab hostibus præcluderetur, lacum versus iter dirigit. Itaque ab his, qui in classe erant, procùl visus, cum plerisque suorum in nauibus exceptus est. Desuere tamen nonnulli, qui prædam quærentes ad diuersa montis loca diuerterant, & tardius agmen hostium adueniens conspicati, pars dum discedentes suos insequitur, in manus hostium deuenit: inter quos fuit Crassus Centurio, qui in

odium Medicæi à Rhætis laqueo suspensus, vitam finiuit: pars A  
 meliore consilio, quoniam totam vallem iam hostes tenebant,  
 per ardua montium abscedens euasit. Expulsis è valle vndique  
 Medicæi copijs, Rhæti vnaque Heluetij iter capessunt ad ar-  
 cem Mussij; quam primum circuire, mox loci munitionem dili-  
 genter lustrare cœperunt, si qua spes esset expugnationis: cum-  
 que arci montem oppositum conspexissent, ex quo mœnia quas-  
 fari poterant, eò tormenta, & machinas, licet difficillimis sub-  
 uectionibus adduxerunt. Sed cum ea oppugnatio in dies remis-  
 sius fieret: hinc occasione facta, Medicæus nauibus Mussium  
 profectus, culmen ascendit: expugnatique hostibus, machinas  
 per montis præcipitia deuoluit. Dum hæc agerentur, Franciscus B  
 Sfortia, qui decreuerat non modò Rhætis & Heluetijs suspicio-  
 nem, cuius supra mentionem fecimus, non relinquere; sed etiam  
 occasionem oblatam non amittere, Ducatus sui redintegrandi;  
 alium Oratorem ad eorum in exercitu duces mittit, qui signifi-  
 cet, etsi nullius magis quam sua intersit Medicæum exturbari;  
 tamen bellum sibi inchoandum visum non fuisse, nisi prius de  
 ratione belli gerendi, & de locis per Medicæum occupatis con-  
 uenissent. Proinde Oratorem conditiones afferre, super qui-  
 bus quid in huiusmodi re cum ipso agendum sit, deliberare pos-  
 sint. Rhæti vnaque Heluetij tunc primum Medicæi vâfrè factum C  
 agnoscere, & de Sfortiæ erga ipsos optima voluntate non am-  
 pliùs vereri. Quare octo ex primoribus, qui in exercitu erant, de-  
 ligunt, qui Mediolanum proficiscantur, & quomodo melius eis  
 videatur, fœderis aduersus Medicæum percutiendi potestatem  
 tradunt: quod postea ijs conditionibus initum est; vt Fran-  
 ciscus Sfortia tot milites conscribi curet, qui numero & virtute  
 Medicæi copijs superiores sint; naues quoque tam onerarias,  
 quam ad celeritatem aptas, quæ Comi erant, quamprimum esse  
 instaurandas, aliasque insuper fabricandas, curandumque im-  
 primis, vt remiges non defint: ita vt non minùs in nauali,  
 quam in terrestri negotio res secundos exitus habere possit. Res-  
 liqua etiam, quæ ad proseguendum bellum pertineant, per ip-  
 sum Sfortiam esse præparanda. Rhæti autem & Heluetij duo D  
 millia tantummodo peditum cum eorum ducibus deligant, qui  
 vsque ad finem in bello perseuerent, illique pareant, qui per  
 Sfortiam Ducem toti rei bellicæ Præpositus fuerit: quorù mille  
 & ducentis stipendium ab ipso Sfortia, reliquis octingentis à  
 Rhætis & Heluetijs numeretur. Ceterùm quicquid locorum an-  
 te præsens bellum à Medicæo tenebatur, Sfortiam recipere  
 debere: modò tamen Rhenensium triginta millia intra trien-  
 nium æquis portionibus persoluat, pro sumptibus hætenus per  
 ipsos



- A ipsos in bello factis: ac Mussij arcem post consecutum bellum statim diruat, tanquam ipsis odiosam & detestabilem, ac propter quam toties de rebus suis periclitati sint. Quibus peractis; Sfortia, ut suos aduersus Medicum magis irritaret, publicè edicit, Ne quisquam ex hostibus captiuus fiat: magna que proponit præmia, si quispiam Ioannem Iacobum Medicum, aut aliquem ex fratribus occiderit, vel viuum comprehenderit; quod tamen nemo inuentus est, qui patrare ausus fuerit. Per eos dies Carolus Cæsar, qui in Belgica inferiore tum agebat, certior redditus, Heluetios & Rhætos, exceptis paucis, domum remeasse, ut & ipse incepto bello somenta adimeret, Medicæo scripsit,
- B ut Hispanos quamprimum dimitteret. Hispanorum autem ducibus, ut nulla interposita mora discederent; nec se amplius huiusmodi bello immiscerent. Quod quidem iamdudum ipsi cupiebant. Nam cum se magna spe deiectos perspexissent ex parum felici belli principio, legitimam causam discedendi ex Cæsaris iussu eis habere visum est: neque id tamen Medicæo molestum fuit: quippe qui mutata rerum gerendarum ratione, nil nisi quomodo bellum trahere posset, meditabatur. Quod faciliè successurum sperabat, si classe, qua tum superior erat, hostes in dies infestare non intermitteret: & Leucum ac Mussium, quæ paruo præsidio contineri poterant, tueretur. Hac igitur facta deliberatione, instructis duabus & viginti nauib, totum lacum Larium percurrit: & quicquid commeatus in vnaquaque regione lacus reperit, partim Mussium, partim Leucum mittit: homines etiam quotquot nanciscitur, comprehendit ad usum remorum. Interea Ioannes Baptista Specianus à Francisco Sfortia delectus erat, ut huic bello assisteret, provideretque, ut naues quæ Comierant, armarentur; remiges, fabri, operarij, commeatus; arma, tela, vecturæque, & alia ad bellum opportuna non deerent. Atque ita Comum veniens, quinque peditum cohortes cum suis Centurionibus ad arcem Mongutij adduxerat, ex qua præsidium ab hoste deductum fuerat, ut Leucum & Mussium
- D cum toto lacu commodius tueretur. Sed postea inopinato exercitus Heluetiorum & Rhætorum discessu, rebus suis magis Medicæus confusus, iterum præsidium introduxerat, nihilque magis laborabat, quam ut commeatu quoque arcem muniret. Quod quidem difficillimum erat: tum quod eo anno in tota Cisalpina Gallia maxima fuerat annonæ caritas; tum quod maturatione in agris nondum erant segetes, & circumiacentium villarum accolæ metu Heluetiorum, qui usque ad ea loca venerant, cum iumentis & omni suppellectile, in diuersas regiones abierant: ita ut subuectionum usum aliunde habere opus esset. Sfortiani

tiani igitur, quoniam arx præsidio firmata erat, in villa ad duos A  
milliaria propinqua substiterunt, donec oppugnationi necessa-  
ria pararentur. Cæterum Sfortia, ne Vistarinum à negotio lacus  
dimoueret, Alexandrum Gonzagam Tribunum peditum deligit,  
qui expugnandi Mongutij curam gerat. Mitrit insuper Comum  
Alexandrum Bentiuolum, ad quem totius belli gerendi sum-  
ma referatur. Apud Ocellanos verò, summarum Alpium incol-  
las, cum præter Præfectum & sex aut octo ad summum in arce  
nullum alium esse cognouisset, eò cum mandatis Franciscum  
Cribellum, vnum ex aulicis suis ire voluit; qui misso intra arcem  
tubicine, Præfecto nunciari præcipit, nisi statim Francisco Sfor-  
tiæ Ducis arcem reddat, omnem salutis spem, cum in potestatem B  
eius venerit (quod haud diu poterit differre) illi esse relinquen-  
dam. Quamobrem Præfectus diffusus auxilium sibi ob longin-  
quitatem itineris missum iri, arcem Cribello reddidit: qui po-  
stea tota ea regione Francisci Ducis nomine potitus est. Interea  
Vistarinus cum classe, quæ Comi erat, Minatium opidum in sini-  
stra lacus ripa situm, ad circiter viginti milliaria proficiscitur:  
eoque etiam Heluetiorum & Rhetorum duo millia, quæ ad ge-  
rendum vnà bellum remanserant, per aduersum montem terre-  
stri itinere ire contendunt. Et quamuis & numero & robore  
navium Medicarum æquare non posset, tamen Sfortiana classis  
præsidio suorum, qui iuxta lacus ripam statiuam habebant, tutâ C  
erat: & Medicæ naues, ut antea, diuisim opida & pagos tutò ad-  
navigare ad agendam prædam non poterant. Nam si quam Sfor-  
tiani, ex eis prospexissent procul à reliquis, in eam inuehebant-  
ur, statimque postquam conata perfecissent, Minatium ad  
suos reuertebantur. Per eos dies cum Mongutij oppugnatio  
redderetur difficilior; quoniam hostes aggerem quindecim pe-  
des latum, qui muros altitudine æquabat, ante fossam arcis ex-  
struxerant; ita ut tormentorum idus mœnia contingere non  
possent: Gonzagæ & Sfortianis visum est, ipsum aggerem ope-  
rariorū manu suffodere, donec effosso fundo totus rueret. Quo  
in opere, cum multos dies consumere necesse fuisset, Medicæ D  
us occasionem nactus, omnes segetes, quæ iam maturecebant,  
ad multa milliaria circumiacentes, intra Leucum comportari  
iussit. Interea Comi quamplures naues refectæ erant, nouæ etiam  
ædificatæ, atque plura minora nauigia ex Verbano lacu carris  
imposita Comum aduehebantur, & remigum coactus erat in-  
gens numerus, nihilque Sfortianos quin lacus aggredirentur  
expeditionem, demorabatur, præterquam Mongutij expugna-  
tio: quam quidem Bentiuolus sedulò procurabat; & ferme quo-  
tidie in castra commebat ad vrgendam hostilis aggeris demo-  
litionem

- A** litionem. Qua tandem perfecta, cum omnes Gonzagæ copiæ; quibus addita erāt dux Rhætorum cohortes, in armis essent, ad arcem corona inuadendam, ipseque Bentiuolus spectator & hortator operis adesset, ferreis pilis arx peti cœpta est: iamque fortissimus quisque Sfortianorum aggerem è regione arcis erectū conscenderat, parsque ingentibus scutis, pars eratibus terra oppletis tecti, hostes è muro totis viribus summouere conabantur; dum alij ex suis murum suffoderent, alij per quasiata tormentis mœnia iter sibi intra arcem facerent. Sed hostes obduco intus vallo, à telis nostrorum tuti, ingentia saxa, fudes, rotasque plaustrorum, & quamplura magni ponderis ferramenta
- B** tanta vi demittebant, vt Sfortiani, ter irrumpere conati, tertio coacti sint gradum referre. Igitur cum supra octuaginta è fortioribus cecidissent, multi etiam essent faucij, reductis in castra militibus, visum est, rem in alium diem differre. Sed Nicolaus Pellicionus arcis Præfectus, cui satis erat, dum hostes Mongutiū oppugnarent, spatium Medicæo dedisse communiendi Leuci, perrupto arcis muro, ab ea parte qua Rhæti stationem agebant, per noctem cum suis omnibus tanto silentio euasit, vt ne ab excubitoribus quidem strepitus quispiam abeuntium fuerit auditus. Medicæus derelicto à suis Mongutio, cum minimè dubitaret, quin hostes ante omnia lacus expeditionem aggredierentur,
- C** sine qua Leucum, aut Mussium tentare non possent; antequam Sfortiana classis Comi instructa esset, nauibus Minatium aduersus Vistarinum contendit: sed cum paratum inuenisset, populatus quicquid in villis iuxta lacum repertum est, Leucum redit. Dum hæc agerentur, iam classis è portu Comensi, instructa omni belli apparatu, exierat: & loca ad ripam lacus posita imperata Sfortianorum faciebant. Quocirca Medicæus, ne quid inpiam, quod sibi auxilio esse posset, intentatum relinqueret, nuncius mittit ad Carolum Cæsarem, Ferdinandumque Romanorum Regem, qui significant, nunquam per ipsum stetisse, nec stare, quominus res cum Francisco Sfortia Duce honestis quibusvis conditionibus componeretur: orareque etiamnum ipsos Reges, ne onus tractandæ compositionis aspernentur. conducere enim tum ad honorem ipsorum, tum ad Italiæ commodum, huiusmodi bellum terminari. Alios insuper nuncios in Gallias ad Franciscum Regem cum mandatis ire iubet; qui edoceant, quanto ei vsui sit futurum, si arma in Mediolanenses transferre voluerit: habere se Leucum & Mussium, duo munitissima loca, quæ ei exhibeant cum classe in Lario lacu, non negligenda. Et quamuis non deessent qui Regi suaderent, ne oblata sperneret; tamen huiusmodi postulatis nunquam au-



scultauit. At Cæsar, qui omnem nouandarum rerum in Italia **A**  
 occasionem tolli cupiebat, postulata ipsius Medicæi ad se missa,  
 ad Franciscum Sfortiam porro remittit; hortaturque etiam at-  
 que etiam inspicat, nequa compositio respuatur. Quod  
 quidem tum ob alias causas, tum imprimis ut Cæsari obseque-  
 retur, Princeps libenter effecisset, si per oblatas condiciones, &  
 honori suo, & fœderi cum Heluetijs inito, fuisset consultum.  
 Itaque quando necesse esset bellum prosequi, decretum est, ut  
 Vistarinus ad opidum Orobiorum in ripa Larij, Mandellum no-  
 mine, quod quatuor passuum millibus à Leuco abest, cum clas-  
 se se recipiat, prouideatque, ne Medicæi classis superiora lacus  
 loca petere possit. Alexandro verò Gonzagæ negotium iniun- **B**  
 ctum est à terra Leuci circumvallandi: paucisque diebus pon-  
 tem lapideum, quo amnis Abdua in fine lacus cōiungitur, duo-  
 busque Castellis ab utraque ripa munitum est, Sfortiani per vim  
 expugnant. Postmodum, quoniam paulloante Medicæus arma-  
 mentis plerasque exuerat naues, remigumque & militum bo-  
 nam partem dimiserat, Sfortiæ visum est, quando omnia ad tra-  
 hendum bellum tendere viderentur, ob rei nummariæ penu-  
 riam, iam circumseffo hoste, aliquam partem classis & mili-  
 tum suorum absque periculo posse dimitti. Quod quidem pos-  
 tea malè cecit. Nam cum nonnulli Centuriones & Duces  
 Sfortiani stipendia militum fraudarent, lucrumque in pro- **C**  
 prios vsus auerterent; breui contigit, ut Medicæus præter eas  
 naues, quas intra portum Leuci armatas retinuerat, alias etiam,  
 quæ extra religatæ ad mœnia remanserant ( quoniam portus  
 omnium non esset capax ) armaret; militumque opera, pro re-  
 migibus in eis vteretur: quibus Mussium & ad pleraque lacus  
 loca rursus proficiscitur, & partim vi, partim obsequio homines  
 ad parendum cogit. Nec satis ei fuit, lacu potiri, nisi etiam ter-  
 ra cum hoste decertaret. Vistarinus, ut supra diximus, cum Italis  
 peditibus circiter quadringentis, ac manu Rhætorum & Helue-  
 tiorum Mandelli statua habebat; classemque suam non modò  
 curabat, sed obseruabat etiam, si occasio daretur, qua hostili no- **D**  
 ceret. Gonzaga verò cum reliquis copijs castra posuerat quin-  
 gentos fèrmè passus à Leuco, quæ fossa & vallo quotidie munie-  
 bat: noctuque non solum, sed etiam interdiu vnà ex cohortibus  
 ad munitiones semper excubabat. Cæterum quemadmodum na-  
 tura sit in omnibus rebus, ut ad res peragendas nemo sit, qui in  
 principijs maiorem diligentiam, quam postmodum inchoato  
 opere, non adhibeat: ita excubiæ Sfortianorum, in quibus primis  
 diebus milites & duces erant diligentissimi, remissiores postmo-  
 dum fiebant. Quod ubi per speculatores Medicæus cognouit,  
 auden-

- A** audendum ratus, cum suorum manu per noctis silentium nauium longam conscendit; cumque iuxta ripam lacus è regione castrorum hostium constisset, iussis remigibus in anchora cum naui stare, ipse cum militibus in terram desilit: forteque Gonzagæ excubitores, quos habuit obuios, tam celeriter obtruncat, ut spatium non habuerint, suis aduentum hostium significandi. Quocirca paruo negotio munitiones hostium transgressus, tota castra metu, cæde, & fuga replet. Ipse recta ad hospitium Gonzagæ pergit; quæ statim cõprehendit intra cubiculũ. Audito tumultu, plurimi ex Sfortianis ad Gonzagæ hospitium protinus accurrerant: quod ubi hostium plenum senserunt, nemo fuit qui non potissimum salutis spem in fuga poneret. Quare Medicæus, trucidatis nonnullis, qui intra tabernacula & domos reperi sunt, non insequendos per noctem ratus eos, qui in fugam se coniecerant, tormenta hostium Leucum versus hominũ manu agere instituit. Et quia id difficillimũ præ eorũ magnitudine & grauitate erat; ut prope opidũ peruentum est, in fossam, nè ea hostibus relinqueretur cogeretur, precipitari iussit. Recepit etiã per huiusmodi tumultum pontem Leuci lapideum, de quo supra diximus, ijs, qui in præsidio erant, adeo ex clamore & strepitu nocturno perterritis, ut neminem suorum è cæde supersuisse rati, fuga salutem quæsuauerint. Hoc successu Medicæus non minus à terra, quàm à lacu obsidione solutus erat; nisi Ludouicus Vistarinus, qui Mandelli statua habebat, cognitis quæ per noctem ab hoste gesta essent, relicta suorum parte ad classis custodiam, ipse cum reliquis prima luce ad Castra Gonzagæ accurrisset; quem ubi captiuum intra Leucum adductum fuisse intellexit, plerosque eorum milites, qui in diuersa loca nocturno tempore ausugerant, iterũ cõegit. Mox castra & munitiones, siquæ ab hoste dissipatæ fuerant, resciri iussit: imprimisque duo tormenta, quæ usque ad fossam opidi agi propter temporis breuitatem non potuerant, reduxit in castra. Atque ita eodem die obsidionem, prout antea erat, circa Leucum restituit; & post paucos dies pontem etiã Leuci per vim recepit. Itaque Medicæus nullam leuandæ obsidionis commodiorem viam existimans, quàm numerum militũ suorum augere, quibus hostes summoedere posset, cum Cæsare Neapolitano, qui in superioribus bellis peditum Chiliarchus cum Antonio Leua fuerant, conuenit, ut quotquot nactus esset pedites è regno Neapolitano, qui in exercitu Cæsareo plurimum militabant, Leucum ad se deduceret: qui quidem intra paucos dies supra quadringentos venerunt: neque eorũ aduentus inutilis fuit. Siquidem eorum opera post paucos dies Accursinum Landensem cum cohorte Sfortianorum peditum in vicò

Malgrato, qui in altera lacus ripa, è regione Leuci est, noctu per A  
 prodicionem cecidit. Quo nuncio accepro; Franciscus Sfortia  
 statim Hieronymum Cribellum cum peditum cohorte, equi-  
 tumque turma mittit ad locum Clauare, qui non inde abest am-  
 plius quàm duo millia passuum, ad occludendum aditum, ne hos-  
 tes per eum locum Comensem, ac etiam Mediolanensem  
 agrum inuadere possent. Itaque cum ea via Medicæo querendi  
 commeatus, quo tum plurimum egebat, spes concidisset; classe  
 Lacus opida populari aggreditur. Sed quia loca montana &  
 sterilia erant, & quibus res familiaris domi erat, iamdudum ob  
 incursiones militum abierant, nullum fermè commeatum præ-  
 ter cistaneas, panicum, & pauca huiusmodi reperiebat intra do-  
 mos pauperum, qui in alienas terras abire cum cæteris ob ege-  
 statem non potuerant. Dum autem nonnullæ Medicæi naues  
 Mandellum præterucherentur, Vistarinus, quando classe sua  
 hosti transitum prohibere non valeret, tormentis saltē emi-  
 nus hostium naues infestare nō intermittebat; forteque pila ferrea  
 Gabrielem Medicæum, ipsius Ioannis Iacobi fratrem, qui in  
 naui erat, interficit. Paucos etiā post dies cum Aloysius Bor-  
 sarius Comensis, cui gubernandi totius Medicæanæ classis mu-  
 nus iniunctum erat, è superioribus lacus locis, lembi celeritate,  
 quo vehebatur, fretus, nullo alio præter remiges comite Leu-  
 cum rediret, in nonnullas Vistarini naues paulo supra Mandel-  
 lum incidit: è quibus cum plures scloporum & tormentorum  
 ictus excussi essent, traiecto lembo Borsarius graue vulnus in  
 crure accepit. Quod ubi remiges perspexerant, meru perculsi;  
 abiectis remis, ipsum iam semianimem, & qui paulo post vita  
 excessit, seque ipsos in manus hostium tradiderunt. Vtrunque  
 casum grauissimè Ioannes Iacobus tulit. Nam Gabrielem su-  
 pra cæteros fratres amore prosequabatur: & Borsario, ob sum-  
 mam rei naualis peritiam, vnice confidebat. Nec desunt, qui ex-  
 istiment eum adeo animo cōsternatum fuisse, vt amissis ijs duo-  
 bus, quorum potissimum opera in bello vsus semper fuerat, nul-  
 lum nisi tristem rebus suis exitū accidere posse postea credide-  
 rit. Interea dum hæc agerentur, Augustius Ferrerius Antistes  
 Vercellensis, qui sæpius ad Franciscum Sfortiam Ducem vene-  
 rat, huius rei componendæ causâ, denuò ad eum redijt: cumque  
 plurimas adduxisset rationes, quare non minùs ipsi, quàm Me-  
 dicæo expediret rem aliquibus honestis conditionibus compo-  
 ni, neque ad id alienum offendisset Principis animum, Io. An-  
 gelum Medicæum ipsius Ioannis Iacobi fratrem Mediolanum  
 ad se quamprimum venire curat, qui in initio belli, quòd armis  
 tractandis minimè assuetus esset, in Taurinos abierat, & à fra-  
 tre



A tre discedens habuerat mandatum, totius controversiæ, si qua daretur occasio, cum Sfortia componendæ. Is igitur quamprimum Mediolanum venit, adhibito Marino Caracciolo, qui Caroli Casatis Legatum Mediolani agebat, euocatique e castris duobus Helueticorum Rhetorumque Ducibus, vt in re cõmuni adesset, cum Francisco Sfortia ad has conuentiones deuenit; vt Ioanni Iacobo ipsius fratri quinque & triginta aureorum millia exsolueret: e quibus decem millia in præsens, reliqua equis portionibus in annos duos numerarentur: & ne quod debite pecuniæ soluendæ impedimentum afferri posset, sponsores darentur idonej extra ditionem Mediolanensem. Præterea Princeps eundem opido quopiam donaret, cum reditu annuo saltem aureorum mille. Tormenta insuper bellica, & res omnes ipsius & fratrum non solum exportari sineret, sed etiam iumenta & vehicula, quibus id fieri posset, præberet: bona quoque iam publicata restitui iuberet, & præteritorum obliuio esset, Ioãnes autem Iacobus intra decimum diem, nisi interea insignem aliquam occasionem rebus suis faceret, arcem Mussij Leucumque redderet. Cumque vterque ad pactorum obseruationem scripto, & iureiurando sese obstrinxisset; pro ijs quæ ad Sfortiam pertinerent, Caracciolus & Maximilianus Stampa arcis Præfectus sponponderunt: Io. autem Angelus, tanquam obsecræderis in custodiam traditus est: ita vt ipsi luendum esset, si frater promissa rata non haberet. Re igitur in hunc modum composita, Medicæus, cum bellum ad decimum mensem protraxisset, Leucum, arcemque Mussij Francisco Sfortiæ reddidit: cuius iussu arx ipsa Mussij, quæ tantorum malorum occasio fuerat, post paucos dies excisa est.

FINIS.

# ANACEPHALÆOSIS MEDICÆANA TANQVAM FVSIOR.

EPITOME;

E Marginibus voluminis in conspectum  
vnum congesta.

B

## ANACEPHALÆOSIS LIBRI I.



**Q**UERVLVM de natura sua genus humanum, & inertia  
blandiens, presentia fastidit, remota quarit, quasi  
meliora. Sed Rerum & Ingeniorum vicissitudo est:  
nec deficit, aut desinit virtus, sed latet, inuidia aut igno- C  
rantia septa. Sic & Historia impeditur, tanquam vi-  
lis, aut ambitiosa; sed ab ignavis. Hi, ut nesciantur,  
viviunt, otio immortui. quisquis recte agit, eternus est: & natura talis, at-  
que indefessa, viros omni ævo produxit, virtutesque; etiam nostro, si quis de-  
scribat. Ego id audeo, in Historia Cisalpina; & pro munere iniuncto.  
Opus hoc ipsum bellicum est: Vir, qui celebratur, nuper magnus; nunc ut  
fama aptus, ita veritatis testimonio dignus; nec seiunctus ab Insubrum  
fortuna, qui in bella sua penè Europam traxere, ut provincia tandem vnus  
Cæsar potiretur. id verò auxilio quoque Io. IACOBI MEDICÆI, qui hic  
dicitur odio quorundam iactatus, cum elogia non ambiret; imò obliuione  
propemodummersus, cum maiora fide gereret. Nunc in lucem redit, D  
etiam veteris militia miraculis ascribendus: in exemplum Historiæ &  
Posteritatis; ut sciant omnes, qua industria fama constet, & fortuna cor-  
rigatur. Si compendium placet: MEDICÆVS stirpe nobilis, indole  
militaris, exilio honestus, manu fortis, ingenio callidus, audacia felix,  
militia clarus: voto sapiens, mediocrem fortunam maxima præposuit, &  
familiam illustravit, frater Pontificis PII QVARTI, auncu-  
culus D. CAROLI BORROMÆI. Gens MEDICÆI  
Mediolani inter primas. Pater Bernardus, Vir egregius, & equestri di-  
gnitate manceps: mater è Serbellonis. Fratres quatuor: sorores duæ.  
Cla-

- A** Claritas prodigio significata, sed in familia non permanfura. Pater, circa educationem diligens, non segnem filiorum indolem expertus. **IO. ANGELVS** togam armis praefert, Iuriconsulti titulum capit, in Collegium Mediolanense adoptatur, fit Pontifex Maximus. **IO. IACOBUS** arma toga anteponit, egregie se gerit & exercet; & hostes inuenit. Circumuentus, graviter vulneratur: sed euadit, & contemnit plagas, dolore maior. Nondum percuratis vulneribus, aduersarium conficit, & exilium amplexus, ad lacum Larium secedit, Gibellinis adhaerens. Amicos facit, ad omne robur corpus animumque duras: suos retinens, aliorum mores corrigit. Viuere satis non erat, innotescere voluit, atque imperio eminere. Sed occasio adhuc deerat: ea è mutatione rerum nascitur.
- B** Franciscus Rex provinciam armis subigit: hostem victorem Maximilianus Sfortia in Galliam sequitur, patris fortunam voluntario dedecore adumbrans; velut captius, quia viuendi subsidia suppetunt. Provincia violenter administrata; & tam indigena, quam Galli nocent, impunitate audaces. Inuentus ferox: Praefecti iuris auari. Suo scelere aliena infamia Insuibes Rempub. lacerant. Imperium promiscuis vitijs quassatum, libidine euersum. Plerique boni nobilesque in exilium vel ponsu eunt, vel pelluntur: à Mediceo excepti, arma in Gallos sumunt. Simul urbes ad rebellionem prone, incitante Morono, & Franciscum Sfortiam principem capiunt, Maximiliano neglecto. Omnium ardorem vincunt exsules. Mediceus Mediolanum intrare ausus, coniuratos adit:
- C** item tabellarium hostium interficit, & epistolas rapit. Rebello decernitur. Tridento Moronus venit, cum Mediceo Reginum Lepidi se confert, & vix insidias euadit. Sfortiani, & alibi infelices frustra Conum tentant. Coniuratio à Palancino detecta: is supplicio vitam finit; item Mattius, pluresque coniurati. Pontifex & Caesar pro Sfortia in Gallos confurgunt. Belli duces, Prosper Columna, & Fredericus Gonzaga; exsulis Moronus praest, is inter omnes Mediceum aestimat, quia fortem, & simul modestum. Galli, duce Laureco, bellum capefunt: Abdia ripam muniunt; à Mediceo nocte oppugnati, & impediti, cedunt hostibus, & Mediolanum se recipiunt. Insequuntur Casariani, sine mora mœnia tentant, primique exsules penetrant. Triuultius capitur:
- D** in urbe Mediceus pugnat. Ciues ancipiti consilio haerent; quippe capite destituti: utrinque fortunam pensant, & in Gallorum partes inclinant. Prohibet Mediceus, oratione, & simul exemplo; urbsque capta velut auctor fuit. Sfortia imperium capit, adhuc bello districtum: rempublicam ordinat, viris fortibus premia donat; etiam Mediceo, sed Moroni callido instinctu. Galli urbe, non provinciam pulsati, belli fortunam sustinent, circa lacum Larium feroces. Huius Praefecturam Mediceus capit: fauore suffragioque omnium, & virtutis occasione aestimat. In administratione strenuus, & simul seuerus Mattij mortem vltus est. Minatium exurit, in hostes ubique sauit, sed iusta causa stimulat.



latus. Ergo crudelitate vicit Guelfos; atque contrariam factionem vir- A  
tute erexit: in suos benignus, in amicum d. functum pius. A Gallis  
Rhotos Heluetiosque auertit: Lautreci classē insidijs petit, & in portu  
Mustiano incendit. Gallos repugnantes superat, & in fugam coniecit; vim  
& flammam opido abstinet. A Morono maior apparatus, & cum  
classē Hermes Vicecomes mittitur, in fausto euentu. Lautrecus pugna  
audidus, naues contrā instruit, militesque cohortatur. Educi classē, Bi-  
laciū venit, & imparatum Hermetem adoriūtur. Is nauibus desertis,  
turpius fugit, quā non pugnauit: panē capius, nī casu superueniens  
Mediceus, terrore Gallos perculisset. Lautrecus igitur lacum vindicat,  
acriusque ad bellum accingitur: Turnium copias ducit, Comensibus  
insistit. Sfortia surgentem ē lacu tempestatem reprimere statuit, impe- B  
rio Mediceo vsurus, itemque Clarauillij; qui Comensi Præfectura orna-  
tur, & malignē expeditionem trahit, in rem suam callidus. Ergo Me-  
diceus, collega neglecto militem undique congregat: Turnum, hostesque pe-  
tit. Clarauillius, ne à victoria excludatur, eodem aduolat; tam pugna  
astutus, quā mora malus. Hinc grauior impetus, emulatione irruen-  
tium. Vidit Galli; opidum excisum, contumacia pœnam dedit. Me-  
diceus, milite dimisso, stationem suam petit, à latronibus occupatam.  
Hos adoriūtur parua manu, & expellit. Galli à strage animosiores, lacum  
turbant, omniaque infesta habent. Lautrecus, auxilia adducturus, in  
Galliam abit. Sed interea inducia à Fusio cum Sfortia inita: arcēs tra-  
ditæ. Mussium Guelfij, exsulesque retinent; & scelere vim exercent: C  
repressi à Mediceo, tamen latrocinantur; nouas etiam insidias impieta-  
te declinant. Mediceus igitur Mussio parciit, & à praeda suos continet:  
quin & gloriæ virtutisque memores reddit. Miles obsequens, dicentis  
exemplo fortis est. De obsidione arcis Mussianæ cum Sfortia actum à  
Mediceo; rei necessitas exposita, sed reiecta. Perget ille tamen, & Co-  
lumnā impellit: ab eo milites missi, & tormenta. Quia Rhati obsidio-  
ni fauent, subsidia Sfortia addit. Latrones tamen intrepidi, loci fidu-  
cia; & obstinati, quia tanquam ad pœnam obsessi, quia arx montis & mu-  
nitionis beneficio inexpugnabilis. Agit tamen satagitque Mediceus, eisi  
modico euentu. Mora tandem lassantur hostes; quia subsidia deficiunt, &  
inedia obrepit, destruente pacificendi tempestiuitatem pertinacia. Prae- D  
fectus auaritia expugnatus, milites ad deditionem adhortatur. Hi prom-  
pti, præter exsules, pœnæ metu perturbatos, frustra tamen ausos refragari.  
Sfortiani interim deliberant de discessu, & tumultuantur. Seditio ad  
ignaua consilia Legatum cogit; sed Medicum affligit. In fatis erat, ar-  
cem capi. Præfectus deditionem per captiuum insinuat, Is Adun-  
cum properat ad centurionem suum, & mandata explicat. Mediceus  
nuncij confors, animum erigit, & spem obtinendæ arcis concipit, audaci  
consilio ad victoriā totius gloriā anbelans: centurionem excitat, ut in  
arcem unā ascendat, & cum hoste paciscatur. Audet centurio: pariterque  
eunt,

- A** cunt, ab arbitris securi. an ausu laudabili? certe successu felici. *Mediceus* in prima arce sermonem cum stationarijs miscet, adhuc ignotus: conuictus proscinditur, nec mouetur. Responso fortis inreperidusque, confundit calumniatorem, animosque omnium vincit, & percellit. De ditione agit, & peragit; atque apud *Sfortianos* pacta valuerunt. Arx traditur, Latrones discedunt. In munitionibus *XXII.* tormenta inuenta. *Mediceus* frustra dolo praefecturam captans, ad petitionem descendit: sed vota suspensa sunt, aliusque interim missus, qui vicario munere arci praesit. Fata verò aliam viam sternunt. Astor *Viccomes*, *Sfortia* inter amicos, *Morono* infestus, plusculum sibi sumit, & fauorem populi caprat, distimulante primum *Sfortia*, deinde remedia frustra querente. Beneficio.
- B** Principis audacior, *Rempubl.* turbat, & insidias *Morono* struit. Hic praenit, eadem deliberat, & consilio *Sfortia* confirmatus adornat. Huic facinori *Mediceus* delectus, tanquam fortis fidusque. Rei magnitudine attonitus, animo responsoque fluctuat: sed Patrie necessitate expugnatus; cruentam addidit operam, stimulante interim *Morono*, quā verbis, quā promissis. In premium arx *Musiana* venit. *Mediceus* omisis insidijs, vim parat; consilij facinorisque socium assumit, quo auctore moram quoque damnat. Exploratur occasio, Astor inuaditur, conficiturque. Hinc tumultus dolore confusus, quem populus augeat. Percussores elabuntur. De cade *Astoris* varia iudicia. *Sfortia* ad simulationem vindictae compositus, dolorem praefert, & in percussores inquirat. atque interim altiori consilio *Mediceum* iubet e medio tolli, cum domestico ipse ferro petitur, idque in itinere. Leue vulnus fuit, & ad fugam percussor celer. Sed *Mediceus* *Musium* mittitur, occidendus: tamque fuscum imperium litteris, & ignarus nunciat. eas maturo examine pensitans, suspensas habet, imò referat. Motus exitij vicinia, dignam vindicta iniuriam censuit, & audaci dolo ad vota assurgit. Refingit litteras, fere, tradit; arcemque obtinet. Callidè à *Morono* Praefectus excipitur, & exaucloratur. Sed rumor cadis manet, *Sfortiam*que onerat; mox lenior, quia lesum. Haec populi natura est, velut ad auram flelli: pluris periculum Principis, quam crimen facit. *Moronus* cui perniciem non attulit, se amicum fingit: talemque *Mediceus* admittit, iniuria immemor, ut res stabiliat. Praefecturam igitur *Sfortia* velut nomine administrat, in auxilium undique collecto milite, & simul terrorem.

## LIBRI III.



**I**RTUTI necessitas stimulus est. Medicus arcem dolo captam, armis tueri cogitur. Lege & disciplina militiam firmat; & obnoxiam sibi iuventutem facit, lenis, nec auctoritatem emolliens; seuerus, ut magis ametur. Nosci vult, & sic timeri. Sed in omni numero aliqui mali. Hic stupro ingentium produnt, & mox puniuntur. Alios inopinato rigore terribus pari affictu & facundia Medicus alloquitur, & ipso vultu vincit. Ergo disciplina confirmatur; omniumque animi pulchra emulatione ad virtutem surgunt. **B** Arx quoque muniri capta, & proxima rupes incidi, difficili conatu, maiore sumptu. Medicus pecuniam humanitate inuenit: cum rapere potuit, rogat. Sedulo pro publica quiete lacus excubat, rigidus in exules Gueliosque. Sic dum alijs pugnat, sibi vincit. Subijcit quos defendit; & amicos habet, quos subijcit; dominus omnium, quia defensor. Sfortia tamen nomine, quo ad potentiam abutitur. Ille obstacula parat, & à fraude orditur. Confirmat Praefectum, tanquam amicus: deinde magnis promissis euocat, sed tergiversantem, imò reuocantem plus arci, quam Principi Medicus fudit. Mox nouum à Gallis bellum, pro Sfortia Caesarem, reliquamque in nouum fœdus Italiam excitat. Prosper Columna copijs dux datus, diligenter se gerit, positisque ad Ticinum castris, hostem **C** operitur. Ille copiosus venit, Gauferio duce, & terrorem adfert, cladem infert: hinc cunctantior. Redeunt Sfortianis animi: muniuntur urbes. Has Gauferius aggreditur, Moguntiacum & Laudem Pompeiam capit. Comum Leucumque, quia periclitantur, Medicus praesidio firmat, sua quoque militia Principi utilis, tamen si laesus. Cremonam porrò hostes petunt, tormentis verberant, & oppugnant frustra. Nam pluuia repente effusa impediti, ac deinceps detenti per plures dies; cum interim ab obsessis ruina implentur. Mox in exercitu penuria obsidionem soluit. Ergo Metropolis petitur, sed infelici quoque molimine: pro Mediolanensibus biems pugnavit. Deferunt inceptum Galli, Abiazum & Gerlasum Sfortiani recuperant. Et tamen vires instaurat Gauferius, & auxilia petit, ab **D** Helutijs, quæ tarda fuere; à Rhetis, quæ impedita. Nam Medicus, velut explorator omnis fortuna, ut Principem sibi obstringeret, & vim magis suam quoque extenderet, aduentantium incidit iter, nauibus à lacu undique subduclis. Rheti, quia vii lacu non potuerunt, per rupes viam quaerunt, Bellanum veniunt, aduersum Mustio opidum, & hic infestum quoque Medicum experiuntur. Inde vallem Saxinam subeunt, amœnam illam, & origine Turrianorum claram. Horum non alienus memoriam colo. Fuere principes olim, & in reliquijs tamen maiestatem nominis seruant. Idem satum Vice-comites, atque deinceps Sfortis impe-



A rio exiit : ne miseri videantur qui deiecti sunt : magnaſque alibi familias atque populos concuſſit . Nequid æternum aut firmum in rebus humanis eſſet , vices ſineſque Deus eſſe voluit . Verum meminiffe Maiorum , ut virtutem imiteris , pulchrum eſt . Mihi à Turrianis coniux , ex hac liberi : ut boni ſint & origine ſua digni , votum eſt . Progreſſi deinde Rhati , à Sfortia oppugnantur ; ſed dubio adhuc eueniunt . Nova igitur induſtria rebus Medicæ conſulit , Rhatum fines depopulatur : qua neceſſitate Theganus copias reducit . Inualeſcunt mox Caſariani , rem feliciter gerunt , hoſteſque prælio ex Italiana depellunt . Sed Rhati ad pacem conuerſi , ſedere Patriam vindicant , Medicæ magis addiſti ; ut ipſe Theganus , vir corpore animoque magnus . Translato in Galliam à Caſarianis bello , Mediolanum peſte affligitur , & poſt arma infelix eſt . Sed Sfortia Laude Pompeia & Alexandria receptis , Arcem quoque Muſſianam à Medicæ urget , & ad bellum mouendum excitatur , non bono conſilio . Ille enim ut violentia reſiſtat , in partes Gallorum cum Rhatibus inclinat , miſſo ad Regem Thegano , qui conditiones ſeruat . Obſidio Muſſienſis fruſtra eo tempore à Caſarianis tentata , bellum Italia reddidit . Rex ipſe cum exercitu Alpes tranſit , Mediolanum à Piſcario relictum capit , nec violat : videre quoque differt . Militum manum ad capiendum Commum mittit , Rhatibus per lacum viam ſtraturus . Hi in auxilium adueniebant . Sed Medicæ Fortunam expendens , & nupera conſilia damnans , Galliſe opponit . Ad hanc rem pecuniam partim colligit , partim C extorquet ; & quia Principi impendit , excuſatione dignus . Fratrem cum præſidio Commum ire iubet , & Gallos arcere . id factum . Rex Ticinum aggreditur , ſed munitam Præſecto Hiſpano , milite Germano urbem . & hic illius exemplo atque ſermone animatur . Galli ſtrenui , muros quantum , aditum ſternunt , & viuadunt ; ſed cum ſtrage rediſciunt . Obſidio ergo placet . & fluuius ab urbe auerſitur , muriſque nudantur . At repentina vis aquarum aggerem rumpit , & fluuium reducit . Interim Caſariani vallo & ſoſſa ripam muniunt : nouumque aggerem hoſtes moluntur . Theganus redit , conditiones pactus : alienum iam Medicæ , affectu & oratione mulcet ; ſed fruſtra . Contrà Medicæ conſilij rationem conſtanter exponit ; à ſententia verò non abductus , amicitiam illam D diremit . Theganus auxilia Regi promiſſa inſtruit ; & ad terrorem omnia agit . Moroni verò cum induſtria enituit : is ſeditionis pericula auerſit , Caſarianos abutrientes retinet , Ticinenſibus pecuniam ſubmittit , denique Medicæ Sfortiam conciliat , conſtanti deinceps amicitia ; tanquam in odium Rhatum ; & conditionibus benignis , Præſectura vallis Saxonia adiecta , & ſtipendio aſſignato . Medicæ ad omnia intentus , agros Rhatibus depopulari ſtatuit , volente Sfortia , & ſubſidia mittente : quibus ferox , atollit vota , occupaturus quicquid ferro vaſtaret . Auſpiciis à dolo eſt , & Clavenna arx petitur , incitante ſiſu ; quem olim Inſubres aſtimarunt , ut Rhatos coercerent . Sed fruſtra : in præſidium ceſſit ; quicquid

quid tanquam obſtaculum poſitum . Gens Patrie amans , & libertatis , A  
conſtringi recuſat . Atque in hoc horrore Alpium natura ridet , & amœ-  
nitatis miracula habet : æternas niues , frondosa iuga , caluas rupes aut ca-  
nas , elſas aquas , marmoreas moles , valles opimas , oculorum delicias ;  
ſauces , anſæctus , fontes , torrentes , pontes , lacus , prata , ſiluas , ſecu-  
ritatem ubique . Pro his omnibus Rheti pugnant ; Penates defendunt ,  
diuitiasque ab origine vernaculas , ipſiſolim victi , nunquam domiti ; for-  
ſes & opulenti , & ſic poſtea Inſubribus feroces , quibus Clauenna arcem  
eripere ; timendi , quia ſecuri . Hanc ſuam inſidijs ſacere Medicæus co-  
gitat . Seliguntur milites , & negotij ſumma Riccio cuidam committitur ,  
fido & ſtremuo iuueni . is Meram amnem noctu cum ſuis tranſit , & per  
murum ruptum in arcem inferiorem penetrans , in inſidijs latet , ut aut in  
rupem euadat , aut Præſectum capiat , arcem extorſurus . Etiam dubio  
conſilio fortuna ſauet : errorem audacia corrigit . Præſectus cum ſiliolo ca-  
piunt , hoſtes adhuc ſuos ignorans . Iuſſus arcem tradere , aut occumbere ,  
mortem eligit . Sed amplius Riccius minatur ; ſocioſque ad crudelitatem  
excitat . Ducitur ſub mœnia Præſectus , tanquam victima caſurus . Vxor  
ex arce periculum mariti cernens , vim deprecatur Lyrumque offert . Sed  
arcem hoſtis poſcit , non alio pretio captiuum dimiſſurus . Ille contra tem-  
nens mortem , uxori conſtantiam commendat : Arcem ſeruet , martium  
negligat : amplius Reipublica , quàm matrimonio deberi . Vltimè circa  
puerulum miua , non ſine vulnere : quibus permoſus Præſectus , & neceſ-  
ſitati ſuccumbens , arcem tradit . Scandunt Medicæani , & victoriam C  
abſcondunt ; maiora etiam molientes . Aditum ſilentio & cuſtodia mu-  
niant ; ipſi latent . Quia Præſectus ad opidum non venit , ad arcem opi-  
dani cuni , & capiuntur . Plures eadem fraude detenti , iam carcerem im-  
plebant . Re detecta , arma Rheti capiunt , ad arcem aduolant , ſtrepitu &  
conuiuijs agunt , hoſtemque eliciunt , nec ſuſtinent . Auſto deinde numero ,  
ingruunt iterum , & in arcem Medicæanos pellunt , obſidentque , tanquam  
fame debillandos : Medicæus ſubſidio venit , difficillimo itinere , milites  
exemplo ſuo ducens , ad pugnam prædamque auidos . Clamore & ſtrepitu  
hoſtium percuſſi Rheti , fluctuant , & ſalutem in fuga ponunt , Inſequi-  
tur Medicæus , ſtragemque inferit . Sed ipſe vulneratus ; reducit agmen ,  
& ad bellum excipiendum ſe parat ; atque adeò inferendum . opidum mu-  
nit , arcem inſtruit , & varia fama inclareſcit . Sfortia natum incendium D  
aleus , noua ſubſidia Medicæo decernit , imò mittit ; atque ea opportuna ,  
provincia iam commota . Quem militem in agrum hoſtilem Medicæus  
emiſſens , præda initiat . Veniunt & tertia ſubſidia : ducente Archiano ,  
ſed Medicæo ſuſpecta . Hoc agit igitur , ut diuertat . Cum ſelectis obuiam  
Archiano ii , Suricum venit , quo ille iam appulerat ; & callide conſilium  
promens , ſuadet , Diuiſis copijs vitendum eſſe : has nouas in Volſurenæ  
vertendas . Perſuadet quoque . Noua agmina Morbonium ducta . Me-  
dicæus Clauennam redit ; & à ſummo lacu ſine præſidio iter ingreſſus , in-  
ſidias

fidias fallit hostium, & saluus ad suos, quia solus venit. Rheti gemino districti malo, & hoste, Bonum factum censent, T hegatum reuocare. Scribuntur litteræ; morem ille gerit; & è Castris Regijs copias suas educit. Tanti Patria erat; quam seruare, primam victoriam putauit, summumque sacramentum. Sed hæc caritas cum turpitudine fuit, imò cum damno, quia cum offensa Regis. Sex millia Rhetorum abire, magnum momentum rerum, cum & animis caderent Galli, & Casariani erigerentur. Moronius reliquis Ducibus pugnandi auctor est. Instat & Piscarius apud milites, quos flagitantes pridem stipendia lenit, & alloquio promptos reddit. Hispani adducunt operam: item Germani, popularium obsessorum necessitate moti. In fatis erat, vinci Regem, & nouis dissidijs viam aperiri. Tantum una dies, vnumque prælium potuit. Exercitus Caesaris in duo equitum, quatuor pedum agmina diuisus. Rex suas quoque copias contrahit, & munitionibus fidit. Media nocte Piscarius aciem mouet, & parte muri diruta, in Circum inuolat. Mirabellum occupatur: prælium accenditur. Gallos Hispanicus pedatus; hunc Heluetij, & in latas inuecti equites, reijciunt; sed reuersurum. Contra Germani in cuneatam frontem explitant aciem, gnauiterque pugnant, caduntur equites hostium: item Heluetij. Rex non deficiens animo, generosa oratione suos fortes esse iubet; & simul in pugnam ruit. Omnes tum extrema tentant, & pro Rege omnia. Hic impetu ab equitatu Caesaris frangitur, cum multa strage. Reliquus miles vincit, vi ferox. Sed Lena magnum rebus pondus addidit, in terga hostium Germanos inducens, & inherens. Rex equo grauiter ictus effusus, capitur. Ceteri aut caesi, aut capti; peater Alenconium, qui cum suis euasit. Octo millia Gallorum, partim in prælio, partim in flumine absumpti. Plerique Duces interfecti. Inconstantem esse fortunam Rex edocuit, in miseria tamen spectem maiestatis seruans. E Casarianis Septingenti perierunt. Duces fere omnes salui, sed saucij: imprimis Piscarius, tribus vulneribus pulcher, & victoria magna pars. Prælium clade, & præda nobilissimum: sed industria Medici felix: is cum non pugnaret, vicit.



# V I R I

## STRENI ET MILITARES,

*Quorum opera, & virtute peculiariter MEDICÆVS  
vſus eſt bello Lariano.*

BAPTISTA MEDICÆVS, Io. Iacobi frater, totius Militiæ conſors.

GABRIEL MEDICÆVS, item frater, iuuenis ſupra quàm dici poteſt, ſtrenuus, qui prælio nauali victor occubuit.

GABRIEL SERBELLONVS, Medicæi amitinus, robore & virtute animi egregius, poſtea bello quoque Senenſi clarus.

LANFRANCVS MANDELLVS, cui nupta erat Lucia Serbellona Gabrieliſ ſoror.

ANTONIVS MARIA NIGER, Medicæi cognatus, contra fidem ab hoſtibus datam trucidatus.

ALOYSIVS BORSÆRIVS Comenſis, Vir bellica virtute præſtantiffimus, claſſi Medicæanæ Præfectus, cui & vitam impendit.

RICCIIVS Rhætuſ, arcis Clauennenſis Præfectus, quam inſigni ſtratagemate ceperat.

IO. IACOBVS PORRVS, Centurio.

NICOLAVS PELLICIONVS, Centurio, verus Martis pullus.

ANTONIVS CRIMINALIS, Pellicioni Signifer.

N. CRASSVS, Centurio, à Rhætis interemptus.

DOMINICVS MATTIVS, Centurio.

BAPTISTA GORDONVS, Centurio.

N. PORINVS, Centurio.

DOMINICVS RIATVS, Centurio.

PEDRACIVS HERBANVS, Centurio.

BAPTISTA MEDA, Centurio.

GASPARINVS SARDVS, Miles.

GIBERTVS CASTELMVRVS Rhætus, è primarijs, qui ultro capi à Medicæo voluit, vt ad eſſet & adhæreret.

*Acceſſe.*

CÆSAR NEAPOLITANVS, Chiliarcha, in Historijs clarus.

GEORGIVS CAPVCIANVS, Equitum Ductor.

N. ELVERA, Centurio egregiæ virtutis inter Hispanos.

N. CARAVACCA Hispanus, Corycæus atque Explorator æui sui solertissimus.

*Multi præterea, quos fama obscura recondit.*



STEM-

# STEMMA TRIPLEX:

- I. IO. IACOBI MEDICÆI,
- II. DVCVM MEDIOLANENSIVM:
- III. REGVM GALLIÆ.

**I**N PRIMO vides LECTOR, quem describo: eius Auum, Patrem, Fratres, Sorores, reliquosque nunc benignæ, rursusque iratæ Fortunæ Heredes atque Posteris: & vides duo præcipua stirpis lumina IO. IACOBVM Marchionem Mariniani, & IO. ANGELVM Pontificem Romanum; illum fago, hunc toga maximum; quorum alter ALTEMSIÆ, alter BORROMÆÆ familiæ addictus fuit, vt gemino velut fulcro Domus MEDICÆA niteretur. Sic igitur in ALTEMSIIS iam, & potissimum BORROMÆIS inclyti MEDICÆI sunt, quos & D. CAROLVS, & perfectissimum eius hodie simulacrum FREDERICVS Cardinalis BORROMÆVS, Archiepiscopus Mediolanensis, Bibliothecæ Ambrosianæ Auctor, illustrent.

IN SECUNDO Duces Mediolanenses sunt; qui præcipuam Historiæ Cisalpinæ partem faciunt; & sciri hic imprimis debet, vt bellorum motuumque causæ, & origines appareant.

IN TERTIO Reges Galliæ, sed à VALESIIIS censentur; & qui arma Mediolanensibus mouerint, prouinciamque occuparint.



## IO: IACOBI MEDICÆI

AB EIVSDEM AVO,

QVI fuit IO. IACOBVS MEDICÆVS *Mediolanensis*, *prisco familia splendore clarus*. Vxor ē RAINOLDIS, quorum illustribus quoque & nobilis ab antiquo stirps est.

BERNARDVS MEDICÆVS, *Vir in Reip. negotijs ad senium occupatus*. Uxor, CÆCILIA SERBELLONA, *ē cuius fratre IO. ANTONIVS Cardinalis titulo S. Georgij, & ut alios omitam, GABRIEL SERBELLONVS, vir bello strenuus, MEDICÆI nostri alumnus, qui Comes deinde SERBELLONOS dedit. Sed BERNARDO ē tredecim liberis quinque filij superstitēs fuere, dua filia.*

## FILII ISTI.

1 IO. IACO-	IO. ANGE-	BAPTISTA,	AVGVSTVS, GABRIEL,
BVS MEDI-	LVS, Ponti-	cum fratre	Marchio II. qui nauali
CÆVS, Mar	fix Maxi-	IACOBO, &	Mariniani prelio in la
chio I. Mari-	mus PIVS	pro eo milita-	Vxor BAR-
niani. Vxor	IV.		CULARIO Vi
MARTIA			BARA MA
VRINA ē			INA, neptis
Comitibus			buis, adhuc
			Comitis MA
			adolefcens.
			XIMILIA-
			NI. STAMPÆ.

Pettitiani: qua

sororē habuit

matrem Ale-

xandri Far-

nesi Cardina-

lis, et Octavi

Duchi Par-

mensis. Obiit

aetate, annis

117 annis.

117 annis.

117 annis.

117 annis.

117 annis.

117 annis.

117 annis.

117 annis.

117 annis.

117 annis.

117 annis.

117 annis.

117 annis.

117 annis.

117 annis.

117 annis.

117 annis.

117 annis.

117 annis.

CÆCILIA,  
nupta OCTA-  
VIO GONZA-  
GÆ Ferranti  
filio. Superfunt  
liberi.

3 IO. IACOBVS,  
Marchio III.  
Mariniani.  
Vxor CASTAL-  
DA, Alphonsi,  
strenui in Hun-  
garia bellatoris  
Filia.

4 FERDINANDVS, Marchio IV.  
Mariniani. Uxor filia Senatoris  
MERZAGORAE. Fratres, & So-  
vres plures etiam sunt.

V

FILIAE

## BERNARDI MEDICÆI

CLARA ET MARGARITA.

Quas ipse Frater IO. IACOBVS, cū Mussium teneret,  
in matrimonium elocauit,

**V**tramque enim Sororem, & simul LUCIAM SERBELLONAM,  
amitinam suam, duasque cognatas, egregia forma & pudicitia præ-  
ditas, ad radicem rupis Mussianæ domo in formam monasterij structa,  
solicite & tanquam Vestales habuit, occasionem nuptiarum expectans.  
Amitinam igitur LANFRANCYS MANDELLVS duxit: cognatam  
alteram IO. BAPTISTA CRIBELLVS, alteram NICOLAYS  
CASTILIONÆVS.

**C**LARA MEDICÆA, nupta VVOLFANGO THEODERICO  
Comiti Alemfio, Marci Sittici Clarissimi bello viri filio.

MARCVS S. R. ANNIBAL, militia GABRIEL, I  
E. Cardinalis: vn- strenuus, qui sub Avunculo  
de Ducis Galefij. IACOBO adoleuit,  
postea Ecclesiastici exerci-  
tus sumus Præfectus. Vxor  
HORTENSIA BORRO-  
MÆA, Comitis Giberti &  
secunda Uxore filia.

**G**ASPAR, Co- MARCVS, Archie- VVOLFANGVS  
mes Alemfius. stir- piscopus & Princeps Sa- THEODERICVS  
pis virtutisq; amita- lisburgensis. Comes Gallarati. Vir  
felix propagator. elegantijs addictus, qui  
cum suauiter aliquan-  
do partim Mediola-  
ni, partim Gallarati  
in otio Litterario vi-  
xi, cuius & suasu pri-  
mum inductus sum,  
ut MEDICÆVM de-  
scriberem. Ad hūc, &  
obiter de familia est  
Epistola XXXI. Pro-  
mulsis mea. Cælebs  
et adhuc iuuenis obijt.  
STEM-

# BERNARDI MEDICÆI FILIA.

MARGARITA MEDICÆA, nupta GIBERTO Comiti BORROMÆQ, viro ut stirpe nobilissimo, ita vita moribusque integerrimo; qui Patruus fuit mei iam Musagete FREDERICI Cardinalis BORROMÆI, Antistitis optimi doctissimique, & bono Reipubl. atque literarum patri, E Margarita duo filij nati, tres filia.

## FILII ISTI:

FREDERICVS Comes. Vxor CAROLVS S. R. E. Cardinalis, Virtus ipsa et pietas, à PAULO Ducis Vrbiniatium. V, in Diuorum numerum relatus.

## FILIAE ISTÆ:

CAMILA, nupta HIERONYMA, ANNA, nupta Fa-  
Casari Gonzaga Fer- nupta Fabricio Iesual- bricio Columna M. An-  
ranti filio, Principi Mal do Principi Venusino. tonij filio.

FERRAN- TVS II. Princeps, Vxor VI- CTORIA AVRIA Io. Andree Prin- cipis filia.	N. IESVAL- DVS Prin- ceps. Vxor ex Aualorum fa- milia.	MARCVS ANTONIVS II. Comeſta- bilis, Regni Neapolitani. Vxor, Soror, Cardinalis Montalii.	PHILIP- PVS Come stabilis. Vxor Nea- politana.	IOANNA nupta AN- DREAE AVRIAE Principi.
--	--	---	--	---

CAESAR Vxor filia Virginij Vr- sinij Ducis Bracciani.	N. IESVAL- DVS. Vxor Bohema è no- bilissima stir- pe.	M. ANTO- NIVS III. Comeſtabilis. obiit adole- scens.
---	---	--

Illustissima hæc, ut vides Lector, propagatio est; quam sic utcu-  
que opera & directione Clarissimi V. IULI NIGRONI S.I. de-  
signaui. Plenior nomenclaturam alij dabunt.



# D V C V M MEDIOLANENSIVM.

1 IOANNES GALEATIVS VICECOMES, I. Dux Mediol.  
 ∞. CCC. LXXXII. Vxor ISABELLA CAROLI V.  
 Gall. Regis Filia: qua sine liberis defuncta; CATHARINAM  
 patrualem suam duxit, BARNABAE filiam. Ex hac nati.

2 IO. MARTA II.	3 PHILIPPVS MA-	VALENTINA natu ma-
Dux Mediol. à do-	RIA, III. Dux Me-	xima, Duci AVRELIA-
mesticiis trucidatus.	diol. Vxor BEATRIX	NENSI, CAROLI V.
Vxor è MALA-	TENDA; ac deinde	Gall. Regis filio nupta.
TESTIS.	MARIA SABAVDA.	Vide seq. Tabulā. *
	utraq; sterilis. Ecō-	
	cubina AGNETA	
	MAINA.	

BLANCA, 4 FRANCISCO SFORTIE  
 nupta, bellorum deinceps causa exstuit. Franciscus  
 IV. Dux Mediol. fuit.

5 GALEATIVS MA-	7 LYDOVICVS MO-	ASCANIVS MARIA
RIA, V. Dux Med.	RVS VII. Dux Med.	SFORTIA S. R. E.
Vxor BONA SABAV-	Captus à LYDOVI-	Cardinalis.
DA. A LAMPONIA-	CO XII. Gall. Rege,	
NO occisus.	in carcere periit. Vxor	
	Beatrix Hercules Du-	
	cis Ferraria F.	

6 IO. GALEATIVS,	8 MAXIMILIANVS	9 FRANCISCVS
VI. Dux Mediol.	SFORTIA, VII I.	SFORTIA, IX. Dux
Vxor, ISABELLA	Dux Med. In Gal-	Mediol. Vxor CHRI-
ARAGONIA AL-	lia obiit avari, ubi li-	STI ERNA CHRI-
THONSI filia.	beralitate Regis	STI ERNI Dania
	FRANCISCI de-	Regis F.
	batur.	

Post LYDOVICVM MORVM Prouinciam tredecim annos LYDOVI-  
 CVS XII. Gall. Rex armis occupatam tenuit. Post MAXIMILIANVM  
 SFORTIAM aliquot item annos FRANCISCVS Rex. Post FRAN-  
 CISCVM SFORTIAM IO CAROLVS V. Imperator Prouinciam sibi vin-  
 dicauit, Posterisque tradidit: qua post PHILIPPVM II. nunc sub optimo  
 maximoque Regum PHILIPPO III. flores, cum Italia quiesce. Longa,  
 imò æterna ea sit!

STEM-

STEMMA ET SERIES  
 REGVM GALLIÆ  
 A VALESIIS.

49 PHILIPPVS VALESIVS Caroli Comitis Valesij Filius, Gallie  
 Rex XLIX. Anno 1000. CC. XXVIII. Vxor Ioanna Burgūda.

50 IOANNES Gall. Rex, victus caprusque ab Anglis  
 Vxor Ioanna Comitissa Bononiensis.

51 CAROLVS LYDOVICVS IOANNES Am- PHILIPPVS  
 v. Gall. Rex, Pri Andegauen. Dux. barrorum Dux. Audax Dux  
 mus Delph. Vxor Burgundia.  
 Ioan. Borbonia.

52 CAROLVS ★ LYDOVICVS Aurelianensiu Dux, Lutetia à IOAN-  
 VI. Gall. Rex. NE Burgundia Duce interfectus. Huius vxor VA-  
 Vxor ISABELLA LENTINA GALEATII F. in dotem tulit ATE-  
 filia Ducis Banaria. STAM urbem, & sub conditione Prouinciæ Medio-  
 lanensem, si sine libris frater uterque decederet.

53 CAROLVS VII. CAROLVS Au- IOANNES Angolif- PHILIP-  
 Gall. Rex. vxor Ma- rel. Vxor MA- morum Comes. Vxor PVS Virtus  
 ria Andegauensis. RIA Cluensis. Maria Burgūda, de- tis Comes.  
 inde Margareta Du-  
 cis Britannia F.

54 LYDOVICVS 56 LYDOVICVS CAROLVS Angolismorum  
 XI. Gall. Rex. vxor XII. Gall. Rex, Dux Comes, vxor LYDOVICA  
 Carlotta Sabauda. quoq; Mediol. vxor Sabauda.  
 Caroli VIII. vidua.

55 CAROLVS CLAVDIA, que 57 FRANCISCVS I. Gall.  
 VIII. Gall. Rex. FRANCISCO I. Rex, Dux quoque Mediol.  
 Vxor ANNA Du nupta. Ingeniorum literarumque  
 cis Britannia F. summus æstimator, & fau-  
 tor, delictum sui secuti.

58 HENRICVS II. Gall. Rex vxor  
 CATHARINA MEDICEA.

59 FRANCISCVS II. 60 CAROLVS IX. Gall. 61 HENRICVS III.  
 Gall. Rex. Vxor Ma Rex. Vxor ISABELLA Gall. Rex. vxor LY-  
 ria Regina Scotia. Maximil. imp. Filia. DOVICA LOTH-  
 RINGA Comitiss  
 Vadementij Filia.  
 Hinc

*Hinc ad BORBONIOS sanguinis iure venerunt sceptrā, & post  
62 HENRICVM MAGNVM, aeterni nominis virtus; &que Re-  
gem, 63 LVDOVICVS XIII. Diadema sustinet; quem  
Matre MEDICÆ nasci Deus voluit, ut Italia splendor Gallie  
felicitatem auget.*

*REX NOSTER LUDOVICVS XIII. FRANCISCVS SECVNDVS  
FILIVS HENRICI MAGNI REGIS FRANCIE & NAVARRÆ  
PRINCEPS CATHOLICVS*

*IN CHRISTO  
LUDOVICVS XIII. FRANCISCVS SECVNDVS  
FILIVS HENRICI MAGNI REGIS FRANCIE & NAVARRÆ  
PRINCEPS CATHOLICVS*

*IN CHRISTO  
LUDOVICVS XIII. FRANCISCVS SECVNDVS  
FILIVS HENRICI MAGNI REGIS FRANCIE & NAVARRÆ  
PRINCEPS CATHOLICVS*

*IN CHRISTO  
LUDOVICVS XIII. FRANCISCVS SECVNDVS  
FILIVS HENRICI MAGNI REGIS FRANCIE & NAVARRÆ  
PRINCEPS CATHOLICVS*

*IN CHRISTO  
LUDOVICVS XIII. FRANCISCVS SECVNDVS  
FILIVS HENRICI MAGNI REGIS FRANCIE & NAVARRÆ  
PRINCEPS CATHOLICVS*

*IN CHRISTO  
LUDOVICVS XIII. FRANCISCVS SECVNDVS  
FILIVS HENRICI MAGNI REGIS FRANCIE & NAVARRÆ  
PRINCEPS CATHOLICVS*

*IN CHRISTO  
LUDOVICVS XIII. FRANCISCVS SECVNDVS  
FILIVS HENRICI MAGNI REGIS FRANCIE & NAVARRÆ  
PRINCEPS CATHOLICVS*

*IN CHRISTO  
LUDOVICVS XIII. FRANCISCVS SECVNDVS  
FILIVS HENRICI MAGNI REGIS FRANCIE & NAVARRÆ  
PRINCEPS CATHOLICVS*